

«واحد / صفر»

تأليف: مريم نعوم

2007

تترات ١	لقطات تسجيلية + جرافيك	--
---------	------------------------	----

Black

ص: همهمات غير مفهوم

Fade - in

ستاد القاهرة في الخمسينيات حيث سنرى شكل الناس في المدرجات.. والذي يعكس فرق وسلوكيات الفترة.

جزء من مباراة للمنتخب المصري في الخمسينيات يحتوى على هجمة لمصر.

ص المعلق: (التعليق مستمر طوال الجرافيك وصولاً للجملة الأخيرة)

مصر تحرز جول.

حارس المرمى يقذف الكرة بقدمه في الهواء نحو النصف الآخر من الملعب.

الكاميرا تتابع الكرة في السماء.

الكرة تظل في السماء التي تتحول إلى خلفية لاسم الفيلم.

تدخل حروف اسم الفيلم الواحد يلي الآخر متداخلة وكأنها لاعبي كرة قدم في الملعب يحاولون الحصول على الكرة التي تقفز هنا وهناك بين الحروف إلى أن تستقر أخيراً فوق حرف الفاء لتصبح النقطة.

ص المعلق: وبكده تكون النتيجة واحد.. صفر.. لمصر..

ص: دخول موسيقى التتر (إيقاع طبول وأبواق + همهمات تشجيع)

مع دخول الموسيقى زووم خاطف على كرة القدم (نقطة الفاء).. التي تتحول إلى الكرة الأرضية.. ثم زووم سريع داخل الكرة وصولاً إلى مصر ومنها إلى لقطة من السماء لمنطقة ستاد القاهرة.

قطع

تترات ٢	الجراج	ن/خ
---------	--------	-----

زاوية عبارة عن حائط خرساني به شباك صغير له قضبان حديدية بما يشبه التصور التقليدي للزنزانة فى الأفلام المصرية.

رجب (أوائل الستيات- متواضع الهيئة وإن كان يتسم بالنظافة والهندمة مقارنة بمهنته وكونه من سكان الجراجات) ورضا وسيد ولييب (من سن رجب) - كلهم مرتدين بنطلون كالحة اللون وفانلات داخلية - جالسين فى دائرة حول شيء ما .. فنظنهم فى الحبس.

رجب: (يدندن) لو سألتك إنت مصرى... (أغنية نانسى عجرم)

رضا يصيح فجأة فى رجب.

رضا: ما تبجح إيدك شوية.

رجب يمد يده ليرى رضا قطعة الحشيش الصغيرة المتبقية فى السولوفانة.. فنكتشف أنهم فى الجراج ملتفين حول إعداد جوزة للتحشيش.

رجب: مش فاضل غير دى.. محوشها لقعدة بليل.. يا نكسب ونحتفل بيها.. يا نخسر ونتسطل بيها...

(بيأس) وفى الغالب هنتسطل بيها.

سيد: بس إنت ما تتقش.

رضا: وهى دى تتفع دي؟.. دى لا هى مقام احتفال.. ولا حتى تكفى ربع سطة..

لييب: يا عم رص عدل ونجيب غيرها.. ولا يعنى إكمن الدور عليك؟

رجب: يا عم خلاص...

رجب يضع قطعة الحشيش الأخيرة على الحجر.. ويرصه بقوالح الذرة وليس بالفحم.

رجب: آهو.... وهروح أمون النهاردة.

بالتوازي	
رجب يمد يده بالجوزة للجالس بجواره.. والذي يسحب نفساً عميقاً ثم يمررها للجالس بجواره.. وهكذا حسب ترتيب جلوسهم.	من خلف السيارات على (عشر سنوات - يبدو عليه الذكاء والشيطنة والمكرة. ملابسه نظيفة نسبياً ولكنه مبهدل للغاية وكأنه من الهيبيز) يتلصص للتأكد من عدم انتباههم لوجوده.. ثم ينظر لأسفل وينحنى على «فرشة» مفرودة على الأرض.. يرفع طرفها بحرص وهو يتأكد من أن لا أحد يراه.. ثم يسحب من أسفلها رزمة منها ست ورقات ويعيد أربع ورقات أسفل الفرشة.. ثم يضغط على طرف «الفرشة» بحرص ليتأكد بأن شكلها لم يتغير.

قطع

ن/خ	التقاطع أمام الجراج	تترات ٣
-----	---------------------	---------

نيفين (منتصف الأربعينات - جميلة ومستديرة الجسد ومهتمة بنفسها للغاية - ترتدى خاتم زواج) - ترتى ملابس رياضية لونها مميز - تسير بخطوات رياضية مائة ذراعها للأمام - دون أن نرى نهاية ذراعها وما تمسكه يدها - وتبدو على وشك التعثر.

على يخرج راکضاً من الجراج... وينظر خلفه فى خوف فيصطدم بنيفين التى تمر من أمام الجراج يسحبها كلبها الكبير خلفه سحباً فنفهم سبب خطوتها الرياضية السريعة.

نيفين: أى. على يواصل ركضه دون الالتفات لنيفين بينما الكلب ينبج على على ويريد الركض خلفه لولا تشبث نيفين بصعوبة بالأرض أمام مدخل عمارة الجراج.
نيفين: Stop it.. Stop it.

قطع

ن/خ	لقطات تسجيلية	تترات ٤
-----	---------------	---------

ستاد القاهرة فى الستينيات حيث سنرى شكل الناس فى المدرجات..والذى يعكس ذوق وسلوكيات الفترة.
جزء من مباراة المنتخب المصرى فى الستينيات يحتوى على هجمة لمصر.

ص المعلق: (التعليق)

مصر تحرز جول.

ص المعلق: واحد... صفر... لمصر ...

قطع

ن/د	غرفة التلفزيون بمنزل نيفين	تترات ٥
-----	----------------------------	---------

لن نعرف أن هذا منزل نيفين إلا فى المشاهد التى ستجمع شريف ونيفين فى النصف الثانى من الفيلم.

الغرفة بها شاشة كبيرة وأجهزة home theatre .. وبها بار صغير مليء بزجاجات متنوعة من الخمور، بالإضافة إلى الكثير من الزجاجات من نفس النوع .. والمنضدة المنخفضة عليها زجاجة خمر مفتوحة بجوارها كأس نص فارغ .. وتبع وورق بفرة وقطعة حشيش.

يد شريف تلف سيجارة حشيش بتمرس .. ثم تملأ الكأس.

شريف (أواخر الثلاثينات - مدمن خمور ولكن ليس «كليشيه» لأنه لم يتطوح كنمط «أنا جدع» .. وسيم وإن كانت الهالات السوداء أسفل عينيه شديدة الوضوح - «تلك وحاسس بنفسه» - لا يرتدى خاتم زواج) يشعل السيجارة ويأخذ نفساً عميقاً بتلذذ... ثم يشرب من الكأس وهو يفتح قناة Live الفضائية التى تعرض فيديو كليب ساخن يتابعه شريف فى عدم اهتمام.. وهو ينظر من حين لآخر إلى الساعة التى تشير إلى العاشرة صباحاً.

التلفزيون: أغنية من أغانى الهيت الساخنة وقت التصوير.

يأتية صوت نسائي من خارج الغرفة.

ص نيفين: (منادية) شيرى ... نسيت ساعتك ع الكومود...

شريف: عارف .. أوستيكها إتقطع..

ص نيفين: طب ياللا بقى .. الساعة بقت عشرة .. هتتاخر.

يجيب شريف فى نفاذ صبر.

شريف: نازل!!

ينتهى شريف من تدخين سيجارة الحشيش ويطفئها وهو يشرب باقى الكأس على جرعة واحدة.. ثم يخرج من «بطحة» من جيب سويتير موضوع بجواره ويملاها من الزجاجات الموضوعة على المنضدة.. ثم ينهض ويرتدى السويتير... ويضع البطحة فى جيب ويجمع أدوات سجائر الحشيش فى الجيب الآخر .. وأخيراً يخرج شريف من الغرفة تاركاً خلفه كل شيء مبعثر كما هو.

قطع

ن/د	لقطات تسجيلية	تترات ٦
-----	---------------	---------

ستاد القاهرة فى السبعينيات حيث سنرى شكل الناس فى المدرجات.. والتي يعكس ذوق وسلوكيات الفترة (الرجال شعرهم كثيف).
جزء من مباراة للمنتخب المصرى فى السبعينيات يحتوى على هجمة لمصر.
ص الكابتن لطيف: (التعليق)
مصر تحرز جول.
ص الكابتن لطيف: واحد.. صفر... لمصر ...

قطع

ن/د	عمارة الجراج	تترات va
-----	--------------	----------

ريهام (أوائل العشرينات- محجبة حجاب عصرى - لا تضع أى مكياج) - ترتدى بنطلون جينز ومن فوقه بلوزة طويلة للركبة - تدخل العمارة وتصعد السلم وهى تتلفت حولها لأنها غريبة عن المكان لكنها تعطينا انطباع أنها خائفة أن يراها أحد .
تصل أمام شقة وتدق الجرس .
يفتح لها محيى (منتصف الخمسينات - وسيم جذاب) بالبيجاما .
محيى: ريهام؟ ...
ريهام تحرك رأسها إيجاباً .
محيى: اتفضلى .

ن/د	شقة محيى	تترات vb
-----	----------	----------

ريهام تدخل فيغلق محيى الباب ويتجه نحو غرفة داخلية نرى عبر بابها نصف السرير وهى تتبعه .
محيى: إتاخرتى .
ريهام: (بثقة وكأنها معتادة) معلش .. تهت شوية ...

قطع

ن/د	لقطات تسجيلية	تترات ٨
-----	---------------	---------

ستاد القاهرة فى الثمانينيات حيث سنرى شكل الناس فى المدرجات.. والذى يعكس ذوق وسلوكيات الفترة.
جزء من مباراة للمنتخب المصرى فى الثمانينيات يحتوى على هجمة لمصر.
ص على زيوار: (التعليق)
مصر تحرز جول.
ص على زيوار: واحد ... صفر... لمصر ...

قطع

تترات ٩	غرفة نوم بمنزل راقي	ن/د
---------	---------------------	-----

غرفة نوم فاخرة.. وذوقها رفيع.. قد تكون فى منزل سفير أو زوجة رجل أعمال أجنبى.
هدى (أوائل الخمسينات - ترتدى جونلة ومن أعلى كومبين فقط) جالسة على كرسى منخفض بجوار سرير .. وعلى ركبتيها بشكير تستند عليه سيدة أجنبية (منتصف الأربعينات) ساقها التى تنزع عنها هدى الشعر بالحلاوة.
هدى: الشعرارية اتحسننت قوى قوى ... أنا مش قللتك .. كل زباينى ييقولولى إن إيدى بتتعم الشعر ... مش الموس!!
السيدة: صح.. حلاوة أحلى قوى .. خلى جلد ناعم..
هدى تنزع الشعر بقوة فتصرخ السيدة وهى تسحب ساقها وتهوى بيدها عليها.
السيدة: بس إوجع قوى قوى ...
هدى: معلىش ... حلاوتها ف وجعها!!!
هدى تنزع آخر جزء من ساق السيدة.
هدى: خلاااص!
السيدة ترفع ساقها تتأملها .. بينما هدى تشطف يديها فى طبق به ماء موضوع بجوارها وتجففهما فى البشكير الموضوع على ساقها .. ثم تفتح حقيبة يدها وتخرج منها علبة كريم بيضاء بدون مباركة .. وتمد يدها بها للسيدة.
هدى: الكريم اللى قولتلك عليه ... الخلطة بتاعته بتجلى من بره .. يعنى طبيعة مية مية.
السيدة تتفحص العلبة ... بينما هدى تقف وتلبس بلوزة طويلة فوق الكومين .. ثم تربط حجابها.
السيدة: بكام؟
هدى: ١٠٠ .. بس ده عشانك إنتى بس .. أوعى تقولى لصحاتك ع السعر ده ...
تبتسم السيدة ابتسامة مأكرة تدل على أنها تفهم أن هدى «بتستكردها».. لكنها تفتح درج الكومودينو وتخرج منه ١٥٠ جنيه وتعطيهم لهدى.
السيدة: ١٠٠ كريم .. ٥٠ حلاوة!
تضع هدى النقود فى «بوك» نقودها .. ثم «تدفسه» بحرص فى قاع حقيبتها وهى تسأل وعلى وجهها ابتسامة لزجة.
هدى: تأمرينى بحاجة تانية؟

قطع

ن/د	لقطات تسجيلية	تترات ١٠
-----	---------------	----------

ستات القاهرة فى التسعينيات حيث سنرى شكل الناس فى المدرجات.. والذى يعكس ذوق وسلوكيات الفترة.
جزء من مباراة للمنتخب المصرى فى التسعينيات يحتوى على هجمة لمصر.

ص الشربيني: (التعليق)

مصر تحرز جول.

ص الشربيني: ... واحد .. صفر.. لمصر...

قطع

ن/د	كوافير ممدوح الكبير	تترات ١١
-----	---------------------	----------

عادل (أوائل العشرينات - وسيم وإن كان بيئة بعض الشيء ويحاول إخفاء ذلك إلا أن أسلوبه يفضحه) ينتهي من تصنيف شعر مدام مرفت.
الراديو: برنامج عن المباراة.
عادل: شعر حضرتك طول والجدور محتاجة لون ...
مرفت: المرة الجاية بقى يا عادل!!
عادل: (مبتسمًا) إن شاء الله ...
يميل عادل على مرفت ويهمس فى أذنها وهو يعطيها خلسة كارتًا صغيرًا.
عادل: (هامسًا) ... على فكرة... إحنا هنفتح محل ... عايزينك تبقى زيونتنا ... وأول تلت مرات ببلاش ...
يعتدل عادل فى وقفته ... فنلاحظ فى خلفيته عاطف ومروة العاملان بالمحل يراقبانه فى تحفز وغل.
عادل: ... حضرتك غالية علينا قوى.
تبتسم مرفت ابتسامة صفراء.

قطع

ن/د - خ	سيارة سليم - التقاطع - الكوافير	تترات ١٢
---------	---------------------------------	----------

السيارة - يقودها أسامة السائق - تتوقف أمام الكوافير.. وبها رانيا (أوائل العشرينات وأصغر من عادل بسنتين على الأقل - جميلة وتشعر بذلك وتبدو كلاس في المظهر لكنها في جوهرها وأسلوبها بيئة ويظهر ذلك عندما تستخدم كلمات إنجليزية سيئة للنطق أثناء حديثها) - ترتدى ملابس كاشفة جداً - تنزل من الكنبة الخلفية بالسيارة.
 راديو السيارة: تكلمة برنامج المشهد السابق.
 رانيا: ... ok ...
 ص إيناس: أرجوكى ما تتأخريش ...
 رانيا: ماتخافيش يا إيناس .. مش هتأخر ...

قطع

ن/د	كوافير ممدوح الكبير	مشهد ١٣
-----	---------------------	---------

يفتح عادل لمدام مرفت باب المحل لتخرج .. فى نفس الوقت الذى تكون رانيا تهم بدفع الباب للدخول.
 راديو الكوافير: نفس البرنامج.
 رانيا: (فى الموبايل) طيب طيب .. حاضر ...
 عادل: (لمرفت) شرفتيانا.
 مرفت: مرسى.
 تفاجئ رانيا بعادل فى وجهها .. فتتوقف عن الحديث فى الموبايل.
 تخرج مدام مرفت .. فتدخل رانيا وهى تتبادل مع عادل نظرات مرتبكة ذات مغزى.
 تنتبه رانيا فجأة لصوت إيناس فى الموبايل .. فتواصل دخولها المحل ... ويلتفت عادل يتابعها بعدم ارتياح.
 ص إيناس: ... آلو .. آلو .. سامعاني؟!
 راني: أيوه أيوه
 ص إيناس: ... هنبداً ١٢ بالضبط ...
 رانيا: (بانجليزية ركيكة) ok ... no problem هكون عندك قبلها بنص ساعة .. باى.

قطع

ن/خ	فوتومونتاج	تترات ١٤
-----	------------	----------

الاستعدادات الأمنية للمباراة وتوافد الجمهور على الاستاد من وجهة نظر كاميرا قناة Live الفضائية:
ص: موسيقى التتر (إيقاع طبول وأبواق + همهمات تشجيع)
(سنفهم أنها تنويعة منغمة على الأصوات الصادرة من الجمهور المحيط بالاستاد)
- صف طويل من عربات الأمن المركزي وخلفها ثلاث عربات ونش تسير في بطى متجهة نحو بوابة ستاد القاهرة الرئيسية.
- شارع صلاح سالم خلف سيارات الأمن شبه متوقف بسبب اختناق المرور التى تسببه.
- أمام بوابة الاستاد نلاحظ سيارة البث الخارجى للقناة الفضائية.
- على الأرصفة المحيطة والمقابلة للاستاد جمهور غفير - يرتدى ملابس التشجيع ويحمل أعلام وطبول وغيره من أدوات التشجيع- ينتظر فتح البوابات.
- بعض عربات الأمن المركزي وعربة ونش تتوقف فى صف أمام الاستاد ... بينما تكمل باقى العربات والأوناش طريقها وتحرف يمينا مع سور الاستاد.
- من وجهة نظر كاميرا القناة الفضائية نرى ضابط ينزل من كل عربة ويتجه بابها الخلفى ... ويأمر عساكره بالنزول ... فنرى شفاهم تتحرك فى نفس واحد «انزل يا عسكري» دون أن نسمع صوتهم.
- عربة البث الخارجى - وبها المصور الذى كان يصور الضباط من الشباك تتحرك متعدية سيارات الأمن المركزي أمام باب الاستاد الرئيسى وتعطف بمحاذاة سور الاستاد مروراً بإحدى بواباته الجانبية.
- الكاميرا تصور من داخل سيارة البث الخارجى.
- عساكر الأمن المركزي الواقفين ثابتين فى أماكنهم أمام جميع بوابات الاستاد ... وبالقرب من كل بوابة عربات الأمن المركزي التى نزل منها هؤلاء العساكر .. وحول كل بوابة الجمهور يتزاحم للدخول بينما بوابات الاستاد لم تفتح بعد.
- الكاميرا تتحرك لتصور من زجاج السيارة الأمامى .. فنكتشف أن السيارة يسحبها أحد الأوناش.
ص: سارينة الونش
- إحدى بوابات الدرجة الثالثة والجمهور يتزاحم ويتدافع ... بينما العساكر يحاولون تنظيم الجمهور فى طوابير لتسهيل عملية الدخول .. مع تذرير الجمهور المستمر.
- بوابات الاستاد الخارجية تفتح وال جماهير تتدافع منها بالرغم من محاولات الأمن المستميتة فى السيطرة على الموقف وتنظيمه.
- الجماهير تسير داخل الاستاد وصولاً للبوابات الداخلية حيث التفتيش وختم التذاكر.
- عند البوابات الداخلية الجماهير يقفون فى صفوف طويلة جداً منتظرين دورهم فى المرور عبر البوابة الإلكترونية وختم التذاكر للدخول.
- فى نهاية إحدى الطوابير مجموعة من الشباب يخرجون ولاعات من جيوبهم .. وكل منهم يخلع إحدى فرد حذاءه ويخفى الولاة به ثم يرتديها مرة أخرى.
- الكاميرا تسير بمحاذاة الطوابير تصور أشكال الناس المختلفة وملابسهم وتفصيلهم حتى تصل إلى البوابة الإلكترونية.
- عند البوابة الإلكترونية يصل المصور من خلف موظف الأمن ونرى يده تمتد بكارنيه للموظف الذى يجيب دون أن يلتفت خلفه ليرى ما يقدم له.
موظف الأمن: بالدور ... أقف فى الطابور!
ص المصور: صحافة.
الموظف يلتفت للمصور ويشير له على الكاميرا فيكاد يخرم العدسة ثم يشير على مكان ما.
موظف الأمن: طب حطها هنا وعدى الأول.
المصور يضع الكاميرا التى لا تزال تصور .. فنراه لأول مرة (لأن عدستها أصبحت فى مواجهته) .. ثم نراه يعبر من البوابة (حتى ولو رأينا جزء بسيط منه).
ص: صفارة البوابة.
ص موظف الأمن: معاك حاجة معدن؟! ... معاك ولاعة؟
ص المصور: لأ ... دى وصلة الكاميرا.
يد موظف الأمن تمتد وتأخذ الكاميرا وتعطيها عبر البوابة الإلكترونية للمصور.
ص موظف الأمن: اتفضل.
ص: صفارة البوابة.
ص المصور: شكراً.
وضع الكاميرا يعتدل ويعود المصور للتصوير:
- من داخل البوابات الإلكترونية الجماهير تدخل بالتوالى من البوابات ... والفتيات تستقبلهن ضابطات تفتش حقائبهن.
- يد المصور تم بسيجارة من أمام العدسة .. ثم تمر بولاة .. ثم نرى دخان .. فنفهم أنه أشعل سيجارة.
- الجماهير وقد بدأت تأخذ أماكنها فى مقاعد الاستاد الخالى.
ص المعلقون: كولاج لهاتف أكثر من معلق «واحد ... صفر ... لمصر».

نهاية التترات

ن/ح	سيارة شريف - الطريق الدائري	مشهد ١
-----	-----------------------------	--------

شريف متجهًا نحو ٦ أكتوبر يرتشف من البطحة .. فلا يلحظ مطب أو تغيير في الطريق أمامه .
ص: إذاعة الشباب والرياضة تتحدث عن مباراة اليوم .
تهتز السيارة بقوة ويسقط بعض الخمر على قميصه .
شريف: يبيه ... هي ناقصة؟!
يبطئ شريف من سرعتوه وينفض قميصه المبتل ... ثم يعلق البطحة ويستعيد سرعتة في القيادة .

قطع

مشهد ٢	غرفة نوم محيي	ن/د
--------	---------------	-----

ريهام تعطى محيي حقنة فى العضل فى وجود زوجته (أوائل الخمسينات - مهمة بنفسها حتى وإن كانت فى فراش المرض) التى يبدو أنها أخذت حقنة فى الوريد للتو.
محيي: (متألماً) ... تقدرى تيجى الجمعة الجاية؟
ريهام: تحت أمرك.
ريهام تنتهى من إعطاؤه الحقنة وتبدأ فى جمع أغراضها بينما الزوجة تفتح درج الكومودينو وتدفع لها عشرة جنيهات.
الزوجة: مضبوط؟
ريهام: مضبوط .. متشكرة قوى.
ريهام تتجه نحو باب الغرفة للخروج... فيتبعها محيي ليوصلها لباب الشقة فتستوقفه.
ريهام: خليك حضرتك ... أنا هعرف السكة ... سلام عليكم.
محيي + زوجته: وعليكم السلام ...
ريهام تخرج من الغرفة .. فيقبل محيي زوجته بحنان فى خدها.
ص: (من بعيد) كلاكسات بنعمة تشجيع الكرة + هتاف الشباب «مصر» (كلاكس + مصر + كلاكس + مصر)
ص: إغلاق باب الشقة.

قطع

ن/خ	التقاطع	مشهد ٣
-----	---------	--------

سيارة تسير ببطلان بها شباب وفتيات فى أوائل العشرينات من الطبقة المتوسطة العليا - يرتدون ملابس بألوان علم مصر ووجوههم ملونة بألوان العلم - جالسين على أطراف الشايك يلوحون بأعلام مصر.
ص: كلاكسات بنغمة تشجيع الكرة + هتاف الشباب «مصر» (كلاكس + مصر + كلاكس + مصر)
السيارة تمر بريهام الخارجة من عمارة الجراج.
ريهام تتوقف لحظة لتخرج شيء من حقيبتها.
ريهام تخرج من حقيبتها نوتة صغيرة تفتحها على ورقة مكتوب فيها تاريخ اليوم ثم قائمة من خمسة أو ستة أسماء ومواعيد وأحيانا عناوين.
ريهام تعلم علامة صح أمام أول اسم «أستاذ محيى - الساعة ١٠ - العنوان» .. يليه «مدام نيفين - الساعة ١١:٠٠» (أمام اسم نيفين لا يوجد عنوان) ... ثم عدة أسماء ومواعيد.
ريهام تنظر فى ساعتها فتجدها ١١ : ٠٠ .. فتلطم على خدها.
ريهام: يا نهار أسود.
ريهام تعيد النوتة لحقيبتها وتسرع من خطاها وهى تكاد تجرى مروراً بالكوافير .. فتركها وندخل الكوافير مع إحدى الزبونات.

قطع

مشهد ٤	كوافير ممدوح الكبير	ن/د
--------	---------------------	-----

محل مساحته كبيرة.. نظيف وأنيق.. وبه الكثير من الغرف المنفصلة (لإزالة الشعر - حمام مغربي - محجبات - ماساج) .. وأوفيس شيك ... وغرفة مستقلة هي غرفة الإدارة التي بها مكتب ممدوح وكمبيوتر .
كل العاملين يرتدون بالطلو أبيض عليه اسم الكوافير ... عدا ممدوح صاحب المحل وعادل ذراعه اليمين اللذان يرتديان لون مختلف .
على الحوائط شهادات تقدير لممدوح من مسابقات تصفيف الشعر .. وصور له يصفف شعر بعض نجومات السينما والغناء .

نخترق المحل حيث العاملين والعاملات يمارسون مهام عملهم المختلفة ... أما الزبائن فتتدرج من سيدات الطبقة الراقية .. أو ما تبقى منها ... وصولاً إلى زوجات محدثي النعمة من رجال أعمال الانفتاح ... فالتقاوض واضح جداً بين الزبونات وأذواقهن في الملابس وفي ما يطلبنه من خدمات (لون صبغة الشعر - لون طلاء الأظافر ورسمته - المكياج) .
ص: أغنية رانيا من شريط كوكيتل بكاسيت الكوافير .
ص: أجواء المحل ... طلب كل زبونة من العامل أو العاملة التي معها .

رانيا جالسة على كرسي غسيل الشعر وسهير (١٨ سنة - من الطبقة الدنيا) تغسل لها شعرها .
سهير: شفتك من يومين ... كنتي زى القمر .
رانيا: مرسى يا سهير ... إنتي اللي قمر .

في طرف المحل المقابل لرانيا يجتمع واقفين بعض العاملين بالمحل ... حيث يتبادل الحديث فتحي وعاطف وخطيبته مروة التي تتدلل عليه ليأخذها معه لمشاهدة المباراة .. بينما عادل الواقف معهم لا يبادلهم الحديث لانشغاله باختلاس النظرات من حين لآخر نحو رانيا المستسلمة لغسيل شعرها .. إلا أنها بدورها تحاول رفع رأسها عن الحوض من حين لآخر لتراقب عادل .
عاطف: ... قلت لأ .
مروة تداعب ياقة قميص عاطف وهي تتدلل عليه .
مروة: وحياتي يا طيفة .. ما الاستاد مليون بنات .. جت علي أنا؟
عاطف يدفع يد مروة عن رقبتة:
عاطف: يا بت ماتبقيش خنقة كده .. مش رايعين الاستاد .

سهير تمل من محاولات رانيا لرفع رأسها لاختلاس النظرات نحو عادل، فتضغط على رأسها لأسفل لتبقيها في الحوض .
سهير: خلى راسك لتحت عشان الماية ماتفرقكيش .
تخفض رانيا رأسها في غيظ .
رانيا: حاضر .

عادل يلحظ أن رانيا تحاول اختلاس النظر نحوه .. فيتجاهل نظراتها له ويقحم نفسه في نقاش زملاؤه - وسط دهشتهم - ليثبت لرانيا أنه لا يبالي لوجودها .
عادل: مالقناش تذاكر .. السوق السوداء تفضلتنا ...
عاطف: (لمروة) من نَقك ...
مروة: آمال هتشوفوه فين؟
عاطف: رايعين مكان مافيهوش حريم .

مروة: (بعصبية) مافيهوش حريم مافيهوش حريم .. إيه .. رايعين تتفرجوا في الجامع؟
عاطف يدفع مروة برفق في كتفها مناغشاً .
عاطف: بت .. روحى شوفى شغللك!
مروة تبتسم لعاطف ابتسامة صفراء بها تواعد وترحل .

فتحي: عايزين نروح بدرى عشان يحيى يعرف يدخلنا في الخباسة قبل الزحمة .
سهير تدلك لرانيا فروة رأسها بالشامبو بقوة لكن رانيا تقاطعها وهي «بتلكك» .
رانيا: وحياتك يا سهير ناديلي عادل يكمل غسيل عشان إيده جامدة ...
(تداعبها) إنتي أصلك خرة!!
سهير: حاضر .

سهير تلتفت نحو عادل منادية .
سهير: مستر عادل .. لحظة .

عادل يتجه إليهم فتترك له سهير مكانها خلف الحوض .

سهير: الأنسة رانيا عايزاك تغسل لها شعرها .. (بنسونة وهي تنظر لزملائه) أصل أنا خرة!!

سهير تختفي داخل المحل بينما عادل يأخذ مكانه خلف الحوض ويبدأ في غسيل شعر رانيا بقوة بها بعض الحسنة الظاهرة في أدائه وفي استقبالها في لهذا الأداء .

رانيا: وبعدين فيك؟ كل مرة هتجاول عليك عشان تغسل لى شعري؟
 عادل: (بسخرية) ما أنتى عارفة إنها مش شغلتي يا أنسة.. بس عشان خاطرك أشتغلها.. تحبى أعملك فتلة كمان؟
 رانيا: (بعصبية) إيه يا عادل؟ .. ما تكلمنى عدل زى ما بكلمك..
 عادل يومئ برأسه فى استهزاء ولا يجيب.. بينما رانيا تسكت للحظة تتمالك فيها أعصابها .. ثم تستطرد بأداء من يحايل شخص.
 رانيا: (بهذوء) أعملك إيه يعنى عشان تعاملنى كويس؟ بلاش كويس.. عاملنى عادى يا أخى.. عادى!!..
 ماتعرفش؟ .. صعبة قوى؟
 عادل: ما أنا بعاملك عادى.. عايزانى أعمل إيه .. أضربلك مزيكا حسب الله كل ما تشرفى.. حاضر .. المرة الجاية أوعدك إنك هتلاقى استقبال يليق بيكى.
 رانيا: عادل .. بلاش الطريقة دي.. أنا ما دوستلكش على طرف..
 عادل: إنتى ماتقدريش تدوسيلى على حاجة..
 راني: آمال لازمتها إيه بقى الطريقة دي؟
 عادل: دي طريقتى وإنت عارفة.
 رانيا: ما هو المشكلة إنى عارفة.. وعارفة إن دي مش طريقتك ولا حاجة..
 (بدلال) ... تكونش لسه بتجنبى.
 عادل يجذب شعر رانيا بعنف ليشطفه.
 عادلة: (بحزم) لأ ...
 رانيا: آى... آمال إيه الغل ده.
 عادل يلف لها شعرها بالفوطة ويلف من خلف الحوض ويقف بجوارها فتنهض وتقف ملتصقة به فيبتعد خطوة للخلف.
 رانيا: (بدلال) شكلى وحشتك!
 عادل: لأ ...
 رانيا: كداب..
 عادل يلتفت نحو كراسى التصنيف ويشير لرانيا بالجلوس ... ثم يلتفت نحو هشام (١٥ سنة) الصبى بالمحل ويشير له على الكاسيت.
 عادل: إطفى يا بنى الصداق ده (أغنية رانيا) وشغلنا التلفزيون.
 هشام: حاضر.
 هشام يطفى الكاسيت.. ويمسك بريموت التلفزيون ويشغله ... ثم يقلب قنوات الدش مروراً بقناة LIVE التى بها شوبير.
 عادل: أيوه .. سيب ده..
 هشام يترك ريموت الدش ويبتعد لمواصلة مهام عمله.. بينما يتحول حديث شوبير (وفقاً لطول المشهد) إلى خلفية عادل ورانيا.
 شوبير: مادة تسجيلية (قناة دريم) مضمونها: ... لا داعى لذهاب من لا يحملون تذاكر منعاً لحدوث تكدرات ومشاكل ... وذلك من أجل الحفاظ على مظهرنا الحضارى أمام العالم .. بالإضافة إلى ذكر السوق السوداء..
 عادل يفك الفوطة ويجفف بها شعر رانيا بقوة.
 عادل: رانيا .. طلعينى من دماغك..
 رانيا: (متألدة) أى .. مش عارفة.
 عادل: (بعصبية) أنا مش فاهم .. إنتى عايزة إيه؟
 رانيا: (بدلال) عايزاك تبقى حلو معايا ..
 عادل الذى بدأ يسلك لها شعرها بالمشط يجذبه بشدة مما يؤلمها.
 عادل: نعم يا ختي؟..
 رانيا: (متألدة) أى .. بالراحة.
 عادل: إنت فاكرانى إيه ... ميس؟!!
 رانيا لا تجيب وقد أدركت أنها «عكت الدنيا» وأهانت كرامته.
 عادل: (بجدة) بصى.. م الآخر كده عشان ما تتعبيش نفسك.. أنا خَيْرُك .. وأنت اخترتى اللى يريحك..
 عادل يشيح بيده بأداء أنه «خلص منها» لأن اختيارها أراحه منها.
 عادل: ... وريحتى ...
 .. فماترجعش بقى تحومى وتحرجمى لأن أنا خلاص .. رشيت ماية.. فاهمة..
 (بحسم) فلا تتعبى نفسك ولا تتعبينى معاكى.
 رانيا: أنت اللى تاعب نفسك.... (نفسك)
 عادل يقاطعها بتشغيل مجفف الشعر فيصبح صوتها غير مسموعاً ... بينما فى الخلفية يبدأ البرومو لبرنامج شريف.
 التلفزيون: برومو برنامج شريف «Sherry Live».
 ص: المجفف

قطع

مشهد ٥	حجرة المكياج بقناة LIVE الفضائية	ن/د
--------	----------------------------------	-----

خلفية المشهد

تليفزيون صغير معلق فى الحائط مثل تليفزيونات المحلات والكوافيرات يعرض بث القناة المباشر. التليفزيون: تكلمة برومو برنامج شريف «Sherry Live» وتحديد ساعة عرضه (١٢).

المشهد الأساسى

شريف جالس أمام مرآة كبيرة والماكينة على أحد جانبيه تصنع له المكياج بسرعة ملحوظة.. بينما إيناس المعدة - التى نفهم من طريقة حوارها مع شريف أنهما أصدقاء مما يبرر أنها «واحدة عليه» وأنه لا يعاملها بتعالى مثلما يعامل الآخرين - جالسة على الجانب الآخر ممسكة بأوراقها تشرح له - بسرعة أيضا - ما سيقدمه .. بينما هو مشغول ما بين متابعة انعكاس صورة التليفزيون فى المرآة وبين تأمل شكله وعمل الماكينة.

إيناس: ... دى التقديمات والفواصل الللى بين التقارير ...

تشير نحو التليفزيون.

إيناس: ده أول تقرير مباشر ...

ثم تشير على أوراقها وبها جدول البث بينما يظل شريف متابعا للتليفزيون.

إيناس: ... بعده هتقدم تقرير المنتخب الللى صورته معتز الصبح لحد ما هو يغير مكانه عشان المباشر الللى بعده ..

إيناس تلاحظ انشغال شريف عنها فتمسك بالريموت وتطفئ التليفزيون.

إيناس: خليك معايا ...

ثم تواصل الشرح.

إيناس: بعدها هتطلع تقدم التقرير المباشر ...

شريف يقترب من المرآة يتفحص شيء بوجهه.

إيناس: معايا ولا إيه؟!

شريف يجيبها باقتضاب ... ثم يشير للماكينة على الهالات السوداء أسفل عينيه اللتى لم يداريها المكياج بعد.

شريف: (لإيناس) معاكى ...

(للماكينة) الهالات لسه باينة ... حاولى تداريها.

تقترب الماكينة بوجهها من وجه شريف لتزيد من المكياج أسفل عينيه لمداراة الهالات السوداء .. إلا أنها تبعد وجهها بسرعة

مستاءة بسبب رائحة نفسه المعبئة بالخمير.

الماكينة: لو زودت عن كده الـ foundation هيشقق.

شريف: (بعصبية) ما هو ده كمان مش منظر.

الماكينة: (بنفاذ صبر) حاضر.

الماكينة يائسة تزيد من الـ foundation لمداراة الهالات السوداء .. ثم تبتعد عن شريف ليرى وجهه بوضوح فى المرآة.

الماكينة: كويس كده؟

يقترب شريف من المرآة ليتأكد.

شريف: كويس.

تلتفت إيناس إلى الماكينة وتشير لها برأسها فى ود طالبة منها الخروج.

إيناس: مرسى قوى.

الماكينة: عن إذلكم.

تخرج الماكينة من الغرفة فتلتفت إيناس لشريف وتساءله فى جدية سببها اهتمامها بحاله.

إيناس: ممكن أفهم فيك إيه؟

شريف: في إيه؟

إيناس: هالاتك زادت قوى يا شيرى .. إنت كويس؟!

شريف: آه .. كويس جدا .. بس قلة النوم.

تشعر إيناس بأنه «بياخذها على قد عقلها».

إيناس: قلة النوم ... طيب..

تظهر مساعدة المخرج عند الباب.

المساعدة: عشر دقائق.

شريف: (للمساعدة) طيب.

ترحل المساعدة.. بينما إيناس تنهض تاركة له الورقة المكتوب به التقديمية.

إيناس: الورق آهو.. حاول تقرأه بقى.
شريف يستوقفها:
شريف: تعالى هنا.. رايحة فين.
إيناس: رايحة أشوف شغلى.
شريف: استنى بس يا نوسة ...
شريف يفتح دولاب بالحجرة به العديد من الملابس.
شريف: ... إقربلى التقديمية عقبال ما أغير.
إيناس: (نفاذ صبر) إنت لسه هتغير؟!.. الهوا خلاص!
يختار شريف قميص معلق ويخرجه ثم يعيده ويخرج قميص آخر.
يختار شريف قميص معلق ويخرجه ثم يعيده ويخرج قميص آخر.
شريف: هغير القميص بس.. دلقت على نفسى ماية فى العربية!
إيناس يأسه تأخذ الورق.
إيناس: الأمر لله.. بس حاول تحفظ بقى!
شريف ينزع قميصه ويرتدى القميص الآخر أمام المرأة ويتأكد من مظهره..
إيناس: (تقرأ) النهاردة يوم مش زى أى يوم ..
شريف يخرج من الغرفة تتبعه إيناس مواصلة قراءة التقديمية.

قطع

مشهد ٦	أروقة قناة LIVE الفضائية	ن/د
--------	--------------------------	-----

شريف يرمى بلبانة فى فمه وهو يسير بسرعة فى أروقة القناة وإيناس تتبعه وهى تقرأ .
إيناس: ... مش بس عشان الماتش .. لكن كمان لأن معانا النهاردة فقرة فنية جداً .. مفاجأة كلكم مستتيناها من زمان ..
لأول مرة .. وحصرياً فى Sherry Live .. هيكون معانا على الهوا القنبلة الفنية .. نينا .. شاركونا باتصالاتكم وإيميلاتكم
عشان نسألها الأسئلة اللي أنتم نفسكم تسألوها لها ... ومن هنا لغاية فقرة نينا .. خليكوا معانا .. هنقابل لاعبية منتخب
مصر .. وهنشوف مع بعض إزاي المصريين بيستعدوا لماتش النهاردة .. يعنى م الآخر ... معانا النهاردة فقرة فنية جداً ..
وكمان فقرات رياضية جداً جداً .. تابعونا ...
أثناء القراءة تتخبط ببعض العاملين الآخرين الذين يعتذرون لها فتعتذر بدورها دون رفع بصرها عن الورق .. ويبدو من
الأداء العام للآخرين أنهم معتادون على هذا الموقف.

فتاة: sorry.

إيناس: آسفة.

شاب: آسف.

إيناس: sorry.

رجل: ولو مؤاخذه.

شاب ٢: صباح الفل.

إيناس - وقد انتهت من القراءة - تلتفت محدثة شريف وقد وصلا لباب ستوديو الهواء .. والمعلق عليه لافتة مكتوب عليها
«Sherry Live».

إيناس: بس!!

(بقلق) هتفتكر ولا إيه؟!

شريف: هفتكر!!

إيناس: ولا هتفتكر ولا حاجة .. تركيزك بقى .. (تصنع له بأصابعها دائرة علامة صفر)

ينظر شريف لإيناس فى استياء معاتباً .. ثم يدفع باب الاستوديو داخلا.

قطع

مشهد ٧	ستديو هواء برنامج «Sherry Live» بقناة LIVE الفضائية	ن/د
--------	--	-----

الاستوديو به أماكن للجمهور لكنها شاغرة.. كما يوجد اسم البرنامج «Sherry Live» في خلفية مكان جلوس شريف.
يدخل شريف ستوديو الهواء ويتجه نحو مكانه كمقدم برامج.. فتترك مساعدة المخرج ما تفعله وتتجه نحو شريف وهي لازالت تتابع سير العمل.
المساعدة: ياللا يا شباب ... دقيقتين ع الهواء...
المساعدة: تتلفت حولها لتتأكد من أن كل شيء في مكانه.
المساعدة: اللي ملوش شغلانة يخرج من هنا ...
تصل مساعدة المخرج لشريف وتبدأ في تثبيت الميكروفون بملابسه ... بينما في الخلفية يخرج عدة شباب عاملين بالإضاءة والديكور.
شريف: بالراحة يا دينا .. هتكرمشي القميص.
المساعدة: (شريف باقتضاب) آسفة.
(للعاملين صارخة) أسرع شوية.
شريف «يتخض» والشباب ينتفضون ويخرجون متكريسين على بعضهم البعض سادين باب الاستوديو.
تنتهي المساعدة من تثبيت الميكروفون وترحل آخذة ورقة التقديم من أمام شريف الذي يتابع الورقة بعينه كأنها تأخذ طوق النجاة من غريق.
المساعدة: خلاص ... نسكت بقي!!
ص: مهمات متداخلة.
المساعدة: (صارخة) نخرس بقي!!!
المساعدة تقف خلف أحد المصورين.
المساعدة: ثلاثة ...
شريف يبدأ في الاعتدال في جلسته أخذًا وضع التقديم المليء بالثقة على عكس حالته الحقيقية.
المساعدة: ... اثنين ... واحد ...
(بشفتها لشريف دون صوت) ... هوا ...

قطع

مشهد ٨	كوافير ممدوح الكبير	ن/د
--------	---------------------	-----

لقطة قريبة على التلفزيون وبه شريف يقدم البرنامج.
شريف: صباح الخير .. النهاردة يوم مش زى أى يوم ...
خلفية المشهد

فى التلفزيون شريف يقدم البرنامج ببطيء ملحوظ وكأنه يحاول تذكر التقديمة (لن يكمل شريف كل التقديمة ... المهم هو ذكر نينا ... أما الباقي فيتوقف على طول المشهد نفسه).
شريف: ... مش بس عشان الماتش ... لكن كمان لأن معانا النهاردة فقرة فنية جداً .. مفاجأة كلكم مستينها من زمان .. لأول مرة .. وحصرياً فى «Sherry Live» .. هيكون معانا على الهوا القنبلة الفنية .. نينا (عند ذكر اسم نينا .. رانيا ستبتسم بينما سيبدو على وجه عادل الاستياء الشديد) .. شاركونا باتصالاتكم وإيميلاتكم عشان نسألها الأسئلة اللى إنتم نفسكم تسألوهالها .. ومن هنا لغاية فقرة نينا .. خليكوا معانا .. هنقابل لاعبية منتخب مصر .. وهنشوف مع بعض إزاي المصريين بيسعدوا لماتش النهاردة .. يعنى م الآخر .. معانا النهاردة فقرة فنية جداً .. وكمان فقرات رياضية جداً جداً .. تابعونا ...

المشهد الأساسي

يلتفت ممدوح لرانيا التى تقف أمامه لتدفع له وقد انتهت من تصفيف شعرها .
ممدوح: خمسين يا ست الكل .
تبحت رانيا فى حقيبتها بينما فى الخلفية عادل يراقبها فى غضب .
تخرج رانيا من حقيبتها ١٠٠ جنيه .
رانيا: اتفضل .. يا ريت فكة .
يرد لها ممدوح الباقي (خمسين جنيه فكة: عشرين وعشرين وخمسة وخمسة جنيهات من فئة الجنيه مطويين بطريقة الكوافيرات الذين يضعون أربعة ورقات مفرودين تمسك بهم ورقة خامسة مطوية).
رانيا: شكراً .
تأخذ رانيا الباقي وتتجه نحو سهير وتضع فى جيبها خمسة جنيهات .
رانيا: مرسيه يا سهير .
سهير: تحت أمرك .
ثم تتوجه نحو عادل وتضع فى جيبه عشرة جنيهات وترتب على موضع الجيب بينما هو ينظر لها فى احتقار .
رانيا: (هامسة) خلى قلبك أبيض!!

قطع

مشهد ٩	مطبع هدي	ن/د
--------	----------	-----

مطبع متواضع من أهم ما يميزه وجود الكثير من الحلل والأواني الغربية الشكل .. والعديد من العلب البلاستيك والصفائح المعدنية وكأنها لا تتخلص من بواقي أى شيء .. بالإضافة لراديو صغير.

هدى واقفة أمام البوتاجاز بقميص نوم خفيف بدون أكمام - ووجهها للشباك - تقلب شيء فى طاسة على النار .. كما توجد حلة بها خليط أبيض يشبه الباشاميل موضوع على النار الهادئة.
الراديو: إذاعة الأغاني ... أغنية من الأغاني الهيت وقت التصوير.
هدى تلاحظ وجود أحد الجيران يراقب فتحة صدرها فى شهوة صامتة .. فتبتسم ابتسامة بها خليط من السخرية والحسرة دون أن تعدل من وضع قميص نومها لمداواة ما يطل منه.
هدى: تدندن مع الراديو.

هدى ترفع الطاسة وتسكب محتواها على رخامة الحوض فإذا به سائل لزج يتجمد بمجرد ملامسته الرخامة (حلاوة).
هدى تترك الحلاوة لتبرد .. وتلتفت إلى منضدة المطبخ الموضوع عليها عدة برطمانات وزجاجات بها مكونات الحمام المغربى (ردة - بوردة ترمس - ماء ورد - زيادى ...). .. وتبدأ فى وضع كميات منهم فى علبة بلاستيك وتخلطهم معاً .. كما تلقى نظرة من حين لآخر على الخليط الأبيض الموضوع على النار.

قطع

ن/د	مدخل شقة هدى + سلم العمارة	مشهد ١٠
-----	----------------------------	---------

على ينتظر أمام باب الشقة المغلق وفي يده كيس قمامة أسود كبير.
 هدى تفتح الباب بقميص النوم.
 هدى: إزيك يا واد؟
 على لا يجيب لأنه مأخوذ بأنوثتها المطلة من قميص نومها العارى والشفاف .. بما يتفق مع كونه طفل يرى جسداً نسائياً
 شبه عار أمامه .. وليس بسبب جمال أو صبا ما يرى.
 هدى: واد يا علي!!
 هدى تدرك سبب ذهول على فتتظر على جسدها وتلملم قميص نومها قليلاً وهى تبسم.
 هدى: ... أنت كبرت بدرى ولا إيه يا وله؟
 على يحاول مداراة خجله فيمد يده لها بالكيس.
 علي: الحاجة يا ست هدى.
 هدى تأخذ الكيس من على وتفتحه وتغوص بيدها فيه تقلب محتوياته لتطمئن ثم تعاود غلق الكيس وتضعه جانباً.
 هدى: استنى ثوانى.
 هدى تلتفت داخلة وعلى يراقب خطوات جسدها المثير.
 هدى فى عمق الشقة تأتي ببوك نقودها وتعود فيتدارك على لكى لا تلاحظ أنه يراقب جسدها.
 هدى تصل إلى على وتخرج من الكيس ٢٠ جنيهاً وتعطيهم له فيتحصنهم غير راض.
 علي: ده قليل قوى .. المرة دى مش كله فوارغ .. فيه مليون.
 هدى تتبدل فجأة من اللطف الشديد إلى العنف والحدة.
 هدى: ده اللى عندى .. تاخدهم ولا تاخذ حاجاتك.
 على يفكر للحظة ثم يجيب متحدياً.
 علي: لأ .. أخذ حاجتى.
 هدى وقد زلقها بإجابته تمسكه من قفاه.
 هدى: أنت هتعملهم عليّ يا واد أنت؟
 على يخلص نفسه منها بالعافية.
 علي: الله .. مش أنت اللى قولتى .. هما أربعين جنية يا إما لأ!
 هدى: أربعين عفريت لما يلهفوك .. أنت هتستعبطني؟
 علي: (بمسكنة) أنا مالي؟ .. صاحب الحاجة اللى قال!
 هدى: (مهدة) وله .. هتاخذ العشرين جنية ولا لأ.
 علي: لأ.
 هدى تباغت على وتسحب من يده العشرون جنيهاً.
 هدى: بلاش .. وفرت.
 ثم تدخل مغلقة الباب خلفها بسرعة.
 على مذهولاً يبدل بصره للحظات بين يده الفارغة وباب الشقة المغلق.
 على ينقض فجأة على الباب ضارباً عليه بكل قوته بيديه وقدميه فى عصبية طفولية.
 علي: افتحى .. هاتى الحاجة .. افتحى لا إلا هكسر الباب ...

قطع

مشهد ١١	صالة شقة هدى	ن/د
---------	--------------	-----

الصالة هي كذلك السفارة والصالون .. فى أحد أركانها مائدة سفرة متواضعة .. وفى ركن آخر كنبه أمامها منضدة عليها تلفزيون .. وتطل عليها أربعة أبواب للمطبخ والحمام وغرفة نوم هدى وغرفة نوم أخرى.

هدى تبتعد عن باب الشقة الذى يهتز وهى تبتسم فى خبث.

ص الراديو: (من المطبخ) إذاعة الأغاني.

ص: خبط على الباب.

ص علي: ... إنتى يا ست إنتى ... إدينى الجاجة ...

هدى تتجه بالكيس إلى مائدة السفارة .. تضعه عليها .. ثم تدخل المطبخ.

قطع

ن/د	مطبخ هدي	مشهد ١٢
-----	----------	---------

هدى تأخذ فوطة مطبخ وتبللها كلها جيداً بالماء ... ثم تعصرها بقوة فى الحوض ... ثم تطفئ النار أسفل حلة الخليط الأبيض .. وتحملها وتخرج من المطبخ.
الراديو: إذاعة الأغاني.
هدى: تدندن مع الأغنية.
ص: خبط على الباب.
ص علي: ... افتح الباب ...

قطع

ن/د	باب شقة هدى + سلم العمارة	مشهد ١٣
-----	---------------------------	---------

على وقد ضعفت قوة ضربه للباب وبدأ صوته يتهدج من الانفعال وقد أوشك على البكاء .
علي: ... رجعلي حاجتي .. افتحي بقي ...

قطع

مشهد ١٤	صاله هدى	ن/د
---------	----------	-----

ص الراديو: (من المطبخ) إذاعة الأغاني.

ص: خبط على الباب.

ص علي: ... يا ست أنت افتحي الباب بقى .. هو إيه ده .. بلطجة ... بقولك افتحي الباب .. افتحي الباب .. افتحي الباب...

هدى - وقد وضعت الحلة والفوطه على المائدة - تنظر نحو الباب فى شماته .. ثم تتجاهله تمامًا وتقلب محتويات الكيس - الذى سنكتشف لأول مرة محتوياته - فنجد العديد من علب مستحضرات التجميل بأشكال وأحجام مختلفة.

هدى تختار بدون تردد وبيد مدربة علبه من بين العلب - تعرف بخبرتها أنها فارغة - وتفتحها .. ثم تمسحها بالفوطه جيدًا من الداخل والخارج ... ثم تأخذ علبه ثانية وتكرر العملية .. ثم علبه ثالثة .. متجاهلة على الذى لا يكف عن الخبط.

هدى تختار علبه - تعرف بخبرتها أنها جديدة ومبرشمة - وتفتحها وتفرغ محتواها فى حلة الخليط الأبيض وتقلب جيدًا .. ثم تقسم محتوى الحلة على علب الكريم الأربعة .. ثم تغلق أول علبه وتمسحها بالفوطه من الخارج لمحو أى بواقى للخليط.

ص علي: (مختمًا) ... افتحي بقى!!

هدى عندما تشعر أن على قد أوشك على البكاء - تمسح بكفها بواقى علبه الكريم الأصلية .. وتذلك به شعرها وهى متجهة نحو الباب.

قطع

مشهد ١٥	مدخل شقة هدى + سلم العمارة	ن/د
---------	----------------------------	-----

على بصره فى الأرض يحاول السيطرة على الدموع التى تهمر من عينيه.
علي: أنا عايز الحاجة ...
على يلاحظ أن باب الشقة يفتح فيرفع بصره ليجد هدى مادة له يدها بالعشرين جنيه وعلى وجهها ابتسامة انتصار وشماتة.
على يخطف من يدها العشرين جنيه.
هدى: ما قلنا كده م الأول.
على - وقد ردت فيه الروح - يمر من أمام الجارة التى كانت قد خرجت من شقتها لمشاهدة ما يحدث ويشير لها على هدى.
علي: جارتك دى شيخة منصر ...
على ينهى جملته ويركض نازلا السلم ... وسط ابتسامة الجارة ... وهدى التى تخلع شبشبها وتركض به نازلة السلم خلف على.
هدى: أنا شيخة منصر يا شوارعى يا معفن يا وسخ ...
الجارة وهى تحاول إخفاء فرحتها فى إهانة هدى.
الجارة: خلاص .. إنت هتعملى عقلك بعقله.
هدى وقد التفتت صاعدة بضعة السلالم التى كانت قد نزلتها خلف على تتوقف أمام جارتها وتهدها بالشبشب المسكة به فى يدها.
هدى: خليكى فى حالك.
الجارة تخاف فتدخل شقتها وتغلق خلفها الباب بينما هدى تقذف بالشبشب على الأرض وتضع قدمها فيه وتتجه داخلة شقتها.
هدى: هتروح منى فين يا ابن الكلب.
هدى تدخل شقتها وتغلق خلفها الباب فى عنف.

قطع

ن/خ	منطقة تجمع الميكروباصات بالمهندسين - ميكروباص حودة	مشهد ١٦
-----	---	---------

على يسير بمحاذاة صف الميكروباصات الطويل باحثاً بنظره بين وجوه السائقين.
ص: أجواء السائقين والركاب والمندابين الذى ينادى كل منهم على وجهة مختلفة.
على يرى من بعيد السائق حودة مستنداً على ميكروباصه يشرب كوب شاي .. فينتجه إليه ويحييه .. وفى خلفيتهما يعبر
الشارع نحوهما صبي مقهى يحمل صينية مليئة بأكواب الشاي وغيره من المشروبات الساخنة.
علي: صباحه غسل.
حودة ينزل بكفه على كتف على فى مداعبة ثقيلة ومؤلمة.
حودة: آآهلا .. إزيك ياد ...
على يحاول مداراة ألمه لأنه رجل لا يصح أن يتألم من هزار الرجال.
علي: فل يا أسطى.
حودة يلتفت نحو صبي المقهى منادياً.
حودة: وله .. خد.
الصبي يتجه إلى حودة - الذى يضع كوبه الفارغ فى الصينية - ثم يرحل.
علي: طالع الاستاد؟
حودة: طالع!

قطع

مشهد ١٧	سيارة سليم - ميكروباص حودة - شارع جامعة الدول	ن/خ
---------	--	-----

على واقف على باب ميكروباص حودة ينادى.

علي: ستاد ستاد ستاد!!!

الميكروباص يكسر على سيارة سليم من اليسار ليركن أمامها على يمين الشارع .. والعديد من الشباب والرجال يجرون على الميكروباص ويتدافعون للركوب.

علي: ستاد ستاد ستاد!!!

أسامة السائق يتفادى الاصطدام بمؤخرة الميكروباص على آخر لحظة .. فتترنح رانيا داخل السيارة.

ص: صفير فرملة قوية للسيارة.

أسامة: يضغط بإصرار على الكلاكس وهو يخرج بعصبية من خلف الميكروباص ثم يهديء السرعة بجوار شباك حودة سائق الميكروباص.

ص: كلاكس السيارة.

فى سيارة الميكروباص حودة من شبাকে يرى الشاب الذى يميل نحوه من الشباك القريب من الميكروباص صارخاً.

أسامة: يا ابن الوسخة.

ثم ينطلق بسيارته أمريكانى بينما حودة يتابعه وهو يهز رأسه مبتسماً ابتسامة هازئة غير مبالياً بالشتيمة لأنه معتاد عليها .. ثم ينظر فى المرأة ليرى هل اكتمل عدد الركاب أم ليس بعد فيجد السيارة مكدسة بضعف عدد الركاب المسموح به فيلتفت للخلف نحو على مفزوعاً.

حودة: يخرب بيتك .. إنت عايزهم يسبحوا الرخص؟

علي: يا أسطى حودة كبر .. النهاردة يوم مفترج .. مش بعيد تلاقيهم هما أنفسهم عايزين توصيلة.

حودة يهز رأسه تعجباً وإعجاباً بجراءة على ويلتفت أمامه مستسلماً بينما آخر راكب يصعد ويزنق نفسه بالعافية بين الركاب. على يحاول غلق الباب الثقيل على حجمه الصغير فيساعده راكب آخر.

علي: اطلع يا سطى.

حودة ينطلق ويبدأ على فى جمع الأجرة من الركاب - الممسك كل منهم بجنيه فى يده - فيعطيه أول راكب الجنيه.

علي: لا!! .. النهاردة ٢ جنيه.

حودة يلتفت مبهوراً نحو على الذى يغمز له .. فيعاود حودة النظر نحو الطريق.

راكب ١: ليه بقي؟! .. البنزين غلى تاني؟!

علي: لأ ... بس احمد ربنا إنك لقيت توصيلة .. لو مش عايز الركاب على قفا من يشيل ...

راكب ٢: طب واللى مش رايح الاستاد وهينزل ف السكة؟

علي: ينزل من دلوقت ...

(لحوده) اركن يا سطى.

الراكب ٢: (مستسلماً) خلاص .. اتنين اتنين ...

علي: ياللا يا أساتذة .. اتنين جنيه ...

الراكب بعضهم يخرج محفظته مرة أخرى وبعضهم يضع يده فى جيب قميصه أو بنطلونه ليخرجوا الجنيه الثانى .. مما يحدث ربكة ودربة بسبب كثرة عدد الركاب المزنوقين على الآخر فتتداخل أصوات التوجع والأسف والضيق.

راكب ١: آي

راكب ٢: آسف

راكب ٣: ما تحاسب

راكب ٤: لحظة واحدة

راكب ٥: أف

راكب ٦: اي

بالتوازي على وحوده يتبادلان النظر فى المرأة الأمامية وعلى يشير لحوده بسيارته على نصف سبابته الأخرى علامة أنه سيأخذ نصف فرق الأجرة فيحرك حوده رأسه إيجاباً .. ثم تلتفت نظر على تذاكر للمباراة تطل من جيب البنطلون الخلفى لأحد الركاب .. فيشرّد فى التذاكر.

قطع

مشهد ١٨	شارع بالمهندسين - أوتوبيس	ن/خ
---------	---------------------------	-----

هدى واقفة فى محطة أوتوبيس بشارع جامعة الدول العربية أو بشارع أحمد عرابى حيث يصل أوتوبيس مكتظ بالناس .. فيتدافع الواقفون على المحطة للركوب ومن بينهم هدى التى لا تبالى بإحتكاك بها أثناء الصعود .. ولكننا نظن أن ذلك سببه الزحام ورغبتها فى الركوب بأى وسيلة.

ص: موتور الأوتوبيس العالى + أجواء الشارع.

هدى تدفع للكمسرى الجالس فى مؤخرة الأوتوبيس .. ونلاحظ أن الرجل الواقف خلفها - لديه زبيبة - يحتك بها بسبب الزحام وليس بإرادته .. وأنه محرج ويريدها أن تتقدم ليتخلص من الموقف بينما هى واقفة فى ثقة تدفع ولا تتحرك.

المتدين: اطلعى لقدام يا ست وأنا هجيبك الباقي.

هدى: ما خلاص آهو!

المتدين: وحياتك خلصها يا عم!

الكمسرى: امسكي!

هدى: تشكر!

هدى تأخذ الباقي وتخرق زحام الأوتوبيس وصولاً لمنتصفه دون أن تحاول أن تحول دون احتكاك الرجال بها .. تقف ويقف خلفها رجل ملتصقاً بها وهى تظل واقفة فى ثقة وكأنه ليس موجوداً ... وإن كانت تعبر على وجهها علامات رضاء من لحظة لأخرى.

الرجل المتدين يتم دفعه - بسبب نزول ركاب من الأمام وصعود آخرين من الخلف - ليجد نفسه مجدداً خلف هدى وموضع احتكاك معها دون إرادته ... فيحاول بقدر المستطاع ألا يلمس جسده جسدها إلا أن الزحام يمنعه .. فيستدير ليعطيها ظهره ويعود للخلف مبتعداً عنها وسط تذرر الركاب الواقفين بالعافية.

راكب ١: رايع فين يا أستاذ .. النزول من قدام ...

المتدين: أستغفر الله العظيم ...

راكب ٢: هى ناقصة يا حضرت؟

هدى تلتفت للرجل فى لا مبالاة استفزازية.

هدى: نازل؟ .. تحب تعدي؟

الرجل المتدين ينظر لهدى ويمر بجوارها بسرعة متفادياً لمسها وكأنه نفذ بجلده .. وهى تتابعه بابتسامة ساخرة.

قطع

مشهد ١٩	غرفة الجلوس بشقة نيفين	ن/د
---------	------------------------	-----

غرفة مفتوحة على reception شقة كلاسيكية مثل أغلب شقق الطبقة المتوسطة العليا وبواقى الطبقة الأرستقراطية ..
أثاثها وإكسسوارتها تتم عن ثراء ولكن بذوق رفيع وليس «nouveaux riches».

خلفية المشهد

التلفزيون يعرض قناة LIVE.
التلفزيون: إعلان له علاقة بالكرة.
التلفزيون: برمو برنامج «Sherry Live» كنوع من الفواصل.
التلفزيون: تقرير من أمام استاد القاهرة كنوع من البرومو للفقرة (الصورة التى تم تصويرها أثناء التترات + صوت المعلق)
يليه مشاهد تسجيلية مع المنتخب.

المشهد الأساسي

نيفين واقفة تنزل طرف بنطلونها لريهام التى تعطيها حقنة فيتامين «ب» فى العضل.
نيفين: آى .. بتحرق قوى يا ريهام .. إيه ده؟
ريهام: (مشجعة) معلش يا مدام نيفين .. آمال هتعملى إيه فى الولادة؟ الإدارة؟
نيفين يبدو عليها الارتباك وبعض الشجن.
نيفين: هبقى أتبنج.
ريهام: (باهتمام) إنتى مش ناوية بقي؟ .. بقالك متجوزة بيجى سنتين.
نيفين: ربنا يسهل يا ريهام.
ريهام: (مازحة) ولا إنتى لسه خايفة على جسمك؟
نيفين: لا أبداً والاهى .. أدكى شايقة!!
ريهام: عموماً الحبوب اللى بتأخذها دى هى اللى بتخنك!
ترتبك نيفين وتغير الموضوع وهى ترفع بنطلونها وتجلس نصف جلسة رافعة الجزء الذى أخذت فيه الحقنة عن الكنبه كى لا يؤلمها إذا جلست عليه.
نيفين: إيه رأيك ف أنكل محيى وتانت منيرة؟
ريهام: ناس ذوق جداً .. وطلبوا منى أروح لهم الأسبوع الجاى كمان.
نيفين: هايل ...
ريهام ترمى السرنبجة المستخدمة فى طفاية موضوعة على المنضدة .. فتلتقطها نيفين مسرعة.
نيفين: ... لأ .. لحسن تونى تأخذها تحطها ف بقها.
ريهام محرجة لكن يبدو على وجهها شبح ابتسامة.
ريهام: أنا آسفة.
الخادمة سناء تظهر وفى يدها علبتى فيتامينات للشعر مستوردة تعطيها لنيفين.
سناء: اتفضللى.
نيفين: شكراً .. نونى فطرت؟
سناء: آه.
نيفين: أكلت أكلها كله؟
ريهام تحاول مداراة ابتسامتها.
سناء: كله يا فندم.
نيفين: طيب .. غيرى لها عقبال ما أخلص.
سناء: حاضر.
سناء ترحل .. بينما نيفين تفتح كل من العلبتين وتخرج من كل منها أمبولة وتعطيها لريهام.
نيفين: بتغلبنى فى أكلها .. مفيش حاجة عاجياها .. تصورى الأسبوع اللى فات مارضيتش تاكل من اللحمه خالص عشان كان فيها شعرة دهن ...
ريهام: معلش يا مدام نيفين .. دلح بنات بقى.
تدخل فجأة الكلبة - مرتدية فوطه كلاب صحية - فتناديها نيفين لتذهب إليها بينما تنهض ريهام مبتعدة فى خوف عن مسار الكلبة.

نيفين: نونى .. كلتى يا baby .. نونى نونتى .. my sweetheart ...
الكلبة تتجاهل نيفين وتتجه نحو ريهام وتحوم حولها مشمشمة مما يجعل ريهام واقفة ليست على بعضها تحاول تفادى أن تلمسها الكلبة والرعبة بادى عليها .
نيفين: مش هتبطلى خوف بقى يا ريهام ..
ريهام: (بخوف) لا أبداً .. بس أصد .. أصلى متوضية ...
نيفين: (مداعبة) كدابة .. إنت لسه قايلالى إن مزاجك وحش عشان كده يعنى ...
نيفين تحمل الكلبة وترت عليها .
نيفين: نونى كمان عندها كده يعنى ...
(للكلبة) مش كده يا نونتى .. هه يا حلوة!!!
الكلبة تفلت من ذراعى نيفين وتنزل مقتربة من ريهام مرة أخرى .
ريهام: (مستجدية) طب .. طب ممكن تحبسيها بس لغاية ما أديكى الفيتامين!
نيفين: (بحسم تمثيلي) لأ مش ممكن وإنت عارفة .. ترضى حد يحبسك؟ .. هه .. ترضى؟
ريهام: (مستسلمة) لأ مرضاش!
ريهام تأخذ سرنجة جديدة .
ريهام: الأمر لله!
(للكلبة بغیظ) خلصتى أكل بسرعة ليه؟
ريهام تدارك تعليقها وتبتسم ابتسامة اعتذار صفراء لنيفين التى تراقب فى سعادة الأمهات كلبتها تحوم حول ريهام وهى تحاول جاهدة التغلب على خوفها والتركيز فى ملئ السرنجة بمحتوى أمبولتين فيتامين الشعر .
نيفين تنهض مرة أخرى وتخضع بنطالونها .. فتعطيلها ريهام حقنة فى العضل فى الجهة الأخرى وتركيزها مشنت بين الحقنة والكلبة .
نيفين: نونى ... ابعدى عنها لحسن تعور مامي!
نيفين تعاود رفع البنطالون وتجلس نصف جلسة .
نيفين: تفتكرى حقن الشعر ده مفيدة كمان للضوافر؟
ريهام - وهى تجمع أغراضها فى استعجال - تجيب أوتوماتيكياً وكل تركيزها مع تحركات الكلبة خوفاً من أن تباغتها وتقرب منها .
ريهام: ممكن طبعاً .
نيفين: أصل أنا زهقت من موضوع الأكريلك ده .. كل شوية لازم أروح أملاه .
ريهام تنظر لنيفين غير فاهمة .. فتند نيفين يدها لريهام لتشرح لها .
نيفين: شايقة .. لما ضوافرى بتتطول .. الجزء الجديد بيبقى فاضى .. ولازم يتملى .. وماينفعش يتعمل فى البيت .. لازم أروح لهم .. شغلانة!!
ريهام تنظر لأظافرها هى شخصياً وهى تضع أغراضها فى حقيبتها وتشعر بالحرى من منظرهم فتحاول إخفائهم .
ريهام: شغلانة طبعاً .

قطع

مشهد ٢٠a	ميكروباص حوده - أمام الاستاد	ن/خ
----------	------------------------------	-----

نخترق السيارات - حيث توجد حالة عامة مرتبطة بالمباراة نراها فى الأعلام على السيارات والمشجعين الجالسين على نوافذها فى ملابس بألوان علم مصر.. وكل المظاهر المرتبطة بالجمهور الذهاب إلى الاستاد - وصولاً للميكروباص الذى يشق طريقه وسط هذا الزحام.

ص: كلاكسات السيارات بنغمة المباريات.. وطبول وأبواق الجمهور الذهاب لدخول الاستاد.

ص الراديو: مستمر من المشهد السابق مع تغير مصدره.. إذاعة الشباب والرياضة.. حديث رياضى مع شويبير عن التذاكر والسوق السوداء.

داخل الميكروباص الركاب كلهم لازالوا جالسين ماعدا الراكب ٢ (الذى نزل فى الطريق دون أن نرى نزوله).. وعلى -وقد جلس مكانه فى الكرسي الذى ينطوى فى الصف الثانى- يراقب بتمعن مؤخرة الراكب الجالس أمامه.

نكتشف أن على يراقب تذاكر المباراة مطلة من الجيب الخلفى للراكب الجالس أمامه.

ما أن يعشر على بأن حودة سيتوقف بالميكروباص.. حتى يرمق الركاب بنظرات جانبية حريصة ليتأكد من انشغالهم.. ثم يسحب التذاكر بخفة ويدسها فى جيبه.

ميكروباص حودة يتوقف جانباً بعشوائية كالعادة بعد أن يكون قد كسر على كل السيارات من على يمينه.. فيشتمه السائقون بينما حودة على وجهه التعبير الساخر المعتاد على الشتيمة.

سائق: الله يخرب بيتك يا شيخ.

شاب: إنت ضارب إيه ع الصبح؟

سائحة: يا جزمة!!

على يتابع الركاب ينزلون وخاصة الراكب الذى كانت التذاكر تطل من جيبه الخلفى لكننا نلاحظ أنها لم تعد فى جيبه.

الركاب يتوجهون فى مجموعات نحو مدخل الاستاد.. ونلاحظ فى العمق عربية التصوير الخارجى الخاصة بقناة LIVE الفضائية.. ومصور هواء القناة يستعد للتصوير.

بعد نزول آخر راكب.. حودة يتحرك بالسيارة الفارغة سوى من على الذى يتابع شباب التذاكر عبر الشباك.

من وجهة نظر على عبر شباك الميكروباص المتحرك:

شاب التذاكر وأصدقائه الثلاثة يقابلون شابين آخرين كانوا برنتظارهما.

-قطع-

مشهد ٢٠b	ميكروباص حودة - أمام عمارات العبور	ن/د-خ
----------	------------------------------------	-------

من وجهة نظر على عبر شباك الميكروباص المتحرك عائداً إلى المهندسين:

على يتابع باهتمام الشباب الستة الذين لازالوا واقفين فى مكانهم أمام الاستاد.. والشباب المسروق يفتش فى جيوبه بجنون بينما أصدقائه يشيخون بأيديهم فى وجهه معلنين تدميرهم من الموقف.

يفاجئ على صوت الجمهور الذى يعبر الطريق قاطعاً عليه رؤية الشباب للحظات.. فيطل برأسه من الشباك فى محاولة لمواصلة مراقبة شباب التذاكر إلى أن يختفوا بإبتعاد الميكروباص عن الاستاد.

ص: طبول وأبواق وهتافات الجماهير المتحركة من أمام عمارات العبور إلى الاستاد.

يعتدل على ويغوص فى الكرسي.. فنرى الميكروباص وليس به سوى على جالساً خلف حودة مباشرة.. وسيدتان جالستان خلف على.

يخرج على من جيبه تذاكر المباراة ويتفحصها فى سعادة بالغة.

- قطع -

مشهد ٢١	مقهى «الريس» بميت عقبة	ن/د-خ
---------	------------------------	-------

خلفية المشهد

التلفزيون داخل المقهى يعرض القناة الفضائية مشوشة.. وصاحب (أربعيني ضخمة ومثير لرعب العاملين.. يرتدى قميص وبنطلون على عكس كليشه صاحب المقهى ذو الجلباب) يلعب فى التوصيلات محاولاً ضبط إرسال الدش الجديد ويساعده أحد صبيان المقهى.
إرسال القناة الفضائية يتضح.
التلفزيون: أغانى وطنية مرتبطة بالكرة.
صاحب المقهى: قشطة!!
صبي المقهى يلعب بتوصيلة ما فيختفى الإرسال تماماً فيتلفت له صاحب المقهى زاغراً.
صاحب المقهى: قطران!!
صاحب المقهى بمسك بتلايبب الصبي الذى ينكمش على نفسه خوفاً من بطشه.
صاحب المقهى: لعبت ف إيه يا أهطل؟
الصبي: (مرعوباً) والله ما لعبت ف حاجة.
صاحب المقهى: وكمان بتجلف كذب؟
الصبي: يا ريس..

المشهد الأساسى

رجب والشلة جالسين على كراسى المقهى الخارجية.. الشلة مزاجها رائق عدا رجب الذى يبدو حاداً.
سيد: (ساخراً) الوصلة بدأت.
لبيب: (منادياً) وله يا مكرم.. فين الشاى؟
مكرم يخرج من المقهى حاملاً صينية عليها طلاباتهم وطلبات أخرى.
مكرم: وصل!
لبيب: الخدمة النهاردة مخسنة كدة ليه.
مكرم: مش ملاحقين.. نششتغل؟.. ولا نهجز القعدة؟
الشلة تلتفت نحو الداخل حيث الكراسى المتراصة فى صفوف أمام التلفزيون -الذى عاد صاحب المقهى لمحاولة ضبط إرساله- فنجد فى مواجهة التلفزيون أربعة كراسى مميزة فى نوعها ومكانها عن باقى الكراسى.
لبيب: طبعاً عملتوا شغل إيه.. الكرسى بكام ياله؟
مكرم: عشرة جنيه.
سيد يشير نحو الكراسى المميزة داخل المقهى.
رضا: .. ودول كمان بعشرة؟
مكرم: (باحترام) لأ.. دى المقصورة!
سيد: نعم؟
مكرم يميل عليهم وهو يشير نحو صاحب المقهى فى خوف.
مكرم: (هامساً) مقصورة الرئيس وولاده.
سيد: حقه برضه.. فى ملكه!
مكرم: .. احجزلكم؟
لبيب: لأ...
رضا: ليه؟.. عشرة تقوت ولا حد يموت...
(لمكرم) إحجز.. إن شالله ما حد حوش.
مكرم: أربعة؟
رضا: آه.
رجب: (بحزم) لأ...
(يستطرد) ٣ بس...
رضا: ليه كدة؟
رجب: لازم أروح الشغل.

سيد: إنت مش قلت هتأجز النهاردة؟ إيه اللي حصل؟
 رجب يشير بعينه نحو مكرم الواقف يستمع إليهم فى فضلو فيلتفت إليه سيد.
 سيد (لمكرم) روح إنت.. هنججز بعدين.
 مكرم يحرك رأسه بأداء «ماشى» ويبعد فى إستياء لأنه كان يريد أن يستمع.. فيميل رجب عليهم هامساً.
 رجب: الواد ابن الحرامية لهف نص فلوس التموين.
 سيد يعلق ساخراً بأداء من إعتاد على هذا.. بينما ينفعول رضا بدلاً من أن يجيب همس رجب بهمس مماثل.
 سيد: نصها بس؟!.. بركة!
 رضا: (بصوت عال) تانى يا رجب.. عيب عليك يا راجل عيل مفعوص زى ده يقلبك كل يوم والتانى.
 رجب يتلفت حوله محرّجاً ليتأكد من أن أحداً لم يسمع.. لكنه يجد مكرم الواقف عن بعد ينزل باقى الطلبات يدير وجهه مخفياً إبتسامته علامة أنه سمع.
 رجب يلوم رضا وكأنه يؤنب طفل.
 رجب: مش هتبطل الزعقة الكدابة دى؟
 (يستطرد) إيه.. إقلب.. عمرك ما تقلبت يا برم؟
 يتدخل سيد فى محاولة لتخفيف توتر الموقف.
 سيد: تعيش وتأخذ غيرها يا جدو..
 لبيب: (لرجب) من هنا ورايح مفيش ودائع عندك يا شملول..
 رجب يشيح بيده فى إستياء بأداء «يا شيخ روح».
 رجب: ودائع إيه يا بو ودائع.. تكونش فاكرك نفسك فاتح حساب ف البنك الأهلى؟
 سيد: (لرجب) سيبك منه (يقصد لبيب).. خد كام؟ (يقصد السارق).
 رجب: ١٢٠ ابن الصايعة!.. آه بس لو وقع ف إيدى.. هدى عضمه زى الكفتة!!
 سيد: يا رجب ده يدق عضمك وعضم عشرة زيك.. والنبي بلاش فنجرة البق بتاعتك دى!!
 رضا: أيوه.. سيبكوا بقى من فنجرة البق.. وخلينا ف فنجرة الجيب..
 رضا يعتدل فى جلسته إستعداداً لإخراج نقوداً من جيبه.
 رضا: ... كل واحد يطلع بـ ٣٠ جنيه.

قطع

مشهد ٢٢	بلاتوه برنامج مسعد أبو الفجر «Sherry Live»	ن/د
---------	---	-----

عدد من الأشخاص واقفين فى كتلة شبه مقسمة إلى شباب - شابات - رجال - سيدات .. ومع كل عدة لإيناس يخرج أحدهم من الكتلة متجهاً نحو مصدر الصوت.

ص: إيناس: خمستاشر .. ستاشر .. سبعتاشر .. تمنناشر ...

إيناس المعدة واقفة بالقرب من باب البلاتوه تختار الكومبارسات الذين سيقومون بدور جمهور البرنامج .. ومن تختارهم يتجهون نحو الكراسى حيث تجلسهم مساعدة المخرج فى أماكنهم فى الصفوف الأمامية.

إيناس: تسعتاشر .. عشرين.

إيناس تشير لباقي الكومبارسات.

إيناس: والباقي ورا.

باقي الكومبارسات يدخلون ويجلسون فى الكراسى الخلفية بمساعدة مساعدين إخرج أصغر أو متدربين.

الكومبارسات: أصوات متداخلة.

شريف يدخل البلاتوه ممسكاً بماج نسكافيه - عليه اسم البرنامج - ويتجه إلى إيناس.

شريف: (بغلاسة) أدبنى جيت .. نعم؟

إيناس تأخذه على جانب لكلا يسمعهم من حولهم.

إيناس: بقولك إيه .. فى البلاتوه تكلمنى عدل .. عشان أعرف أسيطرلك ع الفجر دول يا خويا!

شريف: خلاص .. آسفين ...

شريف يلتفت نحو الكومبارسات ويتحدث إلى إيناس بنبرة شديدة الاحترام ولكن ساخرة متعمداً أن يسمعه.

شريف: أنا تحت أمرك يا أستاذة إيناس .. تحبى أعمل إيه؟

إيناس تبتسم وهى تحرك رأسها فى استسلام.

إيناس: (لشريف هامسة) كأنه برنامج أبويا!

إيناس: (مقلدها ساخرة) يا ريت يا أستاذ شريف تراجع الأسئلة مع الأساتذة (مشيرة على الكومبارسات)

شريف: طب ونينا؟ .. مش هتستيتها عشان تعرف الأسئلة؟

إيناس: أعملها إيه؟ .. هى اللى اتأخرت ...

(ساخرة) هه .. صدقت أنها نجمة!

شريف ينظر لإيناس محركا رأسه بأداء أنه «ماييعجبهاش العجب».

تبدأ إيناس فى مراجعة الأسئلة مع بعض الكومبارسات .. بينما شريف يتابع وكأن الأمر لا يعنيه.

إيناس: (الكومبارس ١) عصام .. سؤالك؟ ...

كومبارس ١ يطرح سؤاله بالطريقة التى سيؤديها أثناء البرنامج.

عصام: يا ترى شايفة إنك قادرة تنافسى المطربات الللى ع الساحة ...

يتدخل شريف بتفصيلة تافهة ليشعر إيناس باهتمامه وبأن له دور فى الأسئلة.

شريف: (يقاطعه) يا ريت تقولها أسامى مغنيات .. مثلاً هيفاء ونانسى ...

إيناس: (لشريف) لأ .. متهاىلى بلاش نانسى لأنها مش فى نفس الكفة ...

(لكومبارس ١) ممكن تقول هيفاء ومروة ودانا والبنيت بتاعة الحصان دى ...

عصام: (بحماس) نجلا ...

إيناس تحرك رأسها غير مصدقة تفاهة شريف والكومبارس لدرجة أنه تذكر اسم نجلا.

إيناس: (باستياء) آه .. نجلا ...

(لكومبارس ٢) سؤالك يا مي؟

مي: كنت عايزة أعرف علاقتك بالشارع بقت إزاي بعد ما بقيتى نينا .. والناس الللى كنتى تعرفيهم قبل كده قابلين التغيير الجريء الللى حصلك ده ولا لأ ...

إيناس: وممكن كمان تسألها لو أهلها موافقين على أنها تظهر فى الكليبات بتاعتها بالشكل ده.

مي: حاضر.

إيناس: (لشريف) عايزاك تبقى تطلب منها أنها تغنى أى أغنية قديمة من الللى كانت بتحب تغنيهم قبل ما يبقالها أغانى بتاعتها ..

(هازئة) ده لو كان ليها أصلاً أى علاقة بالغنى قبل ما سليم يكتشفها؟ ...

شريف: (بجدية) طب وهو انتوا عاملين حسابكوا فى البلاى باك.

إيناس: ما هو عشان كده .. أنا عايزة الناس تسمع صوتها الحقيقى .. و عايزة ...

مساعدة المخرج تصل متوترة إلى إيناس وشريف وتقاطعهما في حدة.
المساعدة: فاضل ٣ دقائق على الهوا ونينا بتاعتكوا دى لسه ماجتش ...
المساعدة تنهى جملتها وتتركهما - دون انتظار رد - لمواصلة مهام عملها المتعلقة بالاستعداد للهواء .. فتلفت إيناس
للكومبارسات .. بينما يبتعد شريف متثاقلاً ويخفى خلف بانوهات الديكور.
إيناس: كل واحد عارف سؤاله؟
يومئ الكومبارسات إيجاباً .. بينما تنظر إيناس في ساعة الموبايل المغلق في رقبتها لتجدها (٥٥:١٢).
تبتعد إيناس عن الكومبارسات وهي تتصل بآخر رقم كانت قد اتصلت به.
ص: رنة جرس موبايل مكتومة من داخل البلاتوه.
تلقت المساعدة إلى الجمهور صارخة.
المساعدة: أنا مش قلت نقفل الزفت ده .. إيه .. نلمه منكوا زى العيال؟
الكومبارسات يتبادلون النظر باحثين فيما بينهم عن الشخص الذى تسبب فى تهزيقهم كلهم.
ص: الرنة المكتومة مستمرة.
تلقت إيناس نحو مصدر الرنة فتجد رانيا داخله البلاتوه فى تباطؤ وثقل لا يتناسب مع تأخيرها وهي تبحث عن موبايلها فى
حقبيتها إلى أن تخرجه وهو يرن.
تغلق إيناس موبايلها - فيكف موبايل رانيا عن الرن - وهي متجهة نحو رانيا.
إيناس: (بناورة) اتاخرتى قوى يا نجمة.
رانيا لا تدرك أن إيناس تسخر منها من كم ثققتها فى نجوميتها.
راني: SORRY .. الكوافير عطلنى ...
رانيا تمد يدها إلى شريف بينما المساعدة تبدأ فى العد التنازلى.
رانيا: هاى يا شريف .. أنا ميسوطة قوى إننى شفتك.
المساعدة: يالا .. نسكت .. خمسة .. أربعة ...
رانيا تلتفت إلى إيناس التى تسحبها بسرعة - يتبعهما شريف - نحو بانوه فى البلاتوه.
رانيا: بس أنا جاية متمكيجة عشان ماعطلكوش!!
إيناس: (بنفاذ صبر) مكياجك حلو قوى ...
إيناس تلاحظ الموبايل فى يد رانيا.
إيناس: (بغلاسة) آه .. يا ريت تقفلى الموبايل ...
رانيا تحول الموبايل لخاصية الـ silent وهم يصلون خلف البانوه.
المساعدة: ثلاثة .. اثنين .. واحد ...
رانيا: أنت مش قلتى هتقوليلى على الأسئلة قبل التصوير.
إيناس تشير لـ رانيا بأصبعها على فمها كى تسكت وتجيب هامة مع نهاية العد التنازلى.
إيناس: (هامة) ما هو أنت اللى اتاخرتى ...
المساعدة: ... هوا ...
ينفتح باب فى الديكور - يشبه أبواب المصاعد الحديدية التى تفتح أوتوماتيكياً مسحوبة لليمين واليسار - ويدخل منه
شريف وسط دخان وإضاءة ملونة ... ويتقدم لمنتصف الديكور حيث نلحظ فى أحد الجوانب شاشة بلازما تعرض البرنامج
كما تبثه القناة على الهواء.
ص: موسيقى البرنامج + تصفيق الجمهور.
شريف: ورجعنا لكم مع الفقرة الفنية ...
النهاردة فقرتنا الفنية غنائية ...
معانا مغنية غير عادية ... غير تقليدية ...

قطع

مشهد ٢٣	غرفة الكونترول	ن/د
---------	----------------	-----

الغرفة بها عدة شاشات كل منها ما تعرض ما تصوره كل كاميرا من الكاميرات .. بالإضافة لشاشة تعرض البرنامج كما يتم بثه.

مونتير الهواء ومخرج البرنامج جالسان أمام الأجهزة والشاشات التى بها شريف يتقدم نحو كرسيين فى جانب الديكور. شريف: ... معانا اللى عملت انقلاب فى عالم الفيديو كليب ...
المخرج يضغط على زر الميكرفون ويحدث شريف الذى نراه على الشاشات منتبها لما يقال له فى سماعة بإحدى أذنيه. المخرج: داخل بالبلاى باك ...
المونتير يضغط على أحد الأزرار أمامه.

قطع

ن/د	بلاطوه برنامج «Sherry Live»	مشهد ٢٤
-----	-----------------------------	---------

شريف وقد وصل للكرسيين واقف بجوارهما .

ص: دخول موسيقى أغنية رانيا .

شريف: ... معانا زى ما وعدناكم القنبلة ...

شريف يشير نحو نفس الباب الذى دخل منه ... وخلف البانوه ايناس تشير لرانيا لتستعد لدخولها .

شريف: ... نينا!!

ص: تصفيق الجمهور .

رانيا تدخل فى خطوات واثقة وهى تحيى الجمهور بيديها ورأسها .. ثم تقف فى وسط البلاطوه تغنى وتترافق مع غنائها .

رانيا: تغنى أحد أغانيها بلاى باك .

ص: تصفيق الجمهور + صفافير .

قطع

مشهد ٢٥a	شارع رئيسى بالمهندسين - عمارة فاخرة	ن/خ
----------	-------------------------------------	-----

هدى تسير فى الشارع بدلال واثق .. فتتقاطع مع شاب يقترب منها هامساً:
الشاب: (إنجليزى ريك) I love sex.
الشاب يواصل سيره .. بينما هدى تبسم لنفسها ابتسامة اعتزاز بأنوثتها وهى تصل لعمارة فاخرة وتدخلها.

مشهد ٢٥a	مدخل العمارة	ن/د
----------	--------------	-----

هدى تحيى - بأسلوبها العفوى المليء بالحيوية والدلال - حارس أمن وبودى جارد جالسان خلف كاونتر أو مكتب فى المدخل.
هدى: سلاموا عليكم.
الحارس: وعليكم السلام.
هدى تلاحظ أن البودى جارد لم يرد السلام وأنه ينظر لها نظرات حادة.
هدى: مالك يا حمادة؟ .. زعلان مع البت بتاعتك ولا إيه.
البودى جارد: لأ ...
هدى: آمال إيه البوز ده؟
البودى جارد: (بغلاسة) أهو كده؟
هدى تياس من أسلوبه وعدم رغبته فى الكلام وتشيح بيدها وهى تهتم بالتقدم نحو المصعد.
هدى: أهو كده أهو كده .. أنت حر!
البودى جارد يستوقفها.
البودى جارد: استنى عندك.
هدى تتوقف وتلتفت إليه بأداء «هاه» .. خير؟ .. منتظرة منه أن يحكى لها شيئاً .. لكنه لا يقول شيء ويلتفت إلى الإنترنت ويضغط على أحد أزراره - وينتظر ردًا - وهو ينظر لها بتحضر.
ص اللبيسة: أيوه.
البودى جارد: (متحضرًا) وصلت.
ص اللبيسة: طيب.
البودى جارد يضع السماعة ويخرج من خلف الكاونتر وهو يشير لهدى نحو المصعد.
البودى جارد: ياللا.
هدى تبدى الدهشة من كل ما يصدره البودى جارد من تصرفات.
هدى: مالك النهاردة؟
يصلا للمصعد.
البودى جارد: مفيش.
البودى جارد المتحضر يفتح الباب مشيرًا لها بالدخول .. بينما هى تشكره فى دلال ساذج على اعتبار أنه يحترم أن «السيدات أولاً».
هدى: يا سيدى شكرًا!

مشهد ٢٥a	مصعد العمارة	ن/د
----------	--------------	-----

داخل المصعد البودى جارد يضغط على زر المصعد .. ثم يراقب هدى فى تحضر .. بينما هى تترجم نظراته إلى نظرات اهتمام .. فتبدأ فى هندمة نفسها فى ثقة أنثوية غير مدركة على الإطلاق المغزى الحقيقى لنظراته.
هدى: تاعب نفسك ليه؟ .. هو أنا يعنى مكنتش هعرف أطلع لوحدي؟
البودى جارد: (بغلاسة) معلىش!

ن/د	مدخل - صالة شقة الممثلة	مشهد ٢٥٨
-----	-------------------------	----------

شقة شيك جدًا .. من الممكن أن تكون كيتش مثل شقق الممثلين في الأفلام والمسلسلات .. وصور النجمة في كل مكان .. ويا حبذا لو أن من تقوم بالدور تظهر بشخصيتها الحقيقية في صورة ضيفة شرف.

البودى جارد وهدى يخرجان من المصعد .. ليجدا باب الشقة مفتوحًا واللييسة في انتظارهما.

اللييسة: (بغلاسة) أهلا ...

تلقت اللييسة داخل الشقة .. فتتبعها هدى وهى مندهشة من هذا الاستقبال الجاف .. يليها البودى جارد الذى يغلق خلفه باب الشقة بعنف .. مما يزيد من توتر هدى.

تصل اللييسة إلى صالون صغير .. وتشير لهدى بالجلوس.

اللييسة: المدام مشغولة شوية .. استئذنيها هنا.

تجلس هدى حيث أشارت اللييسة.

هدى: حاضر ...

تلقت اللييسة نحو الغرف وتشير للبودى جارد أن يتبعها فيفعل .. وهدى تتابعهما ببصرها حتى يختفيان بالداخل .. ثم تجول ببصرها في تفاصيل الشقة لتسليية نفسها.

قطع

مشهد ٢٦	بلا توه برنامج «Sherry Live»	ن/د
---------	------------------------------	-----

الجمهور يحيى رانيا التى أنهت للتو أغنيتها .. فتشير له لتحييه .
الجمهور: تصفيق + ضفافير .
رانيا: مرسيه .. مرسيه ...
نكتشف أن فى خلفية رانيا - فى مواجهة الجمهور - أحد المساعدين يحمل لافتة مكتوب عليها «تصفيق» .
شريف يرحب برانيا وهو يصفق لها مع الجمهور .
شريف: أهلا بيكى يا نينا ف Sherry Live ...
رانيا تتجه نحو شريف وتصافحه .
رانيا: (إنجليزى ريك) thank you ...
المساعد ينزل اللافتة فيتوقف الجمهور عن التصفيق .
على شاشة البلازما التى تعرض بث القناة نرى فاصل الفقرة الفنية لبرنامج شريف .. فنفهم أننا خرجنا من الهواء .
ص: فاصل الفقرة الفنية .
شريف يشير لرانيا على شاشة البلازما وهو يقودها نحو الكرسيين .
شريف: إحنا فى فاصل دلوقتى ...
ثم يشير لها على كرسى .
شريف: اتفضللى هنا ...
رانيا تجلس .. ثم يجلس شريف وهو يشير لها على إحدى الكاميرات .
شريف: ... دى كاميرتك ...
رانيا تومئ برأسها إيجاباً .
رانيا: OK .
شريف يعتدل فى جلسته .. ويتابع بترقب شاشة البلازما منتظراً نهاية الفاصل .
ص: نهاية فاصل الفقرة الفنية .
بعد انتهاء الفاصل يلتفت شريف إلى الكاميرا الخاصة به ويواصل تقديم البرنامج على الهواء .
شريف: فصلنا شوية ورجعنا لكم تانى ومعانا .. القنبلة .. نينا! .. قوليلى بقى يا نينا .. ليكى فى الكرة زى ما ليكى فى الفن؟
رانيا: يعنى .. الماتشات المهمة بس .
شريف: يعنى هتشوفى ماتش النهاردة؟
رانيا: طبعاً .. هو فى حد مش هيشوف ماتش النهاردة؟
شريف: معاكى حق .. طيب .. قوليلى بقى .. أنا سمعت إنك محضرة مفاجأة غنائية كروية .. إيه رأيك تدبنا فكرة كده عنها ...
رانيا: مفيش .. أنا سجلت أغنية هتتذاع إن شاء الله لما نكسب الماتش .
شريف: إن شاء الله! .. هنكسب عشان نسمعها ...
ولا أقولك .. ما تسمعيها حته منها يا نينا ...
رانيا: مش عايزة أقاطع .. خلينا نسمعها كلنا سوا لما نكسب!
شريف: ماشى ... بلاش نقاطع .. بس إن شاء الله المنتخب النهاردة يرفع راسنا .. وما يحرمناش من أغنية نينا!
سبنا بقى من الكرة وخلينا فى الغنى .. بقالك قد إيه بتغنى يا نينا؟
رانيا: يعنى ... حوالى سنة!
شريف: لأ .. ما قصدش بقالك قد إيه مشهورة .. قصدى بدأتى تحبى الغنى وتدندنى كده مع نفسك فى البيت إمتى .
رانيا: (محرجة) آه .. يعنى .. من وأنا صغيرة .. طول عمرى بحب الغنى قوى .
شريف: وكنت بتحبنى تغنى لمن قبل ما يقالك أغانيكى؟
رانيا: (بلجلة) إه .. كلهم .. كل المغنيين! ... عبدالحليم .. نجاة .. وردة ...
شريف: هایل ...
(يستطرد) زى ما أنت عارفة .. النهاردة أنتِ معانا عشان نعرف حكايتك من طقطق لسلامو عليكوا ..
رانيا: (بدلال) OK .
شريف: وأول الحكاية إنك كنتى بتدندنى وأنت صغيرة .. إيه رأيك بقى لو تسمعيها بصوتك الحلو ده حته صغيرة كده

لعبدالحليم أو نجاة .. أو أى حد كنتِ بتدندنيله زمان.
رانيا: (بتوتر) إم...
شريف: (مشجعاً) ياللا ياللا .. كوبليه واحد بس لأى حد تحبيه .. عشان الجمهور يشوف بنفسه بدايات نينا من ساعة ما
كانت بتدندن لغيرها لحد ما بقى لها أغانيها الخاصة.
شريف يمد يده لرانيا بميكرفون .. فتأخذه فى تردد وتتنح.. ثم تبدأ فى الغناء.
رانيا: تغنى كوبليه من أغنية لولا الملامة لوردة بصوت به بعض النشاز.

قطع

ن/د	مطعم فول وطعمة	مشهد ٢٧
-----	----------------	---------

الراديو: أغنية لولا الملامة بصوت وردة.. (الأغنية مستمرة كخلفية للمشهد).

حسن (منتصف العشرينات - تعليمه متوسط - أسلوب حديثه ركيك وبه تطجين أحياناً - يعمل بإعداد السندويشات في المطعم - أسمر ونحيل كالألبانية العظمى من القاهريين ذوى الأصول الريفية) يعد سندويشات بسرعة رهيبية كالآلة.. وهو ينظر أمامه مبتسماً ولهانا وكأنه يبتسم للكاميرا فى بله.

أصوات متداخلة: مش هينفع كدة!! / ٥ أرغفة / يا بويا.. رجلى! / يا بنى حاسب / بجنينه فول / ٥ أقراص طعمية...

نكتشف أن حسن يبتسم لريهام المحشورة فى مواجهته بين الزبائن المتكتلين لاستلام السندويشات.. لكنها لا تتدافع وتمد يدها بكوبونها كما يفعل غيرها من الزبائن.. بل تقف تنتظر شيئاً ما لا نفهمه وهى تتبادل مع حسن النظرات وهو يصنع سندويشات زبون آخر.

زبون ١: ٣ فول و ٢ طعمية.. ٢ بنتجان.. (لشخص يدفعه) بالراحة ياخي.. هى الدنيا هتطير؟

زبون ٢: ٤ فول.. ٤ طعمية.. ٢ بنتجان.. ٢ بطاطس.. واتوصى بالطرشى.

أحد اللذين يعدون السندويشات يتحرك من مكانه ليصبح فى مواجهة ريهام.. ويمد لها يده ليأخذ منها الكوبون.

العامل: (مغازلاً) طلبات القمر؟

لكن حسن يدفع زميله بكفنه قليلاً ليعيده مكانه.

حسن: (لزميله) طلبات ست الحسن عندي...

ويمد يده لريهام ليأخذ الكوبون.

حسن: (لريهام) زى كل يوم؟

ريهام تبتسم لحسن فى خجل وتعطيه الكوبون... فيبدأ فى إعادة سندويشتاتها فى تانى ملحوظ وهو يتبادل معها النظرات والابتسامات المتأرجحة ما بين التواطؤ والإعجاب والخجل.. وسط متابعة زملائه لهما وتعليقاتهم.

عامل ١: يدندن ساخراً مع الراديو.. «نحب يا ناس.. ننكر لو قلنا ما بنحبش.. بنحب يا ناس.. ولا حدش فى الدنيا ما حبش.. والدنيا يا ناس.. من غير الحب ما تتحبش.. من غير الحب ما تتحبش»...

عامل ٢: خف يا روميو.. الزباين جعانة...

ريهام تشعر بالإحراج من تعليقات العاملين... فتندم يدها لحسن مطالباه بالسندويشات.

ريهام: السندويشات وحياتك.. متأخرة!!

حسن ينظر شذراً لكل من العامل ١ على يمينه والعامل ٢ على يساره.. فيعود كل منهما لعمله.

حسن يسرع من إيقاعه وبعد ثلاثة سندويشات.. ثم تلتفت يميناً ويساراً نحو زميله.. وعندما يتأكد من عدم تركيزهما معه يخرج من جيبه كيس ورق مطبوع عليه اسم المحل - بدلاً من يأخذ أحد الأكياس الموجودة بجواره - ويضع فيه السندويشات.

حسن يمد يده بالكيس لريهام - بحيث الكلام المطبوع يكون لأعلى - ويتعمد أن يلمس يدها وهى تأخذه منه.

حسن: الكيس.

ريهام: ترتبك وتسحب يدها بالكيس بسرعة وهى تنظر حولها خوفاً من أن يكون قد رآهم أحد.. بينما تظهر على وجه حسن ابتسامة فيها تواطؤ وهو يكرر.

حسن: الكيس.

ريهام تنظر له متسائلة فيكرر مؤكداً على الحروف.

حسن: الكيس...

ريهام تضم حاجبيها وتحرك رأسها متسائلة لأنها لا تفهم.. فيشير حسن نحو الكيس.

حسن: ... فيه طلبك!!

ريهام تنظر للكيس متفحصة.. فتلاحظ على ظهره كلاماً مكتوباً بخط اليد «أرجوكى قابلىنى الساعة ٨ فى شارع المنتزة الزمالك».

ريهام تضم الكيس إلى صدرها بميكانيكية لتخفى المكتوب عليه.. ثم تلتفت حولها فى توتر من يشعر أن كل الأعين تراقبه.. لكنها تجد الجميع مشغولين بأنفسهم... فتلتفت نحو حسن الذى ينتظر فى قلق رد فعلها الذى يتوقف عليه مصيره.. وتنظر له بوجوم للحظة مما يربكه.. ثم تبتسم فى خجل ابتسامة رضا وتلتفت بدلال لتخرج.. فينفجر حسن فى الغناء مع الراديو بحماس... وهو يسرع من إيقاع أداء عمله.

حسن + الراديو: أغنية لولا الملامة بصوت وردة.

ريهام تخترق المحل بسرعة وسط نظرات العاملين... الذى يتابعها كل منهم بأداء مختلف ما بين: نظرة شهوانية.. ابتسامة من يفهم كم يحبها حسن.. نظرة استياء أخلاقية من الموقف ككل.. بينما حسن يتابعها بنظرات ولهانة وهى تخرج من باب المحل.

الراديو: أغنية لولا الملامة بصوت وردة.

مشهد ٢٨	شقة الممثلة	ن/د
---------	-------------	-----

نرى ساعة الحائط وقد مر حوالى نصف ساعة انتظرتها هدى.
 الممثلة (وجهها شديد الإحمرار ومدهونا بمرهم لزج شفاف) جالسة تراقب فى سادية البودى جارد «مكتف» ذراعى هدى بقوة خلف ظهرها .. بينما هى تحاول «الفلفة» من قبضته فيزيد من الضغط على ذراعيها.
 هدى: (متأللة) أي!! .. ذراعى هيتكسر .. أى ...
 تفتح اللبيسة علبة كريم (تشبه علبة كريم مشهد تترات ٩) و«تكبش» منها وتلطف وجه هدى التى تحرك وجهها بعصبية لتفادى الكريم فيسقط حجابها أثناء «الفلفة» فتضع اللبيسة من الكريم على رقبتها أيضا إلى أن تفرغ محتوى العلبة على وجه ورقبة هدى.
 اللبيسة: (ساخرة) دوقى كده!!

قطع

ن/د	بلاتوه برنامج «Sherry Live»	مشهد ٢٩
-----	-----------------------------	---------

رانيا تنهى الأغنية والجمهور يصفق محييا عدا كومبارس سؤال شريف الذى يقف من بينهم مشيراً لشريف أنه يريد أن يسأل شيء.

رانيا: تغنى آخر جملة فى الأغنية.

الجمهور: تصفيق + صفافير.

شريف: (لرانيا) واضح إن فى واحد من الجمهور عايز يقول حاجة ... (للكومبارس) طبعاً عايز تحييا على أدائها!!

الكومبارس يطرح سؤاله بهجوم مصطنع.. مما يوتر جميع العاملين بالاستديو باستثناء شريف.

الكومبارس: (لشريف) أنا كنت عايز أسألها ...

رانيا تومئ للكومبارس برأسها فى دلال بأداء «اتفضل أسأل».

الكومبارس: (لرانيا) .. أنت شايقة إن اللى بتعمليه ده اسمه طرب .. أو حتى ليه أى علاقة بالفن؟ .. انتوا لخبطونا آخر لخبطة ...

رانيا تلتفت لشريف وتحرك رأسها وهى مقضبة الحاجبين بأداء «إيه اللى بيقوله ده؟».

الكومبارس: أنا مش فاهم .. ما تريحو نفسكو وتريحونا وتسيبوا قنوات الغنى للى بيعرفوا يغنوا ... ينظر شريف باتهام لايناس الواقعة خلف الكاميرات .. فتبتسم له ابتسامة فخر ورضا غير مبالية بغضبه.

الكومبارس: ... وانتوا بقى شوفولكو قنوات تانية اعملوا فيها الحبين بتوعكو دول ... المصورون يتبادلون ابتسامات ساخرة.

الكومبارس: ... إن شاء الله حتى تعملوا قناة وتحطوا عليها نمركوا وكده زى القنوات إياها ...

تلحظ رانيا شريف وهو بيتسم لكلام الكومبارس .. فترمقه بنظرة غاضبة ... فيتمالك نفسه مدارياً ابتسامته وهو يتصنع الدهشة من سؤال الكومبارس .. ثم ينظر لها طالباً العذر بأداء «أنا آسف جداً».

الكومبارس: بدل ما انتوا محسوبين عل المغنيين عافية و ... يقاطع شريف الكومبارس:

شريف: (متصنعاً الغضب) حيلك حيلك .. إحنا ماتفقناش على كده .. مش قلنا تقولولنا على أسئلتكو قبل ما تسألوها .. (مدارياً ابتسامته) ... ولا إيه؟

الكومبارس: يحركون رؤوسهم إيجاباً.

الكومبارس: معلش يا أستاذ شريف.. بس ماقدرتش أمسك نفسييس!!!

شريف: (متصنعاً الاستسلام) طيب.. عمومًا السؤال اتسأل واللى حصل حصل ... (لنينا) إيه بقى ردك على كلامه ده يا نينا؟

رانيا: (بجدة دفاعية) أولاً أنا عمرى ما قلت إنى مطربة .. أنا مغنية ... بغنى أغانى خفيفة كده تليق على صوتى .. وشريف طلب منى أغنيكم أغنية قديمة .. أخرجته وأقوله لأ؟

شريف يحرك رأسه نفياً.

شريف: لأ .. مايصحش!!

رانيا: بس .. فدى مجاملة للبرنامج .. مش معناها أبداً إنى بطرح نفسى كمطربة بتغنى أغانى فيها طرب زى مطربين زمان .. وبعدين اللى متابع شغلى هيعرف إنى بنقى ألحان تناسب صوتى ... اسمعونى بغنى أغانى وبعدين تعالوا حاسبونى وقولولى أنفع مغنية ولا لأ ...

(مؤكد) مغنية ... مش مطربة.

شريف: طيب .. الغنى وفهمناها .. الرقص بقي؟ .. إيه حكايته معاكى .. وبتسميه رقص ولا ليه اسم تانى؟

رانيا: أنا برقص فى الكليبات (بال b مش بالp) بتاعتى آه .. لكن أنا برضه مش رقاصة .. أنا مؤدية .. بحرك جسمى مع المزيكا .. زى أى بنى آدم بيسمع حته مزيكا بتعجبه فيحرك جسمه معاها من غير ما يحس بنفسه.

شريف: أيوه .. بس إنت مش بتحركى جسمك مع المزيكا ... أنت بترقصى على واحدة ونص!

رانيا: ده حسب الأغنية والمخرج .. المخرج هو اللى بيحدد شكل الفيديو كليب .. وبيحدد لبسى ومكياجى وكل حاجة .. وعلى فكرة .. برضه اللى متابع شغلى هيعرف إن مش كل كليباتى زى بعض ...

قطع

مشهد ٣٠	شقة الممثلة - أمام باب الشقة	ن/د
---------	------------------------------	-----

تستنجد هدى بالممثلة الجالسة تراقب الموقف فى تلذذ وشماتة.
 هدى: ... يا مدام حرام عليكى كده.. ده ما يرضيش ربنا ...
 الممثلة تشير للبودى جارد بيدها علامة «كفاية» .. فيفلت ذراعى هدى .. وإن ظل ممسكاً بها من ملابسها وهى «كاشة» منه توقعاً لأى ضربة مفاجئة.
 الممثلة: إنما يرضيه إنك تغشى زباينك يا نصابة!!
 (مشيرة على وجهها) عاجبك كده!! .. عارفة اللى ف وش ده اسمه إيه!!
 تنقل هدى بصرها بينهم فى رعب .. ثم تنطق بعد تردد.
 هدى: ط .. طلط .. طلط!
 البودى جارد يلكز هدى فى كتفها.
 البودى جارد: طفح لما يلهفك.
 تنظر له هدى مستتجدة.
 هدى: أمال اسمه إيه!!
 الممثلة: اسمه حساسية .. حساسية من كريم مغشوش دهنت بيه وشى ...
 تحاول هدى أن تمسح الكريم من على وجهها .. فيمسك البودى جارد بيدها ويلويها كى لا تمسحه.
 هدى: (متألّة) أي!! ...
 الممثلة: واضح إنك عمرك ما جربتى الكريمات اللى بتبيعها .. فرصة بقى إنك تجربيها ...
 تشير الممثلة برأسها للبيسة التى تبدأ فى «دعك» الكريم بقوة على وجه ورقبة هدى لتتأكد من امتصاصهم ... بينما هدى تحاول «الفلفسة» دون جدوى.
 الممثلة: عشان تحرمى تغشى ... ع الله العلقه دى تكون كفاية.
 هدى: (برجاء) والله حضرتك ظلمانى .. الكريم مش مغشوش ولا حاجة .. ده أحسن نوع .. طبيعى ١٠٠٪ .. جايياه من بره مخصوص والله ...
 (محاولة تضليلها) ... جاييز بس حضرتك قعدت فى الشمس كتير .. مش كنتى بتصورى فى البحر؟
 الممثلة تشير على وجهها فى غضب.
 الممثلة: شمس .. وهى الشمس تعمل كده .. ده أنا ولا اللى دخلوا الفرن!!
 الممثلة تلتفت نحو اللبيسة.
 الممثلة: (بحسم) خدى ١٥٠ جنيه من شنطتها.
 اللبيسة تفتح شنطة هدى الموضوعة على قطعة الأثاث .. و«تنكش» بداخلها مُخرجة فى إهمال كل محتوياتها من أدوات عمل وأغراض خاصة .. بينما هدى تراقبها «وقلبها واجعها» على أغراضها.
 الممثلة: أنا كلمت كل صاحباتى وقتلتهم على عملتك .. فخيديا من قصيرها وماتروحيش لأى حد من طرفى أو يعرفنى.
 هدى تتبته جداً لجملة الممثلة الأخيرة .. فتنسى الحقيقة وما فيها .
 هدى: (ساخطة) ليه بس قطع العيش ده يا مدام!!
 اللبيسة تجد أخيراً «بوك» .. فتفحته وتخرج ما به من نقود .. تأخذ منها ١٥٠ جنيه وتعيد الفكات المتبقية .. ثم تعيد محتويات الحقيقة إليها من جديد.
 الممثلة: احمدي ربنا إنى ماعملتلكيش محضر ف القسم ...
 هدى: (تصرخ فزعة) قسم؟
 الممثلة: أيوه قسم ... ده أقل حاجة ...
 (مهدة) ... عارفة .. لولا إن عندى تصوير ومش عايزة شوشرة .. أنا كنت حبستك.
 الممثلة تشير لها كأنها تهشها .. بينما تنتهز هدى الفرصة وتحاول مسح وجهها فى قماش فستانها عند كتفيها.
 الممثلة: ياللا ياللا .. مش عايزه أشوفك تانى أبداً .. لو شفته مش هيحصلك طيب.
 البودى جارد يأخذ الحقيقة من اللبيسة ... ويجذب هدى من ملابسها نحو باب الشقة .. يفتحه .. ويدفعها بقوة خارجه ويلقى إليها بحقيبتها التى تسقط على الأرض .. ثم يغلق الباب فى وجهها بعنف.
 هدى تلملم نفسها وحقيبتها فى صعوبة بسبب آلام ذراعيها وظهرها .. ثم تجلس على السلم واضعة رأسها بين كفيها فى قهر.

قطع

ن/د	غرفة الكنترول الخاصة ببرنامج Sherry Live	مشهد ٣١
-----	---	---------

شاشات الغرفة تعرض بروموهات البرنامج.
فى طرف الغرفة تليفونيست جالس يتحدث فى التليفون وأمامه ورقة مكتوب عليها عدة أسماء .. وهو يكتب «أمل - القاهرة».

ص أمل: ... وعاززة أطلب أغنية
التليفونيست: لأ .. تقدرى تطلبى أغنية
ص أمل: ... OK.

التليفونيست: طب خليكى معايا أمل.
يأخذ التليفونيست اتصالاً آخر.
التليفونيست: آلو ...

ص إياد: (بلهجة لبنانية) مسا الخير ...
ص إياد: أنا إياد زيدانى.

يبدو على التليفونيست دهشة ممزوجة بالفزع عند سماعه الاسم.
التليفونيست: أستاذ إياد؟ .. أهلاً أهلاً نورت البرنامج ...

ص إياد: يا هلا فيك .. بدى أحكى مع نينا ...
التليفونيست: طبعاً يا فندم .. حضرتك خليك معايا ع الخط .. وحاول أخلى مداخلتك على طول.
التليفونيست يحدث شريف عبر المايك.
التليفونيست: معاك أمل من القاهرة.

قطع

ن/د	بلا توه برنامج «Sherry Live»	مشهد ٣٢
-----	------------------------------	---------

شاشة البلازما تعرض نهاية برومو البرنامج .. فيعود شريف للتقديم بعد نهاية البرومو الفاصل.
شريف: فصلنا شوية ورجعنا لكم .. ومعانا ع التلفزيون واحدة متابعة شغلك كله يا نينا ..
... أمل .. إزيك يا أمل ...
ص أمل: إزيك إنت يا شريف ...
شريف: أنا تمام ...
ص أمل: منور الشاشة ...
شريف: مرسى ...
ص أمل: ... دايماً زى قمر ...
شريف: (متصنعاً الخجل) ربنا يخليكى يا أمل .. تحبى تقولى إيه لنينا؟
ص أمل: إزيك يا نينا ؟! ...
رانيا: إزيك أنت يا أمل؟
ص أمل: على فكرة .. أنا بحبك قوى قوى
(متداخلة مع رد رانيا) .. بس مش أكثر من شريف!!
رانيا: مرسى يا حبيبتى .. أنا كمان بحبك!!
شريف: ربنا يخليكى يا أمل ..
(لرانيا) على فكرة ... أمل أوفى صديقة لبرنامجنا ...
هه يا أمل ... إيه أكثر أغنية بتحبيها لنينا .
ص أمل: بحب أغنية جداً .. ونفسى أنها تغنيها لنا .
شريف: بس كده؟! ...
(لرانيا) على فكرة إحنا برنامجنا عمره ما رفض أى طلب لجمهوره .
رانيا: وأنا كمان ماقدرش أرفضهم أى طلب .
ص: دخول موسيقى الأغنية .
تنهض رانيا وتتراقص مع الموسيقى ثم تبدأ الغناء بلاى باك .
رانيا: تغنى .

قطع

مشهد ٣٣	شارع جامعة الدول العربية	ن/خ
---------	--------------------------	-----

شاشة تعرض إعلان فيديو .
على واقفا أسفل الإعلان الفيديو يبيع تذاكر المباراة سوق سوداء لشابين من الطبقة المتوسطة العليا .. وسيارتهما - مغطاة
بعلم مصر - مركونة أمامهم .

شاب ١ يفاصل على في سعر التذاكر .
شاب ١: يا بنى كتير .. كتير قوي
علي: ده آخر كلام .. وما تكثرش .. مش عايزين .. غيركوا عايز!!
شاب ١: بس ده OVER .. ده أنت شارى التذكرة بـ ٣٠٠ بس .
علي: مين قالك إني شاريتها؟!

شاب ٢ يتحدث في الموبايل .
شاب ٢: لقينا ٦ تذاكر .. بس بـ ١٥٠
الطرف الآخر:
شاب ٢: وأنا مال أهلى .. هو أنا اللى ببيعهم!!
الطرف الآخر:

الشابان ينظران له فى استغراب .. فيستطرد على كاذباً لينقذ الموقف .
علي: أيوه .. مين قالك إني شاريتها بـ ٣٠٠ .. ده أخويا الكبير شاريهم سوق سودا .. وبنبيعهم عشان نطلع بحسنتنا .
شاب ١: طب خليك جدع واعملنا تخفيض ...
علي: مقدرش ... أخويا ينفخني!
شاب واحد ينظر متسائلاً بأداء «وبعدين» لشاب ٢ الذى كان قد توقف عن الحديث متابعاً على .. فيعود شاب ٢ للحديث فى الموبايل لرمى الكرة فى ملعب الطرف الآخر .
شاب ٢: (فى الموبايل) قررروا بقى .. مفيش وقت .. هيقفلوا الاستاد بعد ساعة باين ولا إيه .
الطرف الآخر:
شاب ٢: (لشاب ١) أنت معاك كام؟!
شاب ١: ٣٠٠ .
شاب ٢: (فى الموبايل) طيب .. إحنا معناش غير بتاع ٥٠٠ جنيه .. لم العيال والفلوس وتعالولنا على هنا عشان نطلع ع الاستاد على طول .. ياللا .. سلام!
شاب ٢ يغلق الموبايل ويومئ برأسه علامة «ماشى» لشاب ١ ... بينما على يبتسم ابتسامة المنتصر .

قطع

مشهد ٣٣	شارع جامعة الدول العربية	ن/خ
---------	--------------------------	-----

شاشة تعرض إعلان فيديو .
على واقفا أسفل الإعلان الفيديو يبيع تذاكر المباراة سوق سوداء لشابين من الطبقة المتوسطة العليا .. وسيارتهما - مغطاة
بعلم مصر - مركونة أمامهم .

شاب ١ يفاصل على في سعر التذاكر .
شاب ١: يا بنى كتير .. كتير قوي
علي: ده آخر كلام .. وما تكثرش .. مش عايزين .. غيركوا عايز!!
شاب ١: بس ده OVER .. ده أنت شارى التذكرة بـ ٣٠٠ بس .
علي: مين قالك إني شاريتها؟!

شاب ٢ يتحدث في الموبايل .
شاب ٢: لقينا ٦ تذاكر .. بس بـ ١٥٠
الطرف الآخر:
شاب ٢: وأنا مال أهلى .. هو أنا اللى ببيعهم!!
الطرف الآخر:

الشابان ينظران له فى استغراب .. فيستطرد على كاذباً لينقذ الموقف .
علي: أيوه .. مين قالك إني شاريتها بـ ٣٠٠ .. ده أخويا الكبير شاريهم سوق سودا .. وبنبيعهم عشان نطلع بحسنتنا .
شاب ١: طب خليك جدع واعملنا تخفيض ...
علي: مقدرش ... أخويا ينفخني!
شاب واحد ينظر متسائلاً بأداء «وبعدين» لشاب ٢ الذى كان قد توقف عن الحديث متابعاً على .. فيعود شاب ٢ للحديث فى الموبايل لرمى الكرة فى ملعب الطرف الآخر .
شاب ٢: (فى الموبايل) قررروا بقى .. مفيش وقت .. هيقفلوا الاستاد بعد ساعة باين ولا إيه .
الطرف الآخر:
شاب ٢: (لشاب ١) أنت معاك كام؟!
شاب ١: ٣٠٠ .
شاب ٢: (فى الموبايل) طيب .. إحنا معناش غير بتاع ٥٠٠ جنيه .. لم العيال والفلوس وتعالولنا على هنا عشان نطلع ع الاستاد على طول .. ياللا .. سلام!
شاب ٢ يغلق الموبايل ويومئ برأسه علامة «ماشى» لشاب ١ ... بينما على يبتسم ابتسامة المنتصر .

قطع

مشهد ٣٤a	محل ملابس بسور نادى الزمالك	ن/د
----------	-----------------------------	-----

لقطة عكسية من داخل زجاج فترينة المحل:
وجه ريهام ملتصق بزجاج الفترينة .. ويدها موضوعة بجانب عينيها تحاول أن ترى بوضوح الفستان المعروض (بسبب ضوء الشمس المنعكس على الفترينة) .. وباليدي الأخرى ممسكة بسندويتش - كانت تأكله - مطل من الكيس الورقي (آخر سندويتش من سندويتشاتها).
ص رانيا: الأغنية فى البرنامج.

مشهد ٣٤b	سور نادى الزمالك- خارج المحل	ن/خ
----------	------------------------------	-----

ريهام تبعد وجهها عن الفترينة .. ثم تُدخل السندويتش فى كيسه الورقى وتضعه فى حقيبتها .. وتستجمع شجاعتها لدخول المحل.

مشهد ٣٤c	محل الملابس بسور نادى الزمالك	ن/د
----------	-------------------------------	-----

خلفية المشهد

تليفزيون صغير معلق من السقف يعرض برنامج «Sherry Live» .
رانيا: تغنى.

المشهد الأساسي

محل شيك وواسع يبيع ملابس مستوردة بحيث لا يتكرر نفس الموديل كثيراً .. وبه بائعتين ستكشف خلال المشهد أن البائعة ٢ أشرس وأعنف من البائعة ١ .. وزيونتين nouveaux riches .
ريهام تدخل المحل وهى تحاول - «محاولة خائبة» - أن تتصنع الثقة بالنفس لمعرفتها أن هذا المحل ليس من مستواها .
ريهام: سلام عليكم.
البائعتان - الواقفتان عند كاونتر البيع تتابعان التليفزيون - تتفحصان ريهام بنظرات متحفظة بسبب شكلها .. ثم تجيبان بأداء «تأدية واجب» .
بائعة ١: وعليكم السلام ورحمة الله وبركاته.
بائعة ٢: وعليكم السلام.
ريهام تتجاهل نظرات البائعتين - اللاتى تتبادلان بدورهما نظرات تعجب - وتتوجه مباشرة نحو الملابس .. وتبدأ فى الفرجة بتأنى على القطع المعلقة على الشماعات .. وتتخلل فرجتها على الملابس نظرات استياء نحو ما يُعرض لرانيا فى التليفزيون .
البائعة ١ تترك زميلتها فى تأفف وتتبع ريهام كظلها ... على العكس من الزبونة ١ التى تنتقى الملابس على راحتها دون متابعة .
ريهام تعتمد تجاهل متابعة البائعة ١ لها .. وتتفحص الملابس قطعة قطعة .. وسط استياء البائعة التى تتبادل من حين لآخر النظر مع البائعة ٢ فى ضيق .. ثم تنظران معاً لريهام من فوق لتحت بأداء «نسونة» .
البائعة ١ تقرر إنهاء هذا الموقف .. فتتقدم لتصبح فى مواجهة ريهام بدلاً من أن تكون خلفها .
بائعة ١: (بتكلف) على فكرة .. مش هتلاقى حاجة تناسبك...
ريهام تنظر للبائعة باستغراب مصطنع .. فتستطرد البائعة .
بائعة ١: (بصرامة) ماعندناش ملابس محجبات ...
ريهام - وقد فهمت ما ترمى إليه البائعة - تبتسم وهى تهز رأسها بأداء «آه ه» ثم تقطع عليها الطريق بأداء خبيث لإحراجها .
ريهام: لأ إزاي؟! .. ده أنا شايفة بناطيل ودريالات حلوة قوى .. أكيد هلاقى حاجة تنفع ...
البائعتان تتبادلان نظرات يأس من ثقة ريهام وغلاستها .. بينما ريهام تواصل استفزاز البائعة ١ .
ريهام: ... بصراحة ... عندكوا حاجات حلوة قوى ...
ريهام تترك البائعة ١ «تضرب أخماس فى أسداس» .. وتواصل الفرجة على الملابس إلى أن تُخرج شماعة عليها فستان ..
وتهم بالتوجه به نحو غرف القياس .. فتتأمل البائعة ١ فى حيرة للبائعة ٢ مستجدة بها لعجزها عن التصرف .. فتسرع البائعة ٢ وتستوقف ريهام قبل وصولها لغرف القياس .

بائعة ٢: (بغلاسة) ثانية واحدة .. حضرتك هتشتريه؟

ريهام: لأ .. عايزه أقيسه!

بائعة ٢: (بصرامة) أنا آسفة .. مفيش قياس ...

ريهام: (لا تستوعب) هو إيه اللي مفيش قياس؟

بائعة ٢: (مؤكدَة باستفزاز) مفيش قياس!!

فى الخلفية الزبونة ١ حاملة عدة قطع من الملابس تتوجه نحو غرف القياس.

ريهام: (منفعلَة) إزاي مفيش قياس؟ .. ده محل هدم .. والهدوم الناس بتقيسها قبل ما تشتريها .. ولا بيعتروها عمياني؟

بائعة ٢: إحنا بقى نظامنا كده .. ماعندناش قياس.

يلفت نظر ريهام الزبونة ٢ التى تخرج من إحدى غرف القياس .. وتقف على بابها لتأخذ رأى صديقتها الزبونة ١ فى ما تقيسه.

زبونة ٢: إيه رأيك يا ميمي؟

زبونة ١: تحفة يا فاهي! .. جنان!!

يستفز ذلك ريهام أكثر فتشير نحو الزبونتين.

ريهام: ما هم .. بيقيسوا دول ولا بيعملوا إيه؟

الزبونتان تنظران نحو ريهام والبائعتين فى تساؤل وحيرة .. فتجذب البائعة ١ ريهام من ذراعها جانبًا وتهمس لها .. بينما

الزبونتان فى الخلفية تعودان لما كانتا تفعلاانه غير مكرثتان بما يحدث.

بائعة ١: من فضلك مفيش داعى للشوشرة .. القياس لزباين المحل بس ..

ريهام: طب ما أنا زبونة!

بائعة ٢: للزباين اللي بيعتروا!!

ريهام: الله! .. هو أنا لسه قست عشان أشتري!!

بائعة ٢: (هازئة) يعنى لو قيسيتيه وعجبك ... هتشتريه؟

ريهام: هو اللي يقيس لازم يشتري؟ .. مش جايز مايعجبنيش؟

بائعة ١: صدقيني حتى لو عجبك مش هتقدرى على تمه.

ريهام: (بتحدى طفولي) ليه؟ .. يعمله كام يعنى؟

بائعة ٢: (ساخرة) يعمل ١٨٠٠ جنيه ...

ريهام تنظر للفستان غير مصدقة.

ريهام: (لنفسها) ١٨٠٠ جنيه؟

بائعة ٢: ... معاكى ١٨٠٠ جنيه؟

ريهام تنظر للبائعتين محاولة مداراة صدمتها.

بائعة ٢: يا ريت بقى تاخديها من قصيرها وتخرجى .. روحى محل على قدك ...

ريهام ترمق البائعتين بنظرة احتقار - فتغض البائعة ١ نظرها - وهى تحاول السيطرة على نفسها وعلى الدموع المتحجرة فى

عينها كى لا تبكى وتزيد من إهانة نفسها .. فيخرج صوتها متهدجًا وهى ترمى بالفستان بعنف شديد فى وجهيهما.

ريهام: جبتوا الجبروت ده مين؟

البائعة ١ تنظر للبائعة ٢ نظرة عتاب لا تخلو من الإحساس بالذنب .. بينما ريهام تخرج من المحل دافعة الباب بعنف.

قطع

ن/د	بلا توه برنامج «Sherry Live»	مشهد ٣٥
-----	------------------------------	---------

عودة للبرنامج بعد الفاصل، حيث يقف أحد المساعدين فى مواجهة الجمهور حاملا لافتة مكتوبا عليها «تصفيق».

الجمهور: تصفيق + صفافير.

يواصل شريف تقديم البرنامج بعد أن يهدأ التصفيق.

شريف: رجعتلكم بعد ما فصلنا شوية.. ولسه معانا ضيفتنا المحبوبة نينا.

(لرانيا) .. أنا شايف يا نينا إن الناس بتحبك قوى...

رانيا: الحمد لله.. حب الناس ده هدية من عند ربنا!

شريف: مفيش شك طبعا.. بس برضه عايزين نتكلم أكثر عن موضوع حب الناس.. لكن بعد ما ناخذ التليفون المهم قوى ده..

معانا الفنان الكبير إياد الزيدانى..

(لإياد مقلدا اللهجة اللبنانية) كيفك أستاذنا؟!!

ص إياد: كيفك إنت؟!!

شريف: الحمد لله..

ص إياد: يا ست نينا...

رانيا: (تقاطعه) أستاذ إياد أنا مش مصدقة إن حضرتك طلبتتى.. دى شهادة كبيرة قوى.

ص إياد: أنا فعلا بدى أعطيكي شهادة.. شهادة عدم أهلية للغنا.. وبدى أقول إن الزلمة اللى حكى من الجمهور ما كذب أبدا.

فى الخلفية إيناس تبسّم فى فخر، حيث إنها صاحبة السؤال.

ص إياد: ... على العكس...

قطع

ن/د	غرفة الكونترول	مشهد ٣٦
-----	----------------	---------

خلفية المشهد

على إحدى الشاشات رانيا تنظر لشريف متسائلة فى دهشة.
ص إياد: ... ده أنا بدى أحبيه عل«ى رأيه.. أو بمعنى أصح.. أحيى معد البرنامج ياللى عطاء ها السؤال.. أخيرا حدا عم
بيقول رأى له معنى فى ها المهزلة...
المشهد الأساسى
المخرج ومونتير الهواء ينظران للتليفونيست نظرة عتاب لأن المداخلة غير مريحة.
التليفونيست: (مدافعا) إياد الزيدانى.. هسأله يعنى هيقول إيه؟
المخرج والمونتير يحركان رأسيهما إيجابا بأداء «طيب.. ربنا يستر».

قطع

ن/د	بلا توه برنامج «Sherry Live»	مشهد ٣٧
-----	------------------------------	---------

رانيا مبهوتة تنظر لشريف مستجدة ليتصرف بينما هو يتجاهلها محاولا السيطرة على نفسه كي لا يضحك.
ص إياد: هايدي الأنسة.. ولا المو آنسة ياللى قاعدة.. ما إلها أى علاقة بالغنى.. لا من قريب ولا من بعيد.. شو خصك إنتى
بالغنا والفن؟...
يفقد شريف السيطرة على نفسه ويضحك.. فترمقه رانيا فى غضب.. فيحاول السيطرة على نفسه لكنه يفشل.

قطع

ن/د	غرفة الكونترول	مشهد ٣٨
-----	----------------	---------

فى إحدى شاشات الغرفة شريف يضحك.. فيضحك بالتباعية التليفونيست والمخرج والمونتير الذين يتابعونه عبر شاشات الغرفة.
ص إياد: يا ست نينا دخيلك.. عايزة تطلعى م الفقر للغنى.. ما داعى تمرى ع الغنا.. فى طرق كثير جدا أقصر وما بتلوث ثقافة المجتمع...
حسين مدير القناة يفتح باب الغرفة فجأة ويقتحمها كالعاصفة.
حسين: (صارخا) اقطعوا يا غجر!!
ينتفض العاملون بالغرفة من الفزع.. ويتوقفون عن الضحك محاولين رسم الجدية على وجوههم.
المونتير: حاضر!!
المخرج يضغط على زر الميكروفون ويحدث شريف.
المخرج: هنقطع يا شريف.

قطع

ن/د	بلا توه برنامج «Sherry Live»	مشهد ٣٩
-----	------------------------------	---------

شريف يحاول السيطرة على ضحكته.
ص: صفارة علامة أن الخط قد قطع.
يتمالك شريف نفسه ويتصنع الدهشة.
شريف: للأسف الظاهر إن الخط قطع...

قطع

مشهد ٤٠	غرفة الكونترول	ن/د
---------	----------------	-----

خلفية المشهد

شريف فى شاشات الغرفة .
شريف: عموما فنانا ايد الزيدانى شرفتنا بمداخلتك...
يلتفت شريف نحو رانيا .. ويستطرد وهو يحاول مداراة ابتسامته .
شريف: لكن طبعا لازم ندى فرصة للفنانة نينا إنها تقول رأيها فى مداخله الملحن الكبير ايد الزيدانى .
المشهد الأساسى
يقترب حسين من الميكروفون ويضغط على زر الميكروفون ويحدث شريف .
حسين: (بحدة) اطلع بفاصل!!

قطع

ن/د	بلا توه برنامج «Sherry Live»	مشهد ٤١
-----	------------------------------	---------

يتصنع شريف الجدية.. ويغير مسار كلامه فجأة.
شريف: .. لكن بعد ما نفصل شوية...
على شاشة بلازما -تعرض البرنامج كما يراه مشاهد التلفزيون- تبدأ الجرافيكس الخاصة بفواصل البرنامج.
ما أن يتأكد شريف من أنه لم يعد على الهواء حتى ينفجر ضاحكا.. بينما تنهض رانيا وتجرى خارجة من باب البلاتوه..
ونسمع صوت مدير القناة يملأ المكان.
ص حسين: (صارخا) عايزك حالا يا شريف.
ينظر شريف لأعلى نحو غرفة الكونترول ليجد حسين ينظر له شذرا من خلف الزجاج مشيرا له بيده فى عصبية أن يصعد إليه..
فيتمالك شريف نفسه وينهض متجها نحو باب البلاتوه.

قطع

مشهد ٤٢	غرفة الكونترول	ن/د
---------	----------------	-----

شريف يدخل الغرفة فى برود .. ويظهر فى أسلوب حديث حسين وشريف وجود ندية واضحة سببها ثقل وزن شريف كواحد من أهم مذيعى القناة وأكثرهم شعبية .. ويبدو أن حسين يترصد له الأخطاء ..

شريف: (لحسين) خير؟

حسين: (هازئا) خير؟ ..

هيجى منين الخير وحضرتك مسخسوخ ع الهواء؟ .. إيه اللى بيضحكك قوى جده؟ .. ضيفة بتتفشخ ع الهواء وانت بدل ما تلم الموضوع وتسيطر ع البرنامج واقعل م الضحك .. دى مش بعيد ترجع لك بعد الفاصل محجبة؟ .. لو مش عارف تشوف شغلك نجيب غيرك يشوفه ..

شريف: (ببرود) أنا شايف شغلى كويس يا حسين .. العيب مش فى سيطرتى ع البرنامج .. العيب فى الضيوف اللى بتختاروهم ..

ص: جرس موبايل حسين ..

حسين ينظر فى الموبايل ويجد اسم Selim Salah .. فيشيخ بيده بالموبايل فى استياء بأداء «هى ناقصاك؟» .. ويواصل حوار مع شريف ..

حسين: (بنفاذ صبر) لاااا .. ده انت واضح إن الشرب لحسلك دماغك ..

شريف يقاطع حسين فى حدة مفاجأة ..

شريف: (بعصبية) لم الدور يا حسين .. ده برنامجى وأديره بالطريقة اللى تعجبني ..

حسين: مفيش حاجة اسمها برنامجى وبرامجك .. كل البرامج برامج القناة .. وأهم حاجة اسم القناة اللى مشغلانى ومشغلاك ..

شريف: (هازئا) مشغلاك انت آه .. لكن أنا لا .. أنا شريف ناجى .. القناة دى كلها شغالة على حسى ..

حسين: ليه .. فاكرك نفسك هالة سرحان؟ ..

التليفونيست والمخرج والمونتير يكتمون ابتساماتهم ..

ص: جرس موبايل حسين فى مكالمة ثانية ..

حسين ينظر للموبايل فى استياء ولا يجيب ..

حسين: وآهو علشان تكمل .. سليم صالح عمال يتصل بيا من ساعتها .. الراجل ده لو قلب علينا هيبقى انت السبب ..

شريف: ما يقلب ولا يتتيل .. أنا عارف شغلى كويس .. إنتوا مش كل اللى يهكموا الإعلانات .. أهى فى الطالع .. فيه شركة واحدة سحببت إعلاناتها من فواصلى؟ ..

حسين لا يجيب على سؤال شريف .. فيستطرد شريف ..

شريف: لما تبقى الإعلانات تقل ابقى تعالى حاسبني ..

ص: جرس موبايل حسين فى مكالمة ثالثة ..

حسين يجيب وقد نفذ صبره ..

حسين: ألو ..

ص سليم: إيه ده يا سى حسين .. أبعتلكم البنت تبهدلوها كده ع الهواء ...

حسين يبتعد قليلا عن شريف والعاملين بغرفة الكونترول حتى لا يظهر أمامهم بشكل الضعيف أو الخائف من سليم ..

حسين: يا سليم بيه دى غلطة مش مقصودة .. واحنا هنصلحها بعد الفاصل .. حضرتك ما تقلقش خالص ..

شريف من خلف حسين يتهم ..

شريف: آه .. هنقول إن المتصل طلع مختل عقليا .. وانتحل شخصية إياد ..

حسين يشيح بيده لشريف كى يسكت بينما المخرج والتليفونيست والمونتير يضحكون ..

ص سليم: أنا بحذرك يا حسين .. وزى ما انتوا غلطتوا غلطة مش مقصودة .. أنا كمان ممكن أرفع قضية تعويض .. بس مقصودة ..

حسين ينظر لشريف شذرا وهو يكلم سليم فى الموبايل ..

حسين: لااا .. قضايا إيه وتعويض إيه .. احنا هنصلح كل حاجة بعد الفاصل .. اطمئن ع الآخر ...

... مع السلامة ..

حسين ينهى المكالمة ويلتفت لشريف مشيرا إلى الموبايل فى عصبية ..

حسين: بص .. ده آخر إنذار ليك يا شريف .. ترجع وتصلح المصيبة اللى حطتينا فيها دى ..

شريف يشيح بيده مستهترا بالموقف بأداء «يا شيخ روح» ويخرج من غرفة الكونترول .. بينما التليفونيست والمخرج والمونتير يتبادلون النظر فى دهشة ..

قطع

مشهد ٤٣	معمل تحاليل كبير	ن/د
---------	------------------	-----

بروموهات القناة وبرومو برنامج شريف.. ثم نكتشف أن البرومو يعرضه تليفزيون صغير معلق فى المعمل.
 نيفين جالسة تنتظر دورها.. والقلق والتوتر باديان عليها وإن كانت تحاول أن «تلهى» نفسها بمشاهدة التليفزيون.
 يظهر طبيب تحاليل يحمل ملف نتيجة تحاليل وينادى.
 الطبيب: مدام نيفين منير.
 نيفين تنهض وتتجه إلى الطبيب الذى يفتح الملف ويلقى نظرة على نتيجة التحليل ثم يبتسم.
 الطبيب: مبروك يا مدام نيفين.. Positive..
 يبدو على نيفين «لخبطة» شديدة.. فيبهت وجهها ثم تبتسم ثم يبهت وجهها وهى تحاول أن تجد الكلمات.. وأخيرا تسأل فى عدم تصديق.
 نيفين: بجد؟
 يبتسم الطبيب مؤنبا.
 الطبيب: أmaal هضحك عليكى يا مدام نيفين؟
 ترتبك نيفين لشعورها بأنها قد تكون أهانته.
 نيفين: لأ طبعاً ما قصدش.. أنا آسفة...
 (تستطرد) بس المفاجأة...
 يبتسم الطبيب مقدرا.
 الطبيب: ... مفهوم طبعاً...
 ثم يستطرد ناصحاً بجدية.. ونيفين تستمع إليه بمشاعر متضاربة.
 الطبيب: عموماً لازم تبندى تتابعى الحمل مع الدكتور بتاعك فوراً.. حضرتك فى الأسبوع السادس.. والشهور الأولى هى أهم شهور.. ده غير عامل السن طبعاً...
 (محذراً) احتمالات الإجهاض بتكون أعلى بعد الأربعين...
 نيفين تهز رأسها إيجاباً.. بينما الطبيب يعطيها الملف وهو يقول الجملة التالية.
 الطبيب: عايزين الحمل يتم على خير.
 نيفين: (مبهوتة) إن شاء الله.
 يرحل الطبيب تاركاً نيفين واقفة تنتظر للملف فى يدها فى ذهول.
 بعد لحظات تخرج نيفين من شرودها وتتلفت حولها فى حيرة.. ثم تبحث فى حقيبتها بتوتر إلى أن تخرج منها الموبايل.

قطع

مشهد ٤٤a	حمام رجال القناة الفضائية	ن/د
----------	---------------------------	-----

باب إحدى كبائن التواليت مغلقا .. ودخان صادر من أعلاه.

قطع

مشهد ٤٤b	كابينة التواليت	ن/د
----------	-----------------	-----

شريف يبدو عليه الغضب والضيق -جالسا بكامل ملابسه على التواليت سائدا ظهره على علبة السيفون وكأنه جالسا على كرسى- يتطلع إلى السقف وهو يدخن سيجارة حشيش فى عصبية.
يقطع شرود شريف Vibration موبايله الموضوع فى جيب قميصه .. فينتفض فى مكانه «مخضوضا» لوهلة .. ثم يخرج الموبايل من جيبه وينظر لشاشته المكتوب عليها novy .. فيعيد الموبايل إلى جيبه فى لامبالاة حيث نرى ضوءه يضىء ويطفئ عبر القماش .. بينما يخرج شريف من جيب الجاكت «البطحة» ويرشف منها ثم يعيدها لجيبه.

قطع

ن/د	حمام سيدات القناة الفضائية	مشهد ٤٥
-----	----------------------------	---------

نفس باب الكابينة المغلق كالمشهد السابق.

ص: شدة سيفون.

باب الكابينة يفتح وتخرج منه رانيا -بعينين حمراوتين- تجفف أنفها بمنديل علامة أنها كانت تبكى.

رانيا تخرج سيجارة من حقيبتها وتستند على الحائط تدخنها وهى تراقب نفسها فى المرآة.. وعلى وجهها علامات التحفز وكأنها تشحن نفسها للانتقام.

إيناس المعدة تدفع باب الحمام مندفعة باديا عليها البحث عن أحد.. وعندما تجد رانيا تتنفس الصعداء..

إيناس: دوختينى...

إيناس تقترب من رانيا وتضع يدها على كتفها متسائلة فى مودة حقيقية.

إيناس: إنتى كويسة؟!

رانيا تهز رأسها إيجابا.. فتربت إيناس عليها.

إيناس: طيب.. فاضل خمس دقائق على الهوا.. please ظبطى مكياجك بسرعة.

رانيا: حاضر.

إيناس تتسحب من الحمام بينما رانيا تخرج من حقيبتها كيس أدوات المكياج.. فيلفت انتباهها ضود الموبايل الذى يضىء دون

صوت.. فتتظر إليه وتجد اسم Selim.. فيبدو عليها الضيق ولا تجيب.. بل تدفس الموبايل فى قاع حقيبتها وتستجمع قواها

وتبدأ فى إصلاح مكياجها.

قطع

مشهد ٤٦	بلاطوه برنامج «Sherry Live»	ن/د
---------	-----------------------------	-----

شاشة البلازما بالبلاطوه تعرض إعلان كروى تبثه القناة.
 شريف جالس فى مكانه وعيناه شديدا الاحمرار.. ويبدو تركيزه مشتبك.
 تدخل رانيا البلاطوه فى ثقة -كان شيئا لم يحدث- وتتجه لمكانها بجوار شريف وتجلس.
 شريف: (بجدية) جاهزة؟
 رانيا: (بحسم) جاهزة!!
 شريف يلتفت إلى مساعدة المخرج ويومئ لها برأسه إيجابا.
 المساعدة: نهجزل للهوا..
 شاشة البلازما تعرض برموا برنامج «Sherry Live».
 المساعدة: (صارخة) نقطع النفس.. ثلاثة.. اثنين.. واحد.. هوا....
 شريف يلتفت للكاميرا الخاصة به.
 شريف: فصلنا ورجعنا لكم ف Sherry Live، قبل ما نفسل الشوية دول.. البرنامج كان سخن ع الآخر..
 يلتفت لنيما مازحا فى محاولة لترطيب الجو المتوتر.
 شريف: ... والا إيه يا نيما أنا كنت خايف ماترجعش بعد الفاصل بسبب الكلام اللى اتقال قبله...
 رانيا: (بتقة) ومارجعش ليه؟.. هو الكلام بفلوس؟
 شريف: أحبيكى على ثقتك فى نفسك...
 الجمهور: تصفيق..
 شريف: ... ونحب نعرف إيه ردك على الاتهامات اللى اتوجهتك قبل الفاصل.
 رانيا تلتفت نحو الجمهور.
 رانيا: (بتحدى) حد عنده حاجة ثانية يقولها؟
 الجمهور: لاااااا..
 شريف: اتفضلى..
 رانيا: هو الأستاذ إياد فنان كبير على عينى وعلى راسى.. ولو شايف إنى مش فنانة ده رأيه وهو حر فيه.. لكن ماهواش حر
 ف إنه يهيننى.. وبعدين لو أنا بلوث المجتمع زى ما هو بيقول.. ماكنش هيقالى معجبين.. وماكنتش شرايطى هتتباع وتكسر
 الدنيا.. ولا كانت حفلاتى هتبقى مليانة على آخرها.. يعنى العبرة بالجمهور ورأيه.. وأنا شايفة إن الجمهور بيعبىنى.. وإلا
 ماكنتش هبقى قاعدة هنا النهاردة.. وبعدين أنا مش بغنى عشان أطلع من الفقر.. أنا بغنى عشان الملحن اللى بيلحن لى
 والمنتج اللى بينتج لى والمخرج اللى بيخرج لى الفيديو كليبات بتاعتى شايفين إنى أنفع فنانة...
 (بتحدى) مش برخصة زى ما الأستاذ شايفنى.
 يضحك شريف على تعليق رانيا الأخير.. لكنه يتمالك نفسه.. ويحاول السيطرة على دفة الحوار قبل أن يتطرق شريف
 لمواضيع شائكة.
 شريف: طب يا ترى مكاسبك المادية والأدبية تستاهل إنك تسمعى كلمة زى دى.
 رانيا تنظر إليه متسائلة لأنها لم تفهم السؤال.
 شريف: يعنى بتكسبى كتير؟
 رانيا: (ساخرة فى حسرة) تصدق بقى؟.. مش بكسب كتير...
 شريف: معقول؟
 رانيا: آه.. الناس فاكدة ياما هنا ياما هناك...
 (بتحدى) لكن الحقيقة إن فيه ناس ثانية هى اللى بتكسب من ورايا...
 شريف: زى مين؟
 رانيا: (مهاجمة) زيك!
 يفاجأ شريف ويلفت حوله مرتبكا بأداء (والله ما أنا).
 شريف: أنا؟
 رانيا تهاجم شريف الذى يبدأ توتره فى الازدياد رويدا رويدا مع جملتها.
 رانيا: أيوه.. أنت جبتنى ف البرنامج بتاعك.. كومبارس يهدلونى ماشى.. فنان يشتمنى ع الهوا مايضرش.. كله مصلحة...
 (مقلدة أداء شريف فى بداية المشهد) «البرنامج يسخن ع الآخر»...
 والناس تتفرج عليه أكثر.. والإعلانات تبقى أكثر وأكثر.. وطظ فى..
 (تستفزه) كسبت ولا ماكسبتش؟
 يرتبك شريف ويتردد فى الإجابة.. ثم ينتبه لصوت يأتيه عبر السماعة فى أذنه.

قطع

ن/د	غرفة الكونترول	مشهد ٤٧
-----	----------------	---------

حسين يصرخ فى شريف عبر المايكروفون.
حسين: ... بقولك خلص .. قفل الحلقة ..

قطع

مشهد ٤٨	بلاطوه برنامج «Sherry Live»	ن/د
---------	-----------------------------	-----

ينهى شريف البرنامج فجأة وهو يحاول أن يدارى ارتبأكه .

شريف: (لنينا) كان نفسى نتناقش فى النقطة دى...

(للكاميرا).. لكن للزسف الوقت الحلو بيخلص بسرعة.. واحنا وصلنا لآخر فقراتنا الفنية النهاردة.. خليكوا معانا.. راجعلكم بفقرات رياضية كروية.. لكن بعد ما تفصل شوية.

ما أن يبدأ على شاشة البلازما عرض برومو برنامج «Sherry Live».. حتى تتجه إيناس مسرعة نحو شريف.. بينما تنهض رانيا -أخذة حقيبتها- وتتجه نحو بابا البلاطوه فى ثقة مبالغ فيها متجاهلة الجميع.

أثناء اتجاه رانيا للباب.. تتقاطع مع حسين، الذى يظهر داخلا البلاطوه.. ويحاول استيقافها .
حسين: نينا.. احنا آسفين جد-ا. (جدا).

رانيا تتجاهل حسين وتخرج من البلاطوه.. فيتجه حسين بدوره كالزوبعة نحو شريف الواقف فى مكانه يتابع الموقف مبهوتا .
حسين ينفجر فى شريف أمام جميع العاملين مما يزيد الموقف توترا وحدة.

حسين: إنت إيه؟.. مخك راح فى؟.. مش عارف تحاور بنت زى دى؟
إيناس: (لائمة) مش كده يا حسين...

حسين يشيح بيده فى وجه إيناس مقاطعا بأداء «روحى كده».

حسين: (لإيناس) بلا حسين بلا زفت.. دى رصتهمله وهو ساكت زى العيل اللى أمه بتهزأه...
ثم يستكمل حديثه مع شريف.

حسين: (بحدة) بقى مش عارف ترد على واحدة تافهة زى دى وتوقفها عند حدها؟..
ثم يلتفت لإيناس بأداء «وانتى ياختى».

حسين: وانتي؟.. إيه السؤال الزفت بتاع الكومبارس ده؟.. فاكدة نفسك إيه؟..
إيناس تهم بالدفاع عن نفسها لكن شريف يقاطعها بحسم مدافعا عنها.

إيناس: أنا ك... (كنت).

إيناس تنظر لشريف فى امتنان.

شريف: (بحدة) ... مالکش دعوة بإيناس.. عندك مشكلة كلمنى أنا...

حسين: أنا معنديش وقت للكلام.. سليم صالح اتصل وعازي يرفع قضية على القناة...

(مستفزا) عموما بعد الفاصل ننوه إن النهاردة آخر يوم للبرنامج بشكله ده.. وإنه هيقف فترة هيرجع بعدها بشكل جديد .
(مضيفا بتحدى) وجايز بمذيع جديد بعد ما نشوف موضوع القضية ده هيرسى على إيه...

(بشماتة) ... فالح بس...

(مقلدا أداء شريف فى مشهد سابق) «القناة دى كلها شغالة على حسى»...

شريف: (منفعلا) غصب عنك.. ومن قبل ما انت تحط رجلك فيها.

حسين: القناة دى هتنقل بحسك.. هتتفعنا بقى ساعتها شهرة حضرتك؟.. ولا هتتفعنا ببصلة.. شهرتك دى تحطها ف...
شريف يفقد أعصابه بسبب جملة حسين فيلكمه فى وجهه فجأة مما يفقد حسين توازنه للحظات.. لكنه يتماسك ويمسك بتلابيب شريف فيشتبكا بالأيدى... بينما إيناس تحاول الفض بينهما.

حسين: يابن الوسخة!!

شريف: الوسخة دى تبقى أمك.

إيناس: مش كده يا جماعة.. عيب!!

العاملين الرجال يتجمعون محاولين فض الاشتباك.. مما يخرج إيناس من دائرة الشجار ويجعلها خارجها تشارك بالكلام فقط.

العاملون: صلوا ع النبى يا اخوانا! / مش كده / يا أستاذ شريف / يا حسين بيه / لا حول ولا قوة إلا بالله....
حسين: أنا مش هخليك تعتبتها تانى!

إيناس: خلاص يا حسين...

شريف: اشربها.. هتوقعها زى اللى قبلها!

إيناس: ... يا شريف بس بقى.

حسين: مابقاش أنا لو أى قناة أخذتك بعد كده...

شريف يخرج من البلاطوه فى حالة من الهياج تاركا العاملين ممسكين بحسين كنوع من فض الشجار.

قطع

ن/د	بلا توه برنامج «Sherry Live»	مشهد ٤٩
-----	------------------------------	---------

عودة لبرنامج شريف ولكن تقدمه بمذبة أخرى بدلا منه .
المذبة: رجنا لكم تانى فى «Sherry Live» .. لكن للأسف من غير شيرى .. شريف .. لأنه للأسف حصله ظرف طارئ واضطر يمشى .. وهو بيعتذر جدا لكل المشاهدين .. وأنا هكمل معاكم حلقة النهاردة .. اللى هتكون آخر حلقة فى الموسم ده .. لأن البرنامج هيقف شوية .. وهيرجعلكم بعدها فى شكل جديد خالص ...

قطع

ن/خ	الطريق الدائرى الجديد - سيارة شريف	مشهد ٥٠a
-----	------------------------------------	----------

داخل السيارة شريف يلف سيجارة حشيش فى وضع يبدو غريبا .
ص: رنة موبايل شريف .
ص: موسيقى صاخبة من كاسيت السيارة .
نكتشف أن شريف داخل سيارته يلف السيجارة وهو يقود .. مما يجعل تركيزه فى القيادة ضعيف .. فتارة يلتفت إلى لف السيجارة .. وتارة ينظر إلى الطريق الذى نراه يتموج أمامه لأن السيارة لا تسير فى خط مستقيم .
شريف يلقي نظرة لامبالاة على الموبايل المكتوب على شاشته NOVY .. ويعود إلى لف السيجارة .

ن/خ	الطريق الدائرى - سيارة شريف	مشهد ٥٠b
-----	-----------------------------	----------

الطريق شبه الخال من السيارات به سيارة شريف تسير بسرعة فى تموجات .. بسبب انشغال شريف بلف السيجارة .

قطع

مشهد ٥١	عمارة مرتفعة بآخر شارع شهاب - شقة الحاج عرفة	ن/د
---------	---	-----

باسطة سلم.. وباب مصعد مغلق.
ص مقرر قرآن: آية من الآيات المتعلقة بالوفاة.
ريهام تدفع باب المصعد بيد.. بينما تطوى باليد الأخرى كيس السندويشات الورقى الفارغ وتضعه فى حقيبتها.. ثم تخرج من المصعد بنصف جسدها ناضرة بميكانيكية نحو أحد أبواب الشقق.. فتجده مفتوحا.. وبالدخل معزيات -أغلبهم من المحجبات- ومقرر فى أحد الأطراف..
فتتسمر فى مكانها للحظات.. ثم تخرج تماما من المصعد وتغلقه وتتقدم فى تردد نحو باب الشقة.. وتقف خارجه باحثة بنظرها عن أحدا تعرفه إلى أن تتلاقى نظراتها مع الخادمة التى تحمل صينية قهوة تقدمها للمعزيات.
الخادمة نجاة تنتهى من تقديم ما كانت تقدمه.. ثم تتجه نحو ريهام التى تحرك رأسها متسائلة.
نجاة: الحاج تعيشى إنتى.
ريهام: (مصدومة) إمتى؟
نجاة: إمبارح الضهر.
ريهام: الباقية ف حياتك.
نجاة: حياتك الباقية..
(بحسرة) الله يرحمه.. كان كريم معايا ومابيبخلش على أبدا..
ريهام تومئ برأسها مؤكدة على كلام نجاة.. وعلى وجهها علامات التحسر لأنها فدت جزء مهم من دخلها.
ريهام: مش معاكى لوحديك يا نجاة.
نجاة: (مؤكدة) حق..
(بتماسك) ياللا.. رينا يلطف بينا من بعده..
(تستطرد) ... اتفضلى.. الحاجة جوه.
تلقت نجاة نحو الداخل.. فتتبعها ريهام وهى تحاول مداراة حرجها لأنها الوحيدة التى لا ترتدى السواد.. بينما تتابعها المعزيات بنظراتهن الفضولية.
معزية ١: مين دى يا كوثر؟
معزية ٢: الله أعلم.. بس قادرة.. جاية ملونة..
معزية ١: جيل آخر زمن.
تصل ريهام إلى الحاجة الجالسة واضعة يدها على خدها فى حزن.. وتتمايل قليلا بكتفها مع تلاوة القرآن وهى تردد معه متممة.
ريهام: الباقية ف حياتك يا حاجة.
الحاجة تجيب فى زوتماتيكية من قال هذه الجملة مائة مرة فى يومين.
الحاجة: البقاء لله وحده..
ثم تشرد وكأنها لا تتعرف على من يعزيها.
الحاجة:.... أمر الله.
ريهام تشعر بأن الحاجة فى حالة تشبه الهذيان ولم تتعرف عليها.. فتتحرك رأسها تأكيدا على كلام الحاجة.. ثم تتركها وتتجه وتجلس -ووجهها فى الأرض- بقرب الباب لأداء واجب العزاء وسط فضول بعض المعزيات.
معزية ٣: مين دى يا وفاء؟
معزية ٤: مش عارفة.
تستمع ريهام بتأثر لتلاوة القرآن.. وتدرجيا تبدأ فى البكاء.. مما يلفت نظر المعزيات.
معزية ٥: مين دى يا إنجى؟
معزية ٦: ماعرفش والله يا طنط.
تنهار ريهام وتفسل فى السيطرة على بكائها.. مما يثير فضول المعزيات أكثر وأكثر.. فتزيد التمتمة بين المعزيات.
معزية ١: الظاهر إنها قريبتهم يا كوثر.. شوفى بتعيط إزاي؟
معزية ٢: ما داهية لا تكون بنته من واحدة تانية؟
معزية ١: يا شبيخة اتقى ربنا.. هو لحق يرتاح ف تربته.. قوام هتطلى إشاعة ع الراجل؟
معزية ٢: آمال بتعيط كده ليه؟
تتجه الخادمة نحو ريهام وترتب عليها وهى تعطيها مناديل.
نجاة: وحدي الله يا ريهام.
ريهام: لا إله إلا الله.
تأخذ ريهام المناديل من نجاة وتنظف بطريقة كوميدية.. بينما تتحنى جارتها المعزية ٥ على المعزية ٦.
معزية ٥: دى اسمها ريهام يا إنجى.. تعرفيها؟
معزية ٦: (بنفاذ صبر) والله ماعرفها يا طنط.
ما أن ينتهى المقرر من تلاوة الربع ويتوقف.. حتى تتماسك ريهام وتنفض منسحبة من العزاء فى هدوء.
معزية ٣: غريبة قوى البنت دى يا وفاء.. مين دى؟
معزية ٤: واحنا مالنا!
تتجه ريهام نحو المصعد وتطلبه.. ثم تنتظر -عبر باب الشقة- نحو المعزيات فى تذرر.. فتغير رأيها وتبدأ فى نزول السلم فى خطوات متثاقلة.
ص المقرر: المقرر يبدأ فى قراءة ربع ثان.
ريهام تنزل السلم ببطء (ستنزل أدوارا عديدة بما يتلائم مع طول المشهد التالى).
ص المقرر: الصوت يتلاشى تدريجيا -مع نزول ريهام السلم- إلى أن يختفى.

قطع

مشهد ٥٢a	كوافير ممدوح الكبير - الأوفيس - غرفة الإدارة	ن/د
----------	---	-----

نخترق المحل وقد امتلأ بعدد أكبر من الزبونات الجالسات من أجل خدمات مختلفة.
التليفزيون: قناة Live تعرض مادة تسجيلية لزيارة جمال مبارك للمنتخب في معسكر التدريب.
نصل إلى عادل ممسكا بمرآة تعكس لدام ألفت شعرها من الخلف بعد التصفيف.. بينما ممدوح يراقبه عن بعد في تحفز.
ألفت: تسلم إيدك يا عادل.
يبتسم عادل في فخر.
عادل: ميرسى يا فندم...
ثم يميل عليها ويهمس في أذنها وهو يعطيها خلسة كارتا صغيرا.
عادل: (هامسا).. على فكرة.. احنا هنفتح محل.. عايزينك تبقى زيونتنا.. وأول ثلاث مرات ببلاش... يعتدل عادل في وقفته.
عادل:.. حضرتك غالية علينا قوى.
تبتسم ألفت ابتسامة مجاملة.
ألفت: إن شاء الله.

خلفية عادل والزبونة
عاطف وفتحي وهشام (أصغر صبي) واقفون يتحدثون ليس ببعيد عن عادل.
عاطف: بيثبت رجله يا عم.. عامل نمرة وقال رايح يزور المنتخب...
فتحي: (بسخرية) علشان لو كسبنا يبقى بفضل تشجيعه وزيارته..
عاطف: نكسب حته واحدة.. يا عم قول حتى نتعادل.. ده ساحل العاج....
فتحي: (مؤكدًا) يعنى دوروجبة!!
هشام: (بحماس) نكسره!
فتحي: هي عاركة؟!
عاطف: هو بس الحضري يسد الشبكة.. (يغنى) وارقص.. يا حضري....
عاطف + فتحي: (يغنيان) أرقص.. يا حضري...
هشام: (بجدية) أيوه.. هو كده ببسمل.. ويبخر الشبكة... وإن شاء الله ماتدخلهاش ولا كورة!
عاطف: إنت أمك كودية والا إيه يا له؟..
فتحي: (ساخرا) تمام.. ونحط عمل تحت شبكتهم علشان تفتح للاجوان!!!
(لهشام) غور يا له.. روح ودي القهوة اللي بتطفحها للزباين.. والله لو شافوك بتعملها هيحرموا يطلبوا من وشك حاجة...
تنهض ألفت.. بينما يصل ممدوح خلف عادل الذي لم ينتبه لاقترابه.
ممدوح: (بجدة) عادل....
عادل ينتفض -على أثر الصوت الذي باغته- ويلتفت خلفه ليجد ممدوح.
ممدوح: ... عايزك.
ممدوح يلتفت متجها نحو غرفة الإدارة.. فيتبادل عادل مع فتحي نظرات متسائلة.. ثم يتبع ممدوح.

مشهد ٥٢b	أمام باب غرفة الإدارة	ن/د
----------	-----------------------	-----

ممدوح يدخل غرفة الإدارة ويتبعه عادل.
ممدوح: أقفل الباب وراك.
ممدوح يجلس.. بينما عادل يغلق الباب في وجه الكاميرا التي تظل خارج الغرفة.

قطع

مشهد ٥٢٨	كوافير ممدوح الكبير - الأوفيس - غرفة الإدارة	ن/د
----------	---	-----

نخترق المحل وقد امتلأ بعدد أكبر من الزبونات الجالسات من أجل خدمات مختلفة.
التليفزيون: قناة Live تعرض مادة تسجيلية لزيارة جمال مبارك للمنتخب في معسكر التدريب.
نصل إلى عادل ممسكا بمرآة تعكس لدام ألفت شعرها من الخلف بعد التصفيف.. بينما ممدوح يراقبه عن بعد في تحفز.
ألفت: تسلم إيدك يا عادل.
يبتسم عادل في فخر.
عادل: ميرسى يا فندم...
ثم يميل عليها ويهمس في أذنها وهو يعطيها خلسة كارتا صغيرا.
عادل: (هامسا).. على فكرة.. احنا هنفتح محل.. عايزينك تبقى زبونتنا.. وأول ثلاث مرات ببلاش... يعتدل عادل في وقفته.
عادل:.. حضرتك غالية علينا قوى.
تبتسم ألفت ابتسامة مجاملة.
ألفت: إن شاء الله.

خلفية عادل والزبونة
عاطف وفتحى وهشام (أصغر صبي) واقفون يتحدثون ليس ببعيد عن عادل.
عاطف: بيثبت رجله يا عم.. عامل نمرة وقال رايح يزور المنتخب...
فتحى: (بسخرية) علشان لو كسبنا يبقى بفضل تشجيعه وزيارته..
عاطف: نكسب حته واحدة.. يا عم قول حتى نتعادل.. ده ساحل العاج....
فتحى: (مؤكدًا) يعنى دوروجبة!!
هشام: (بحماس) نكسره!
فتحى: هت عاركة؟!
عاطف: هو بس الحضرى يسد الشبكة.. (يغنى) وارقص.. يا حضرى....
عاطف + فتحى: (يغنيان) أرقص.. يا حضرى...
هشام: (بجدية) أيوه.. هو كده بيسمل.. ويبخر الشبكة... وإن شاء الله ماتدخلهاش ولا كورة!
عاطف: إنت أمك كودية والا إيه يا له!..
فتحى: (ساخرا) تمام.. ونحط عمل تحت شبكتهم علشان تفتح للاجوان!!!
(لهشام) غور يا له.. روح ودى القهوة اللي بتطفحها للزباين.. والله لو شافوك بتعملها هيحرموا يطلبوا من وشك حاجة...
تنهض ألفت.. بينما يصل ممدوح خلف عادل الذى لم ينتبه لاقترابه.
ممدوح: (بجدة) عادل....
عادل ينتفض -على أثر الصوت الذى باغته- ويلتفت خلفه ليجد ممدوح.
ممدوح: ... عايزك.
ممدوح يلتفت متجها نحو غرفة الإدارة.. فيتبادل عادل مع فتحى نظرات متسائلة.. ثم يتبع ممدوح.

ممدوح يدخل غرفة الإدارة ويتبعه عادل.
ممدوح: اقفل الباب وراك.
ممدوح يجلس.. بينما عادل يغلق الباب فى وجه الكاميرا التى تظل خارج الغرفة.

قطع

مشهد ٥٢a	كوافير ممدوح الكبير - غرفة الإدارة	ن/د
----------	------------------------------------	-----

ممدوح يشير لعادل بصرامة لكي يجلس.

ممدوح: انت هتفتح محل؟

سؤال ممدوح يقع كالصاعقة على عادل الذي يرتبك ولكن يحاول مداراة هذا الارتباك بتصنع الدهشة.

عادل: محل؟ أنا؟

ممدوح من معرفته الجيدة لعادل يشعر بأنه «يلاوعه» فينظر له نظرة صارمة ومتحدية تزيد من توتر عادل.

عادل: محل إيه؟

ممدوح ينفعل على عادل بسبب أسلوبه الملتوى.

ممدوح: هيكون محل إيه؟ .. جزارة؟ .. هتفتح كوافير؟

عادل: كوافير مرة واحدة؟ .. يا ريت!!

ممدوح يضيق صدرا بعادل فيصرخ فيه لأنه يعرف أنه «مش هيبجي غير كده».

ممدوح: وله .. بقولك هتفتح محل؟

عادل: اشمعنة؟

ممدوح: انت هتخشلى قافية بروح أمك .. ما ترد على السؤال .. هتفتح محل كوافير؟

عادل: يا مستر ممدوح جيت منين بس الكلام ده؟

ممدوح: ملكش دعوة جبته منين...

عادل: مش أفهم؟

ممدوح: بلاش!! .. كنت بتوشوش مدام مرفت بتقولها إيه؟

عادل: ولا حاجة .. تلاقيها كانت بتتم كالعادة وأنا بسايرها .. مش فاكرك يعنى...

ممدوح: متأكد؟

عادل: أيوه متأكد.

ممدوح يحرك رأسه فى خيبة أمل بأداء «ماكنتش مصدق بس أهو حصل».

ممدوح: طب روح اندهلى مروة وعاطف.

عادل يتلجلج لأنه شعر أنه وقع فى المصيدة.

عادل: مروة وعاطف .. ليه؟ .. دخلهم إيه بالموضوع؟

ممدوح: (بحسم) روح نادلهم.

عادل يتجه نحو الباب ويفتحه .. فيجد الصبى هشام يمر أمام الباب فيستوقفه.

ص التلفزيون: عرض قناة Live لزيارة جمال مبارك للمنتخب فى معسكر التدريب مستمر.

عادل: (أمرا) هشام .. روح نادى عاطف ومروة .. مستر ممدوح عايزهم.

هشام: حاضر.

يرحل هشام باتجاه قلب المحل .. بينما يعود عادل ويجلس -تاركا الباب مفتوح- ويحاول التأثير على ممدوح.

عادل: أنا مش شايف لزمة إنك تحشر حد بيننا .. احنا عشرة عمر .. ليه تدخل ما بيننا عيال رمم زى دول؟

مع ذكر عادل لعاطف ومروة يظهران عند باب الغرفة .. ويتبادلا نظرات تحدى مع عادل ولكن ممدوح يقطع هذه النظرات

فيأمرهما بالدخول.

ممدوح: ادخلوا ..

(لمروة) اقفلى الباب وراكى....

مروة تغلق الباب ثم تتقدم وتقف بجوار عاطف الذى يوجه له ممدوح الحديث بحسم على أمل أن يوقعه فى شر أعماله لأنه

من داخله لا يريد أن يصدق ذلك عن عادل ومستعد لقلب الدفة فى أى لحظة إذا شعر أن عاطف ظلم عادل.

ممدوح: قوللى اللى جيت قولتهولى من شوية.

عاطف ينظر بتحدى لعادل المتوتر بشدة.

مشهد ٥٢b	خارج باب غرفة الإدارة	ن/د
----------	-----------------------	-----

فتحى واقفا مستندا على برواز باب الغرفة متصنعا أنه يشرب سيجارة .. لكنه فى الحقيقة يتصنت باهتمام على ما يدور بالداخل .. وعلى وجهه علامات توتر لا نفهم هل هى تعاطف مع عادل أم شماتة فيه.

ص عاطف: (بتشفى) قلتك إن عادل هيفتح محل لحسابه .. وإنه بيدي للزباين كروت محله ده....
ص مروة: (بسخرية) وقال إيه؟.. أول تلت مرات ببلاش...

مشهد ٥٢٢	غرفة الإدارة	ن/د
----------	--------------	-----

ممدوح يشير بيده على عاطف.
ممدوح: (لعادل) إيه رأيك بقى فى الكلام ده؟
عادل ينهض ملوحا فى وجه عاطف بأداء «خدوهم بالصوت» فى محاولة أخيرة لإنقاذ موقفه.
عادل (بعصبية) كلام إيه؟.. ده عامل نمرة.. مفيش كلام من ده خالص.. تلاقيه غيران منى علشان الزباين بتطلبنى بالاسم...
عاطف ينظر لممدوح فى مسكنة بأداء «أنا؟».. بينما ممدوح يشيح له بأداء «خليك إنت على جنب دلوقتى».. ثم يلتفت لعادل.
ممدوح: طب هو وغيران منك.. مروة بقى إيه مصلحتها؟
عادل: (ساخرا بخبث) ما هى الحطة بتاعته!
عاطف يبدو عليه الغضب من أسلوب عادل فى الحديث عن مروة لكنه يكتم غضبه بأداء «استنى على».. بينما ممدوح ينظر لعادل وعلى وجهه إمارات أنه لا يصدقه.. فيواصل عادل ليمحى الشكوك عن نفسه.
عادل: طب بلاش؟.. حد م الزباين جه قالك إنى قتلته إنى هفتح محل وعايظه يبقى زبونى؟
مروة تتدخل بجملة اعتراضية تكرر فيها كلام عادل لمدام مرفت لكى تضعف موقفه أمام ممدوح.
مروة: (مقلدة عادل) حضرتك غالية علينا قوى!!
ممدوح يجيب على سؤال عادل غير مباليا بجملة مروة.
ممدوح: (متحديا) آه!
عادل: (منفعلا كرد فعل دفاعي) لا بقى.. إنتوا عاملين على رباطية!
ممدوح: أنا هعمل عليك إنت رباطية؟.. وبعدين يعنى هما الزباين كمان غيرانين منك؟
عادل لا يجيب وقد وضع فى مزلق.
ممدوح: يا أهبل دول زباينى من سنين.. فاكرك إنك بسهولة كده تقولهم تعالوا يقوموا يروحولك.. عشان إيه؟.. عشان سحر مكوتك؟.. ده أنا بكرة أعمل عشرة من عينتك.. إوعى تكون فاكرك إنك بقيت أسطى بجد.. إنت أسطى علشان بتشتغل عندى.. والستات دى كلها بتتق فىك عشان أنا بثق فىك.. ولو رحت فتحت محل محدش منهم هيجيلك.. كان غيرك أخطر!
عادل: (بندية) ليه؟.. هو انت مش كنت صبى.. وبعدين بقيت أسطى.. وبعدين بقالك محل؟.. زعلان ليه إن يبقالى محل أنا كمان؟
ممدوح: ما تفتح محل ولا حتى مول.. أنا مالى.. إنما زباينك تعملهم بشطارتك.. مش تسرق زباين الأسطى بتاعك يا تفة!
عادل: أنا ماسرقتش زباين حد....
ممدوح: (بتحدى) ومدام ألفت.. ومدام مرفت؟
عادل لا ينتبه لجملة ممدوح ويستمر فى دفاعه ملقيا بالاتهامات على مروة.
عادل: (مشيرا برأسه نحو مروة وعاطف) ... هما تلاقيهم عرفوا موضوع المحل ده.. راحوا مدخلين ده ف ده وعاملين فيلمهم الخايب ده عشان يزحلقونى.
ممدوح: (بانفعال مفاجئ) ما تتشد بقى.. بقولك مدام ألفت ومدام مرفت قالولى إنك قلتهم ع المحل!
عادل يسقط فى يده فيصمت فى وجوم بينما ممدوح يعلق -دون توجيه الكلام لعادل- وكأنه يفكر بصوت عال.
ممدوح: (بقرف) وسخ زى أمك!
عادل يوجعه ذكر أمه فينفعل على ممدوح فيزيد الطين بلة.
عادل: ليه الغلط بقى؟.. إيش دخل أمى ف الموضوع؟
ممدوح: ما هى أصل العمائل الوسخة دى تشبه عمائل أمك؟.. إيدها طويلة.. ونجسة!!
عادل ينتفض واقفا وينقض على ممدوح الجالس.. بينما ممدوح يحاول النهوض والإمساك بعادل لإبعاده.. ومروة وعاطف قد ترجعا لطرف الغرفة يتابعان فى شماتة وشعور بالانتصار.
عادل: (مهيدا) كده بقى عوق!
ممدوح: بتقولى أنا عوق.. لما انت ذكر كده ما تلم أمك!!
قبضة عادل تفلت من يد ممدوح ويضربه بالبوكس فى وجهه.

قطع

مشهد ٥٤	سيارة سليم - ستوديو مصر (أو أى استوديو)	ن/خ
---------	---	-----

سيارة سليم تدخل ستوديو مصر.. وتسير وسط العمال الذين يتحركون بين البلاطوهات حاملين إضاءة وبانوهات واكسسوارات إلى عربات أو مخازن.

ص: أجواء الاستوديو.

رانيا داخل السيارة تمسح أسفل عينيها بمنديل -وهى تنظر فى مرآة صغيرة- لتمحى آثار الكحل الذى ساح من بكائها. السيارة تتوقف أمام أحد البلاطوهات.. فتتماسك رانيا وتنزل متصنعة الثقة.

رانيا تتجه نحو باب البلاطوه.. وتدخل لتصبح «سيلويت» بسبب اختلاف درجة الإضاءة بين خارج البلاطوه وداخله. ص: أغنية رانيا بلاى باك من داخل البلاطوه (أغنية لها علاقة بالفوز فى المباراة).

قطع

مشهد ٥٥	بالاتوه باستوديو مصر	ن/د
---------	----------------------	-----

من وجهة نظر رانيا ندخل البالاتوه.. حيث معالم المكان لا تكون واضحة فى البداية بسبب اختلاف الإضاءة بين الخارج والداخل.

ص: الأغنية بلاى باك من مصدر عام.

ص: أجواء البالاتوه.

تتضح تدريجيا معالم المكان.. فنكتشف أن البالاتوه به ديكور له علاقة بالكرة.. من الممكن أن يكون ملعب كرة قدم مصغر.. به شبكتين ومدرجات وأرضية مرسومة وتغلب عليه ألوان علم مصر.

فى طرف البالاتوه -بجوار كاميرا السينما والمونيتور- المخرج سليم (منتصف الأربعينيات.. وسيم.. يبدو من ملابسه وطريقة كلامه أنه ابن ناس حتى ولو كان قليل الأدب).. وبجواره مساعد المخرج ممسكا بالـ story board المرسومة للقطات.. جالسان وأمامهما laptop على شاشته برنامج مونتاج به لقطة ثابتة لرانيا.. وسليم يشير إلى المساعد على لقطتين (إحدهما لقطة مرسومة للقطعة الموجودة على الـ laptop).

سليم:.... ده وده.. ماعجبونيش فى المونتاج....

المساعد: OK

رانيا تصل إلى سليم وتجبر نفسها على الابتسام فى وجهه.

رانيا: أنا جيت!

سليم: (بفتور) أهلا بالنجمة..

(بغلاسة) إن شالله تكونى انبسطتى فى البرنامج؟

رانيا تشيح بوجهها ولا تجيب.. بينما العاملين يتابع بعضهم الموقف فى فضول.. بينما يتحرك البعض الآخر ويدعى الانشغال لرفع الحرج عن رانيا.

سليم: أنا مش بكلمك.. ما تردى على...

المساعد: (بحرج) عن إذنك.. هحضر أول الشوت.

سليم يشير له بعدم اكتر اثار بأداء «ماشى روح».. فينهض المساعد وينسحب.

سليم:.... ولا شاطرة بس تردى على المذيع.. مين كمان بيكسب من وراكى يا ست هانم؟.. سليم صالح؟

رانيا لا تجيب.

سليم: (بعصبية) إنتى إيه؟.. اتخرستى؟.. أشوف واحدة تانية تغنى بدالك؟

رانيا تحاول أن تتحكم فى انفعالاتها خوفا من سليم.

رانيا: كنت عايزنى أعمل إيه.. أتشتم وأسكت؟

سليم: لأ.. م الأول ما تسيبهمش يبهدلوكى!

رانيا: ما أنا ف الأول رديت ع الواد ده قتلته إنى مغنية مش مطربة زى ما انت قلتلى.. لكن بتاع إياك ده كنت أعمله إيه؟

سليم: تمشى.. تقومى ع الهوا وتمشى!.. عشان تحرجيهم.. مش تقعدى تحكيهم قصة حياتك.. ده إنتى كان فاضل

تعيطيلهم!!!

رانيا تشيح بوجهها وهى تحاول أن تمسك نفسها كى لا تبكى.

سليم: عموما اللى حصل حصل.. من هنا ورايح مفيش برامج ع الهوا لوحدهك...

سليم يشير لها بيده كأنه يهشها.

سليم: ياللا.. ادخلى البسى.. وتعالى.

رانيا: (بدهشة) ألبس إيه؟

سليم: (بعصبية) هتلبسى إيه يعنى؟.. فيه كام شوت مش عاجبنى هنعيدهم...

رانيا: دلوقتى؟

سليم: أيوه!

رانيا: بس أنا مش قادرة...

سليم ينظر إليها شذرا بأداء «أفندم؟».. فتستطرد مبررة لكسب تعاطفه.

رانيا: قصدى يعنى إن مودى وحش ومش مضبطة.. فمش هعرف!

سليم: (باستهتار) وانتى من إمتى بتعرفى أى حاجة.. اللى هقولك عليه هتعمله...

رانيا تكبت غضبها فى انكسار.. بينما سليم لا يبالي تماما ويواصل وكأنه لم يقل ما يغضب.

سليم: ياللا بسرعة عشان الأغنية هتتذاع بعد الماتش...

رانيا: (مندهشة) النهاردة؟!!

سليم: أيوه النهاردة!...
سليم يخبطها خبطة خفيفة على مؤخرتها .
سليم: (مازحا) ممكن بقى تحركيها وتروحي تلبسى.. عايز ألحق أحمض وأطبع عشان أسقط الشوتين دول.
رانيا تنتهز فرصة أنه بدأ يلين وتتحنى عليه متوددة محاولة إقناعه كأنها تقنع طفل.
رانيا: إنت مش منتجتها.. ما تديها لهم كده وخلاص.
سليم: (بحدة) إنتى هتعليمينى شغلى!؟ أجرى البسى عشان نلحق نبعت.
رانيا تشيح بيدها بانفاعل بأداء «يا شيخ روح كده».
رانيا: يعنى هو انتوا ضامين قوى إننا نكسب.. ما جايز نخسر.
سليم: مش مهم.. هما هيتلكوا بأى حجة.. وهيزيعوها برضه.
رانيا تدب قدميها على الأرض كالأطفال.. وتترجاه بصوت متهدج.
رانيا: يا سليم من فضلك.. بجد مش قادرة.
سليم ينظر لها فى حسم ليوضح لها أن الأمر منتهى ولا داعى للمحاولة.
سليم: (مؤكددا على الكلمات) قلت ياللا.

قطع

مشهد ٥٦	مكتب المحامى	ن/د
---------	--------------	-----

نيفين جالسة تبكى والمحامى المسيحى الكبير فى السن يربت على كتفها محاولا تهدئتها .
المحامى: اهدى بس يا نيفين.. هعملك كل اللى انتى عايزاه!!
نيفين تدفع يده عن كتفها وتتنظر إليه بعينين حمراوتين مليئتان بالدموع.. بما يجعلنا نظن لوهلة أنه زوجها .
نيفين: مش عايزة غير حاجة واحدة...
(مؤكد على الكلمات).. عايزة أطلق...
(صارخة).. طلقنى....
نيفين تعاود البكاء.. بينما المحامى يرمى فى يأس على الكرسي المواجه لها ويراقبها منتظرا أن تهدأ .
نيفين تنتهى من وصلة البكاء وتحاول السيطرة على نفسها لتتوقف عن البكاء وتمسح دموعها فى عصبية .
المحامى: يا بنتى إنتى بتكلمينى كأن فى حاجة فى إيدى وأنا ماعملتهاش....
نيفين ترمقه بشك بأداء «والله ماعرفش بقى»... فيومئى هو بدوره بأداء «لا حول الله» .
المحامى: بصى يا نيفين.. احنا لسه فى أول الطريق.. اصبرى.. الصبر مفتاح الفرج .
نيفين: (بانفعال) سنتين وتقولى أول الطريق.. آمال آخره إمتى؟!.. لما تدفنونى/...
(بأسى) ولا ليه؟!.. ما أنا مدفونة بالحيا!!
المحامى: حرام يا نيفين.. ماتقوليش كده.. إنتى كده بتصعبى على نفسك الأمور بدل ما تسهليها .
نيفين: (صارخة) أنا لا بسهل ولا بصعب.. أنا مفيش فى إيدى أى حاجة.. كله فى إيد البيه.. يتجوز.. يهجر.. يهج.. وأنا دلوقتى زى بيت الوقف.. لا عارفة أطلق ولا عارفة أتجوز...
(بحسرة).. بيت وقف!!
المحامى: (مهونا) ولا وقف ولا حاجة.. بكرة تطلقى وتتجوزى...
نيفين: (تقاطعه ساخرة) أتجوز؟!.. ده أنا بقالى سنتين عشان أوصل بس لحكم التطلاق...
(بيأس) مش بعيد لو اتطلقت الكنيسة ماترضاش تدينى موافقة إنى أتجوز تانى!
المحامى: ليه التشاؤم ده؟
نيفين: مش تشاؤم.. دى الحقيقة.. حضرتك قولتلى بعد ٢ سنين انفصال جسمانى من حقى أطلق؟!
أهو.. طلبت الطلاق من سنتين ولسه محلك سر...
المحامى: مش محلك سر ولا حاجة.. احنا ماشيين فى القضية.. وإن شاء الله هنوصل لحكم التطلاق.. وأول ما ناخده هنطلب موافقة جواز ونجوزك على طول.. ولو مارضيوش يا ستى ابقى اتجوزى مدنى.. إنتى يعنى فارق معاكى قوى تتجوزى جوه الكنيسة ولا براها؟...
(مازحا) حضرى إنتى بس العريس!!
نيفين تبسم له ابتسامة صفراء.. فيحاول التهوين عنها .
المحامى: هى بس مسألة وقت .
نيفين: وقت؟!.. لسه هتقولى وقت.. ده بقاله خمس سنين مسافر وماشفتوش فيهم ولا مرة .
المحامى: إنتى صحيح ماشفتيهوش بقالك خمس سنين.. لكن هو بيبجى مصر مرتين فى السنة عشان يثبت إن مفيش انفصال جسمانى ولا حاجة .
نيفين: (منزعجة) وعرفت إزاي؟!
المحامى: المحامى بتاعه قدم للمحكمة ورق من الجوازات بيثبت كده...
ثم يضيف بأداء «ورينى شطارتك» .
المحامى:.... اثبتى إنتى بقى إنك ماشفتيهوش لما جه مصر .
نيفين: وأنا أثبت إزاي؟
المحامى: بالظبط.. هى دى المشكلة.. واضح إنه مش عايزكوا تتطلقوا .
نيفين: (بأسى) طبعاً.. وهو يعوز نتطلق ليه؟!.. مش بعيد يكون اتجوز كندية.. وخلف كمان .
لحظة صمت تستطرد نيفين دعهها وكأنها «لقت التايهة» .
نيفين: طب أغير الملة؟
المحامى: ممكن يغيرها وراكى .
نيفين: طب أسلم .
المحامى: ممكن برضه يسلم وراكى.. وساعتها بقى إنشالله تنفصلوا جسمانيا ثلاثين سنة مش ثلاثة .
نيفين: مش حقيقى.. فى حاجة اسمها خلع.. هخلع نفسى .

المحامي يمسك أذنه اليسرى بيده اليمنى مازحا.
المحامي: ودنك منين يا جحا؟
لحظة صمت يفكر فيها المحامي ثم يستطرد مترددا.
المحامي: هو فيه حل تانى..
(بتردد) بس risky شوية.
نيفين: risky risky .. أنا مستعدة أعمل أى حاجة عشان أخلص.
المحامي: تعملى عملية .. ونقول إنك لسه آنسة.
نيفين: (مندهشة) نعم؟!
المحامي يحرك كتفيه بأداء «أدى الله وأدى حكمته».
المحامي: (مؤكد) أيوه...
نيفين ترمقه فى ريبة .. بينما يستطرد هو، وهو يرسم رسما توضيحيا على ورقة بيضاء أمامه.
المحامي: بصى يا نيفين .. خليكى معايا .. دلوقتى احنا مانقدرش نطلب حكم تطليق غير لسبب من ثلاثة....
إما بسبب استحكام النفور .. وبالتالي انفصال جسمانى أكثر من ٣ سنين...
وده احنا جربناه .. ورجع هو قدم إثبات دخوله مصر...
أو بسبب الزنا...
.. ودى مانقدرش نثبتها عليه واحنا هنا وهو ف كندا...
(بزهو) أو .. لبطلان الزواج...
يعنى إن الجواز محصلش من أصله .. وإن حضرتك لسه آنسة لعيب فى الزوج.
نيفين: طب ما هو يقدر يقدم شهادة إنه سليم.
المحامي: واحنا كمان هنقدم شهادة إنك لسه آنسة بعد ٥ سنين جواز.
نيفين: بس ده غش!!!
المحامي: طب ما هو كمان بيغش وبيقول إن مفيش انفصال جسمانى بينكوا...
(يستطرد) والغاية تبرر الوسيلة...
نيفين: (منفعلة) يعنى يا أبقى غشاشة .. يا يتحكم على أعيش بالمنظر ده؟! .. يرضى مين ده؟.. ده ظلم...
(بصوت متهدج) هو أنا طالبة كتير؟.. كتير إن يبقى عندى حياة طبيعية زى باقيت الناس؟!...
تنهار نيفين فى البكاء فينهض المحامي ويتجه إليها ويربت على كتفها مواسيا .. فترفع بصرها إليه وتستطرد.
نيفين: (باكية) نفسى أخلف .. لو ماخلفتش دلوقتى هخلف إمتى بس؟.. هو أنا مش من حقى أبقى أم؟!.. كتير علىّ إنى أبقى أم؟!

قطع

مشهد ٥٧	التقاطع - أمام الكوافير	ن/خ
---------	-------------------------	-----

الجو العام للمشاهد درامى بعض الشيء.. وكأنه slow motion حتى وإن لم يكن فعليا هكذا.. وكأنها لحظة خارج العالم والزمن الحقيقي.. لكننا نعود للحياة العادية مع رحيل السيارة فى نهاية المشهد وعودة الأصوات إلى طبيعتها.

بعض العاملين -من ضمنهم عاطف- ممسكين بعادل يضربونه ويركلونه وهم يخرجونه بالقوة من باب المحل وسط مقاومته الشديدة.. والبعض الآخر -من ضمنهم فتحى- ممسكين بممدوح المندفع خلف عادل ويثبتونه فى باب المحل محاولين تهدئته.. ومن خلفهم فى المدخل مروة والعاملات «تشب» على أطراف الأصابع للفرجة على الشجار فى فضول نسائى رهيب.

ص: موسيقى عنيفة.

تمر سيارة شرطة «أتارى» من أمام الكوافير.. فينظر من بها من أمنا شرطة نحو الشجار بنظرات نارية.. وتتلاقى نظراتهم مع بعض العاملين بالمحل.. فنظن أنهم سيتوقفون وينزلون يسحبون الجميع إلى القسم.. لكنهم يواصلون طريقهم غير مباليين على الإطلاق بالشجار المقام تقريبا فى عرض الشارع.

ص: سارينة عربية الأتارى.

نبتعد عن الشجار تدريجيا وكأن الكاميرا هى وجهة نظر من فى سيارة الشرطة المبتعدة إذا نظروا للخلف.

ص: دخول موسيقى أغنية رانيا من المشهد التالى.

قطع

مشهد ٥٨	بلا توه تصوير باستوديو مصر	ن/د
---------	----------------------------	-----

سليم المخرج واقفا يتمايل بطريقة غريبة مليئة بالميوعة على أنغام الأغنية وبصره موجه أمامه وكأنه يرقص لأحد .
ص: أغنية رانيا بلاى باك (أغنية عن مصر ولكن أداء رانيا الساخن يصنع مفارقة بين الكلمات والتصوير).
نكتشف أن سليم واقفا فى مواجهة رانيا -وسط الديكور- يؤدى لها صوت وصورة الحركات التى عليها تأديتها .. وهى تقلده بأوتوماتيكية ولكن «من غير نفس».
سليم: ... يغنى .. حسى المزيكا .. يغنى .. افردى وشك .. المفروض إننا كسبنا الماتش .. يغنى ..
رانيا «تفرد وشها» وكأنها ضغطت على زر .. لتغير تعبيراتها إلى تعبيرات شديدة الإغراء وهى تتمايل مع سليم.
سليم: ... يغنى .. أكثر .. يغنى
بعض العاملين يتغامزون ويتلمزون على أدائها الساخن حيث الرجال أعينهم ستخرج عليها والنساء تبدو عليهن الغيرة.
شابة (لأخرى): هى نفخته ولا إيه ...
ثم تنظر نحو صدرها مقارنة.
عامل إضاءة (لنفسه): أستغفر الله العظيم يا رب .. هتروح النار حدف.
ثم يتابع «الفرجة» فى شبق وكأنه ليس الرجل الذى كان يستغفر لتوه.
سليم لازال يوجه رانيا.
سليم: (صارخا) ... أكثر ...
رانيا تبالغ فى أدائها المايح فينفجر فيها سليم.
سليم: ... مش كده .. إيه .. أنت فى كباريه؟
ثم يخطو نحوها فى عصبية ويمسكها بقوة محركا أجزاء جسدها كما يريد أن تفعل وهى مستسلمة له تماما وكأنها معتادة على سلوكه، بينما العاملين يبدو عليهم الإحراج من أسلوبه اللفظي معها، فيدير بعضهم وجهه ويبتعد البعض الآخر.
سليم: ... كده .. سيبى نفسك للمزيكا .. ما انتى بترقصى زى الجن .. إيه اللى جراك؟ ...!
رانيا تترك جسدها مستسلمة ليديه يوجهه إلى أن يرضى عن أدائها.
سليم: ... أيوه كده!!
يترك سليم رانيا ويلتفت متجها نحو المونيتور.
سليم: (للمساعد) let's shoot.
يبدأ مساعد المخرج فى توجيه العاملين بصوت عال .. بينما مهندس الصوت يوقف الأغنية البلاى باك.
المساعد: (للجميع) هنصور ...
يتخذ العاملون مواقعهم.
المساعد: (لعمال الإضاءة) ... نُور ...
إضاءة التصوير تضاء.
المساعد: (للمصور) ... دور ...
المصور: داير ...
المساعد: (لمهندس الصوت) ... باى باك ...
مهندس الصوت يشغل الأغنية بلاى باك .. فيشير سليم لرانيا التى تبدأ فى الغناء بلاى باك وهى تؤدى مثلما وجهها سليم بالحرف.
رانيا: صوت رانيا الصادر من أغنية البلاى باك.

قطع

مشهد ٥٩a	فوتومونتاج: وكالة البلح	ن/خ-د
----------	-------------------------	-------

تتوقف ريهام أمام أحد المحلات.. وتتفحص الملابس المعلقة على رصيف الشارع.. إلى أن يقع اختيارها على «دريل» أحمر اللون.. فتتجه به إلى داخل المحل.
فى المحل نرى ظل ريهام تجرب الدريل خلف الستارة التى تغلق غرفة القياس والتى لا تخفى الكثير.
تخرج ريهام من المحل حاملة كيس مشترواتها.

مشهد ٥٩b	فوتومونتاج: محل ساعات فاخر	ن/د
----------	----------------------------	-----

تشير نيفين إلى البائع على عدة ساعات فى الفترينة الداخلية.. فيخرجها ويرصها أمامها.
تتفحص نيفين الساعات الواحدة تلو الأخرى، إلى أن يستقر رزينا على إحداها.
يضع البائع الساعة فى علبة فاخرة.. بينما تدفع نيفين بالفيزا كارد.

مشهد ٥٩c	فوتومونتاج: شارع جانبى بالمهندسين	ن/خ
----------	-----------------------------------	-----

شريف داخل سيارته يتابع شاب (أوائل العشرينيات) يخرج من إحدى العمارات حاملا لفافة.
يتجه الشاب نحو شباك سيارة شريف ويعطيه لفافة.. بينما يعطيه شريف مبلغا من المال.
يرحل الشاب.. بينما ينحنى شريف إلى الأمام ويفتح لفافة بين ساقيه.. فإذا بها زجاجة خمر.
يملا شريف البطحة من الزجاجة.. ثم يأخذ رشفة من البطحة.

مشهد ٥٩d	فوتومونتاج: محل ملابس رياضية - سبورتنج مول شارع شهاب	ن/د
----------	--	-----

على مرتديا ملابس جديدة (تى شيرت عليه علم مصر ورقم ميدو أو حسام حسن وبنطلون وحذاء رياضى) وممسكا بكرة قدم.. واقفا أمام الكاشير المائل بنصف جسده العلوى عبر كاونتر الدفع ليأخذ بار كود الملابس التى ارتداها على بعلامة الأسعار.. بينما عامل وضع المشتروات فى الأكياس يضع ملابس على القديمة فى كيس وعلى وجهه علامات التعجب من أن على بهيئته الفقيرة اشترى كل هذا.
يدفع على النقود بأداء واثق.. ثم يأخذ الكيس ويسهى العامل ويضع فى الكيس عراقة معصم كانت لزبون آخر واقف غير منتبه.. ثم يتجه نحو باب المحل ممسكا بالكرة فى يد وبكيس ملابس القديمة فى اليد الأخرى.

مشهد ٥٩e	فوتومونتاج: كشك سجنائى القرب من تقاطع الجراج	ن/خ
----------	--	-----

رجب يشترى ٤ علب ورق بفرة.. ويبدو أنه على معرفة بصاحب الكشك.

مشهد ٥٩f	فوتومونتاج: محل فول وطعمية	ن/د
----------	----------------------------	-----

تزج هدى بنفسها وسط حشد من الرجال لتستلم السندويشات.. ولا تبالى على الإطلاق باحتكاكهم بكل مناطق جسدها.
تصل أخيرا إلى حسن وتعطيه الكوبون.. ثم تنتظر وعلى وجهها علامات الرضا من احتكاكها بالرجال.

ن/خ	فوتومونتاج: كشك سجاثر بالقرب من تقاطع الجراج	مشهد ٥٩g
-----	--	----------

عادل يشتري سجاثر فرط.. ويبدو أنه على معرفة بصاحب الكشك.

ن/د	فوتومونتاج: بلاتوه تصوير باستوديو مصر	مشهد ٥٩h
-----	---------------------------------------	----------

مجموعة لقطات قريبة لوجه رانيا وهي تؤدي بتعبيرات مغرية لا تتناسب على الإطلاق مع كونها تغني لمصر وللفوز المنتخب القومى فى مباراة كرة قدم..
 رانيا: صوت رانيا الصادر من أغنية البلى باك + صوتها الحقيقى الذى يبدو أضعف كثيرا من صوت البلى باك الذى خضع إلى التكنولوجيا.
 تنتهى رانيا من الغناء.. وينتهى الفوتومونتاج بصياح سليم.
 ص سليم: and stop.

قطع

ن/خ	شارع واسع فى ميت عقبة	مشهد ٦٠
-----	-----------------------	---------

بجوار على عدد من الأعلام والكرة الجديدة التى اشتراها وكيس المحل به ملابس قديمة.. والكثير من الألوان.. أكثر مما يحتاجه تلوين وجوه أصدقائه الخمسة المنتمين مثله إلى الشارع.

وجه على مرسوم عليه علم مصر

ص: أجواء الشارع.

نكتشف أن على -بملابسه الجديدة- يرسم على مصر على وجه منصور الواقف «مش على بعضه».

على: أثبت ياه.. وشك هيتشلفط...

منصور يصرخ بعنف مهددا.. فنظن أنه يهدد على.

منصور: ما تثبت ياد بدل ما أثبتك أنا.

نكتشف أن خلف منصور طابور من ٤ أولاد هم السبب فى أن منصور «مش على بعضه» لأنهم ينتظرون دورهم وهم يتبادلون السب ولاضرب كطريقة للمزاح.. مما يهز منصور.

مينا: (أصغره سنا) زنا عايز علم الأرجنتين....

على: ما عنديش غير علم مصر...

مرتضى: مصر مصر.. بس خلصنا....

على: مش عاجبك يا روح أمك روحها!

منصور: رنت هتتمريس علينا عشان اللونين العمى دول.

على: لا يا معفن... عشان اللونين وعشان القهوة الللى حجزت فيها من مالى الحى!!

مينا: (بتناكة) كراسى ولا أرضى؟

على: أرضى يا عين أمك.

أيمن: (مازحا) وليه مش كراسى؟

على: عايز كراسى شغلل جيبك يا خويا... ده أنا دفعت اتناشر جنيه يا رمم.

مرتضى: إنت باينك كده عامل عملة وهنتشد كلنا بسببك...

أيمن: صحيح.. وله.. جبت الهدوم دى منين؟

مينا: والأعلام؟

منصور: والكرة؟

شادى: والألوان؟

منصور: سلكتهم منين ياه؟

على: سلكتهم إيه يا أهطل منك له.. اشتريتهم.. هعمل بيسنس...

شادى: (صارخا بسخرية) بيسنس....

الأطفال: ضحك.

مزج

مزج صوت الضحك من هذا المشهد مع صراخ اللعب من المشهد التالى

قطع

مشهد ٦١	شارع واسع في ميت عقبة	ن/خ
---------	-----------------------	-----

الحالة العامة للمشهد بها تشويق وتأكيد على تساؤل «هل سيري كل من رجب وعلى الآخر أم لا».. وذلك للربط بينهما بالرغم من أننا حتى الآن لا نعرف هل تربطهما صلة ما أم لا .

شارع واسع به ساحة أو ما شابه ليسمح بلعب الكرة في أحد جوانبه، مع الحفاظ على عدم رؤية رجب وعلى لبعضهما البعض.. ولدخول عربة البوكس وحدوث الهرج والمرج.. وإعطاء فرصة لكل من رجب وعلى للركض ثم التلاقى .

على وزصدقائه -بوجوههم الملونة- يلعبون مع فريق آخر تقسيمة كرة قدم بكرة على.. والذي يوجه أصدقائه للعب وكأنه مدرب فريق.. كما ينظر من حين لآخر نحو أغراضه -المركونة على رصيف في خلفية المباراة- ليتأكد من وجودها .

على + الأطفال: (وفقا لسير المباراة) ارتجال -يغلب عليه السب والتهديد- لتوجيهات على ولردود أفعال كل من أصدقائه والفريق الآخر .

رجب يسير باتجاه المباراة دون أن يلحظ هو أو على أحدهما الآخر .

على ينظر نحو أغراضه ثم يعاود التركيز في اللعب .

أثناء انشغال على باللعب يمر رجب بالأغراض ويواصل سيره .

ما أن يتجاوز رجب أغراض على.. حتى يعاود على النظر نحوها للاطمئنان .

رجب يدخل عمارة على نفس الرصيف.. ولكن بعيدا بعض الشيء عن أغراض على .

قطع

مشهد ٦٢a	سلم عمارة ون	ن/د
----------	--------------	-----

عمارة متواضعة جدا فى أحد المناطق الشعبية الموجودة فى قلب الأحياء الراقية منطقة الحيتية أو ميت عقبة فى قلب المهندسين.

رجب يصعد فى حذر سلم العمارة الضيق.. وينظر إلى أسفل فى بيرها من حين إلى آخر ليتأكد من أن لا أحد يتبعه.. إلى أن يصل إلى الدور الأخير.. لكنه يواصل إلى السطح عن طريق سلم معدنى يصل إلى فتحة مربعة.

مشهد ٦٢b	سطح عمارة ون	ن/خ
----------	--------------	-----

السطح به عشش فراخ.. وغية لتطير الحمام.. وغرفة بابها مصنوع من ألواح خشبية مجمعة بينها فتحات.. وحجرة أسمنتية مربعة ضيقة -حمام بلدى- تغطيه ستارة بدلا من الباب.

رجب يخرج من الفتحة المؤدية إلى السطح فى صعوبة بسبب سنه.. ثم يتجه إلى الغرفة ويتوقف أمام بابها وهو يصفق بكفيه -كبدل للجرس أو الطرق على الباب- وينتظر وهو يتلفت حوله فى قلق.

لا أحد يفتح فينحنى رجب ويضع عينه على إحدى فتحات الباب محاولا رؤية إذا ما كان يوجد أحد بالداخل أم لا.. بينما فى خلفيته يخرج ون (أواثل الثلاثينيات -حشاش وبييع الحشيش- ولكنه ليس حشاش السينما التقليدى ثقيل اللسان الذى يتطوح أثناء سيره -بل شاب عادى- وإن كانت طريقة كلامه هى الحادة والتى تميز شخصيته) من خلف ستارة الحمام يقترب من رجب -وهو يعدل ملابسه- ويباغته.

ون: إزيك يا عم رجب.

رجب ينتفض ويلتفت خلفه مفزوعا نحو ون وينظر له معاتبا.

رجب: صرخة.. يخرب بيتك يا ون.. عايز تقطع على الخلف؟!

يدفع باب الغرفة بقدمه ويدخلها ويتبعه رجب.

ون: (ساخرا) ليه؟.. هو ماكنش لسه اتقطع؟

مشهد ٦٢c	غرفة ون	ن/د
----------	---------	-----

الغرفة متواضعة للغاية وتكاد تكون فارغة.. لها شباك على الشارع.. وفى أحد الأركان سبت به ثوم شبه فارغ من كثرة ركنته. ون يتجه إلى الشباك ويمد يده خارجه ويأتى بحزمة ثوم.. بينما رجب يقف بجوار الشباك ينظر منه من حين لآخر.

رجب: فشر.. الدهن ف العتاقى يا خيخة.

ون: كام عملة يا عتاقى؟

رجب: قرشين.

ون: مرة واحدة؟!

رجب: لزوم الونونة.. النهاردة يوم مفترح.

ون: ليه؟.. دخلتك؟

رجب: لز.. خرجتك على إيدى يا خفيف!!!

ون: حلاوتك!!

رجب: (مهددا) ون.. اخلص.

ون يقطع ثومة من الحزمة.. وبكل تركيز يفك من جذرها خيط صغير ملصوم به قرش الحشيش الملفوف فى سلوفان أو ورق لونه متماهى مع الثوم.

رجب: ياد مش خايف أمك تيجى مرة م البلد.. وتروح عاملالك فتة ولا ملوخية بالتقلية.. ساعتها هتشرب التموين وتقل مزاجنا.

ون يقذف بالثمرة التى قطعها فى القفة بأداء من يصوب كرة سلة.

ون: ماتخفش.. إن كان على أمى.. توم التقلية أهو ملقح أهو.. إنشالله تسفه سف!.. المشكلة فى المقاطيع...

ينظر رجب -كرد فعل تلقائى- من الشباك متوترا.

رجب: (جملة اعتراضية) اللهم ما احفظنا!!

من وجهة نظر رجب نرى من الشباك شلة على يلعبون كرة فى الشارع.. لكن رجب لا ينتبه لوجود على بينهم.

ص ون: كل يوم والتانى ينطوا علينا يلبشونا.. بس على مين.. مايبلاقوش غير توم!!!

قطع

مشهد ٦٣	عمارة ون وحوارى ميت عقبة	ن/خ
---------	--------------------------	-----

مباراة على وأصدقائه مستمرة.
على + الأطفال: (وفقا لسير المباراة) ارتجال - يغلب عليه السب والتهديد - لتوجيهات على ولردود أفعال كل من أصدقائه والفريق الآخر.
من بعيد نلمح بوكس شرطة يدخل الشارع بصعوبة شديدة بسبب الناس الذين يجرون فى هلع من حوله فى اتجاهات مختلفة مسببين حالة هرج تعطل تقدمه.
أيمن - صديق على - تستوقفه عن اللعب حالة الفوضى من حولهم.. فيدخل أحد لاعبي الفريق الآخر ويخطف منه الكرة.
مرتضى: سبتله الكرة ليه يا معفن؟
على: خش عليه.. خش عليه.. إكيس...
سائق البوكس يضيق ذرعا من تعطيل الناس لتقدمه فيضغط على السارينة بهستيرية.
ص: السارينة.
أحد لاعبي الفريق الآخر ينتبه إلى سارينة البوكس.. فيصرخ فى الآخرين وهو يجرى.
ولد: كبسة يا له.. إخفى...
أولاد الفريق الآخرى جرون كل منهم فى اتجاه.. ويكاد فريق على أن يفعل بالمثل.. إلا أن على - الذى يأخذ الكرة المتروكة على الأرض - ينتبه فجأة لأغراضه فيصرخ فى أصدقائه.
على: السبوبة يا له...
فيعاودون جميعا أدراجهم ويرجون نحو الأغراض المكونة على الرصيف.. ثم يخطف كل منهم أحد الأغراض.. بينما على المسك بالكرة يؤكد عليهم نقطة الالتقاء.
على: عند الإعلان...
ثم يركض على وأصدقائه كل منهم فى اتجاه.
رجب «مش على باله» يضع قدمه خارج باب العمارة - وهو يحسس بنشوة على جيب البنطلون الذى وضع به قرشين الحشيش - بالتزامن مع مرور سيدة تسير فى دلال.. فيلتفت متابعا أردافها بنظره.
ما أن يصبح رجب خارج باب العمارة حتى يتوقف البوكس أمامه.. وينزل منه ضابط وعساكر يقتحمون العمارة.
رجب - ما أن يرى البوليس - يركض فى اتجاه أغراض على.. بالرغم من أن البوليس لا يركض خلفه ولا خلف غيره.. بل اقتحم عمارة ون فقط ليس إلا.
على حاملا أحد أغراضه يجرى بالاتجاه الذى يأتى منه رجب.
رجب وعلى يصطدمان ببعضهما البعض فى وسط الفوضى.. فيتوقفا للحظة يتبادلان فيها النظر فى ذهول.. ثم ينتبها للموقف.
رجب ينقض على على محاولا الإمساك بتلابيبه.. لكن على يقفز خطوة إلى الخلف فى خفة ليفلت من قبضة رجب.
رجب: (صارخا) يا بن الحرامية!!!
على: (متوترا) دول سلف.
رجب: (منفعلا) سلف يا بن الكلب.. طب ولبس المنتخب القومى ده جبته منين يا روح أمك!!!...
رجب يلتفت خلفه بتلقائية مناديا العسكرى الواقف بجوار البوكس.. ناسيا أنه هو شخصيا يحمل حشيش.
رجب: ... يا حكومة.. الواد ده مقلبنى!!!
على ينتهز التفات رجب خلفه ويلف راکضا فى الاتجاه الذى جاء منه.. بينما يدرك رجب حماقته بالنداء على العسكرى فينفذ يديه بأداء «يه!! إيه اللى بهبه ده!!».. ويجرى - لمسافة قصيرة - خلف على الذى يختفى فى أحد المنعطفات.
يتوقف رجب - وقد أوشك على السقوط من الإعياء - وينحن بظهره إلى الأمام سائدا كفيه على ركبتيه ليأخذ أنفاسه.
رجب: (لاهثا) يا بن الحرامية!!!

قطع

مشهد ٦٤	حارة بحى شعبى من الأحياء المحيطة بالمهندسين - محل خردوات	ن/د-خ
---------	---	-------

جو الحارة العام يعكس حالة الاستعدادات لمباراة اليوم.. أعلام معلقة بين أعمدة الإنارة والشرفات وأمام المحلات الصغيرة متنوعة النشاطات.. وعلى عربة الكبدة والمخ الموجودة أمام مقهى الحارة.. الخلفية مرتبطة بمحل الخردوات وبالمقهى.. فتكون واضحة عندما تدور الأحداث أمام أحدهما.. وتقل وضوحا مع بعدنا عنهما.

خلفية المشهد

تليفزيون المقهى.. وتليفزيون صغير جدا موضوع على رف محل الخردوات.. يعرضان مادة تسجيلية على قناة غير قناة LIVE.

التليفزيون: فوتومونتاج لأجوال أحرزتها مصر أو صدتها فى مباريات لعبتها حتى تأهلت إلى النهائى لدخول كأس العالم.. مع ردود أفعال جمهور الاستاد.. ردود أفعال المدربين والفريق الفنى.. ردود أفعال المنتخب القومى (عصام الحضرى يرقص فوق عارضة الجول).. ردود أفعال الفرق المنافسة.. ومن مضمون التعليق نفهم أن هذه الأجوال هى التى أحرزناها على مدار المباريات المؤهلة لدخول كأس العالم.

المشهد الأساسى

صبيان المقهى يرتبان الكراسى بشكل يسمح لجميع الجالسين بمشاهدة التليفزيون.

صبى ١: أيوه كده.. لأ.. ضم شوية عشان المكان يكفى...

صبى ٢: هيحطوا رجليهم فين؟!

صبى ١: يحطوها مطرح مايحطوها.. احنا مالنا.

يظهر معلم المقهى.

المعلم: بالهوادة على كراسى الفراشة ياد منك له.. لو كرسى اتلخلخ هلخلخ عضمكوا.

صبى ٢: تمام يا معلم.

يتجه المعلم نحو عربة الكبدة والمخ الموضوعة أمام المقهى.. بينما صبى ١ يحرك أحد الكراسى برفق ساخرا من المعلم.

صبى ١: آخر هوادة.

المعلم: حد فيكوا يروح يشوف الواد مخ فين.

صبى ١: ينتهز الفرصة كى «يكت».. فيجربى قبل أن يدرك صبى ٢ الموقف.

صبى ١: حمامة!

المعلم: (مناديا) قوله يضاعف التموين.. وخليه يزود المخ!

يهر صبى المقهى راكضا من أمام محل الخردوات.. فتتركه ونظله مع ثلاثة شبان (منتصف العشرينيات) مجتمعين أمام المحل (مساحته صغيرة جدا لا تستوعب أكثر من صاحبه ويبيع مستلزمات موبايلات وشرايط كاسيت وهدايا وأدوات مكتبية) يشاهدون التليفزيون ويلقون على ما يرونه ويضعون رهانا على نتيجة المباراة.

شاب ١: ... لأ.. أنا أراهن إننا هنلبسلنا بالميت جونين!

شاب ٢: إيه الفال اللي زى وشك ده.. أنا بقول هنتعادل.. ونلعب على ضربات الجزاء!

شاب ٣: ضربات جزاء ضربات جزاء.. أى حاجة.. بس ندخل كاس العالم بقى.

شاب ٢: بركاتك يا حسام يا حسن.. دخلنا كاس العالم زى ما دخلتهولنا فى ٩٢.. قادر يا كريم!

شاب ١: علق رهانك منك له.. عشرة جنيه خسرانين!

شاب ٣: عشرين جنيه واحد صفرا!

شاب ١: مين؟

شاب ٢: لينا طبعاً.

شاب ٢: عشرة جنيه هنكسب فى ضربات الجزاء..

ريهام حاملة كيس نايلون من أكياس محلات الملابس المتواضعة -تدخل الحارة بخطوات كالعسكري لافتة نظر أحد الشباب..

فينبه الشباب الآخرين.

شاب ١: وله.. وله!!

الشباب يتحركون ما يفعلونه.. ويتراصون فى صف على باب المحل منتظرين -فى تحفز من سيعاكس- مرور ريهام من أمامهم.

أثناء سير ريهام تتقاطع مع سيدة فى منتصف العمر تنظر لها باحتقار وهى «تمصمص شفايفها» محسبنة.

ريهام تلحظ تصرفات جميع من يرونها فتتظر فى الأرض وتسرع من خطاها.

ريهام تمر من أمام شلة الشباب الذين يراقبونها ساخرين حتى تدخل مدخل أحد العمارات.

شاب ١: تقولش عسكرى ماشى!

شاب ٢: ما هى سابت الليونة للقنبلة....

شاب ٣: عشان الميزان مايطبش!

ما أنت تختفى ريهام داخل مدخل العمارة حتى يقع الشبان من الضحك.

الشباب: ضحك.

قطع

مشهد ٦٥	صاله منزل ريهام	ن/د
---------	-----------------	-----

ريهام - حاملة كيس ملابس من وكالة البلح - تضع المفتاح فى باب الشقة وتدفعه لتجد رانيا جالسة مع الأم على كنبه فى مواجهة الباب.. يظهر على وجه ريهام الاستياء.. وتستدير لتغلق الباب فى ضيق شديد.

تتقدم ريهام نحو رانيا والأم - أمامها رزمة نقود على المنضدة - دون أن تخاطبهما.. وتعبّرهما لتدخل غرفتها إلا أن الأم تستوقفها.

الأم: واخدة ف وشك كده ليه؟! ما تمسى!

ريهام تنظر إلى رانيا باحتقار.

ريهام: ما بمسيش!

الأم: هو إيه أصله ده؟!

رانيا تحاول تلطيف الجو فتداعب ريهام.

رانيا: مش هتبطلى شرا م الوكالة بقى؟!.. روحى بواقى التصدير.. هدومهم أحل (أحلى)...

ريهام تقاطع رانيا بجدة وهى ترمى بالكيس جانباً فى تحفز بأداء «اللّه ما طولك يا روح».

ريهام: إنتى إيه اللى جايك؟!

الأم تتدخل محاولة تهدئة الجو بين الأختين.

الأم: أختك كتر خيرها جايبة الشهرية!

ريهام: (صارخة فى الأم) كتر خيرها؟! كتر خيرها على إيه؟! ع المعونة اللى بتيجى ترميها لنا كل أول شهر... (لرانيا) متشكرين قوى يا ست رانيا.. كتر ألف خيرك.. بس فلوسك دى مابقلهاش أى لازمة بعد ما فضحتنا وجرستينا فى الحتة...

الأم: بالراحة بس عليها يا ريهام.. ما أنا قتلتها تاخذنا معاها.. والبنية ماتأخرتش!

ريهام: لأ.. اتأخرت.. اتأخرت قوى.. لحد ما بقى اللى يسوى واللى ميسواش يتقرز علينا ف الراحه والجاية...

رانيا: أعمل إيه بس؟! ما المنتج معيشنى مع بنت تانية ف شقة قد الحق.. وأول ما يجيلى فلوس هأجر شقة عشان نعيش كلنا ف حتة تانية أنصف من دى....

ريهام: المشكلة مش ف نضافة الحتة يا ختى.. المشكلة ف نضافتك إنتى.. أى حتة هنروحها هنبقى ملطشة.. وسيرتنا هتبقى على كل لسان بسبب عمايلك.

رانيا: عمايلى.. عمايلى.. مالها عمايلى؟! ما أنا بعمل كده عشان نطلع م المزيلة اللى احنا فيها دى.

ريهام: (باحتقار) إنتى اللى بقيتى مزيلة.

تنهض رانيا فى عصبية لتقف فى مواجهة ريهام وكأن المناقشة ستتطور لاشتباك بالأيدى.. بينما تنهض الأم فى لامبالاة وسلبية متساءة مما وصل إليه الموقف.. وتدخل غرفتها وتغلق الباب على نفسها.. تاركة ريهام ورانيا تواصلان الشجار وكأن هذا هو المعتاد.

رانيا: ما تلمى نفسك.. إنتى فاكرة نفسك خضرة الشريفة؟

ريهام: على الأقل مش بطلع عريانة فى التلفزيون عشان أهيج الرجالة!!

قطع

مشهد ٦٦	غرفة التلفزيون - غرفة جلوس نيفين	ن/د
---------	----------------------------------	-----

على مدار المشهد «تحوم» الكلبة حول شريف ونيفين.. كما يرن موبایل شريف بإصرار من حين لآخر دون أن يجيب عليه.
الموبایل: رنة كريم.
فى غرفة التلفزيون شريف جالسا على الكنبه ويبدو عليه التوتر ونيفين جالسة بجواره محتضنة كتفيه فى حنان محاولة التخفيف عنه.
نيفين:.. رُوّق بقى يا شيرى!!
شريف يدفع بذراع نيفين عن كتفيه.
شريف: وحياتك يا نيفين سيبينى ف حالى.
نيفين تحاول محايلته كالأطفال.
نيفين: (بحماس) طب تيجى نروح الماتش.
شريف: (بتهمك) ماتش إيه بس اللى هنروحه من غير تذاكر ده؟! إنتى فاكراه ف النادي؟!
نيفين تدرك سذاجتها.. فتحاول مداراة «كبستها» بأن تشير نحو موبایل شريف الذى لم يكف عن الرنين.
نيفين: طب مش هترد؟
شريف: (بحدة) مش هتزفت.
نيفين: جايز حاجة مهمة.. ده مابطلش رن!!
شريف: (منفعلا) يوه بقى يا نيفين.. هو انتى ماتعرفيش تسببيني ف حالى شوية أبدا؟!...
ينهض شريف ويخرج من الغرفة -تتبعه نيفين- حتى يصل إلى غرفة الجلوس ويجلسان فيها.
شريف: أنزل يعنى عشان تترتاحي؟!
نيفين: لأ خلاص.. هسيبك ف حالك.. أنا بس صعبان علىّ زعلك ده.. ماحبش أشوف حبيبي زعلان كده.
شريف: بلا حبيبك بلا زفت!!
نيفين: (مداعبة) ماتقولش عليك زفت!!.. حسين زفت.. إنما إنت قمر!
شريف: (كأنه يحدث نفسه) حسين زفت.. وأنا زفت.. وانتى زفت.. كله زفت!!
نيفين: الله؟! وأنا مالى أنا.. إنت هتقلب علىّ أنا كمان؟!
شريف: ما أنا من ساعة ما دخلت بقولك سببيني ف حالى وانتى اللى عمالة تلتى وتعجنى.
نيفين: ما أنا مش فاهمة إنت عامل ف نفسك كده ليه.. ده مجرد تحقيق.. وأكيد هينزل على فشوش!
شريف: إنتى مش فاهمة حاجة.. لما واحد زى ده يعمل معايا كده يبقى خلاص.. بقيت ملطشة لكل من هب ودب.
نيفين: إيه اللى بتقوله ده يا baby؟!.. مفيش حاجة اسمها كده.
شريف: لأ فى.. بكره كل المجالات هتتشر خبر المذيع المشهور اللى اتحول للتحقيق.. ومادام حصل تحقيق مرة يبقى خلاص..
لزقت فىّ إنى بتاع مشاكل.. وعشان إيه.. واحدة لا راحت ولا جت!
نيفين: ما هو يا شيرى برضه محدش يضحك الضحك اللى إنت ضحكته ده وهى ببتهزق كده.
شريف: إنتى كمان هتدافعى عنها.
نيفين: أنا؟!.. أنا همدافع عن دى؟!.. لأ طبعا.. مليش دعوة بيها خالص.. أنا بتكلم عليك إنت.. ليه سبت نفسك تعمل كده؟
شريف يشيح بيده فى وجه نيفين بنفاذ صبر.
شريف: أنا عارف بقى يا نيفين؟!.. آهو اللى حصل...
نيفين تنظر له نظرة عتاب.
نيفين: إنت كنت شارب؟!
شريف: (ثائرا) شارب شارب؟.. إنتى فاكراى إيه؟!.. خامورجى؟
تشعر نيفين بأن الموقف سينقلب عليها.. فتتدارك.
نيفين: خلاص.. SORRY.. مش قصدى!!
تسود لحظة صمت.. تنهض بعدها نيفين وتتجه نحو حقيبتها وتخرج منها علبة الساعة.. ثم تعود وتجلس بجوار شريف وتداعب ياقة قميصه محاولة تلطيف الجو.
نيفين: طب أنا جبلك حاجة هتعجبك.
يرمقها شريف بنظرة حادة بأداء «وهو ده وقته».. لكنها تتجاهل نظرته وتفتح العلبة وترى الساعة.
نيفين: بص...
يثور شريف وينهض مطيحا بالساعة جانبا وهو يصرخ فى وجه نيفين.
شريف: مين اللى قالك إنى عايز ساعة..

تدافع نيفين عن نفسها وقد أسقط في يدها .
نيفين: (برعب) إنت مش قلت إن ساعتك أستيكيها اتقطع ..
شريف: هو أنا ماعرفش أفتح بقى ف البيت ده .. ساعتى أستيكيها اتقطع هبقى أغيره .. هبقى أشتري ساعة .. مين اللى قالك
إن ذوقك هيعجبني .
نيفين: ما أنا طول عمرى بشتريك حاجتك وبتعجبك .
شريف: مش حقيقى .. مش معنى إنى مش برضى أكسفك إن كل هداياكى بتعجبني .. من حقى ساعات أشتري حاجتى
بنفسى ..
نيفين: (ببراءة) طب ما تشتري يا شيرى .
شريف: هو أنتى بتدينى فرصة؟ .. هشتري كام ساعة؟ .. مية؟ .. أنا زهقت من طريقتك دى .. اتخنقت ..
تحاول نيفين امتصاص غضب شريف .
نيفين: خلاص .. مش هشتري حاجة تانى .
يدرك شريف بأنه تمادى فى الصراخ فى وجه نيفين .. فتسود لحظة صمت يشعل فيها شريف سيجارة محاولة تمالك نفسه .
ثم يتدارك وقد شعر بالذنب لأنها لم تقابله صراخا بصراخ .. بل تحاول امتصاص غضبه .. فيحدثها وهو فى طريقه إلى
غرفة التليفزيون وهى تتبعه .
شريف: نيفين .. وحياتك روحى شوفيلك حاجة تعملها .. انزلى روحى الجيم!
نيفين ترتبك وتتوتر وكأنها «عاملة عملة» .
نيفين: إيه .. مش هينفع أروح الجيم!
شريف يشير برأسه نحو الكلبة .
شريف: (ساخرا) ليه عندك البيريود زى كلبتك؟
نيفين «تخبطه» بكفها برفق معاتبة .
نيفين: إخص عليك ...
ثم تلتفت نحو الكلبة وتحدثها من بعيد ..
نيفين: ماتزعلش يا نونى .. هو بس موده وحش النهاردة .
ثم تلتفت لشريف مضيفة .
نيفين: لأ .. مش هينفع أروح الجيم تانى لفترة!

قطع

مشهد ٦٧	غرفة نوم هدى	ن/د
---------	--------------	-----

أثاث الغرفة هو أشيك شئ فى المنزل لأنها كانت فى يوم من الأيام غرفة جهاز عروسة (دولاب كبير وتسريحة وشفونية و٢ كومودينو وسرير).
عادل فى حالة هياج يفتح درف الدولاب درفة تلو الأخرى.. يخرج كل محتوياتها من ملابس أو بياضات.. ينفذها باحثاً عن شئ قد يكون عالقا بها.. ثم يرمى بها على الأرض.
يأس عادل من الدولاب بعد أن يكون قد أنزل كل محتوياته على الأرض.. فيسير على ملابس هدى نحو الشفونية.. ويبدأ فى إخراج جميع محتويات أدراجها ودرفها باحثاً ثم ملقياً بها على الأرض.
يأس عادل من الشفونية فيتجه إلى الكومودينو هين ثم إلى التسريحة ويقلب محتويات أدراجهم على السرير.
يصل عادل إلى آخر درج فى التسريحة.. والذي لا يفتح.. فيجذبه بعنف لكنه لا يفتح.
يركض عادل خارجاً من باب الغرفة -المقلوبة رأساً على عقب- تاركا الكاميرا تلف فى حركة دائرية لتلقى نظرة على الدرف المفتوحة والأدراج الملقاة هنا وهناك وعلى أغراض هدى «المنظورة» على الأرض وعلى السرير (علب مستحضرات تجميل أصلية وفارغة / ملابس داخلية «شفتشى» / أدوات تجميل وتصفيف شعر ومانيكير وباديكير / ملابس منزل / ملابس خروج / طرح حجاب / بياضات / وغيرها من التفاصيل).
عندما تكمل الكاميرا لفتها وتعود إلى باب الغرفة.. نجد هدى واقفة بالباب تلطم صدرها مصدومة.
هدى: (صارخة) يا نصيبتي...
تلقى هدى بحقيبة يدها على السرير.. وتتقدم فى الغرفة بخطوات تحرص على تفادى السير على أغراضها التى ملأت الأرض.
هدى: (بذهول).. إيه ده!!
تفريق هدى من ذهولها على عادل -فى يده مفك- يرتطم بكتفها بقوة آتيا من خلفها.. ويتعدها راكضاً نحو التسريحة.. ثم يبدأ فى محاولة كسر قفل الدرج بعنف شديد.
هدى -المصدومة لوهلة- تدرك ما يحدث فتتقض على عادل من ظهره محاولة إيقافه.
هدى: بتعمل إيه يا بن الكلب!!.. سيب الدرج يا حرامى يا وسخ.. يخرب بيتك!!
عادل يدفع هدى عنه بقوة فتسقط على الأرض.. ويرتطم ظهرها بقوة بأحد قطع الأثاث.
هدى: آى.. الله يهدك يا شيخ!

قطع

مشهد ٦٨	صاله منزل ريهام	ن/د
---------	-----------------	-----

رانيا وريهام واقفتان متواجهتان تستكملان الشجار.. وكل منهما تشيح بيديها فى وجه الأخرى فى عنف كبديل نساتى للتشابك بالأيدى.

رانيا: عمايلى عمايلى.. عمايلى دى هى اللى فاتحة البيت ده...

ريهام: إنتى هتزلينا بالألف جنيه العمى بتوعك دول...

رانيا: قولى كده بقى.. إنتى مستقلة الألف جنيه.. مش حكاة إنه يفرق معاكى بكسبهم إزاي.. لمعلوماتك بقى الألف جنيه دول نص اللى بكسبه بالظبط...

(تستطرد) بدل ما كل شهر تسميلى بدنى.. شاركى ف مصروف البيت.. ما انتى بتشتغلى زى زيك.

ريهام: بس ماتقوليش زى زيك...

رانيا: لأ زى زيك وأحسن منك كمان.. على الأقل فاكراكم وشايلة عنكم.. إنما انتى كل فلوسك بتصرفيها على نفسك.. قوللى مرة واحدة دفعتى فيها مليم ف البيت ده...

رانيا تشير على كيس الملابس الملقى به جانبا.

رانيا: شاطرة بس كل يوم والتانى راجعة شارية هدموم ولا إيشاربات...

ريهام: هو اللى يحل لك يتحرم على.. ما انتى بتلبسى.. بصالى فى شوية الهلاهيل اللى بستلقطهم..

رانيا: (بهدهوء) لعلك بقى.. شوية الهدوم اللى مخليينك غيرانة منى دول مش بتوعى.. دول لزوم الشغل.. ويوم ما هبطل شغل.. هرجعلكم تانى بالهلاهيل اللى كنت بستلقطهم زيك.. فمفيش حاجة يعنى تستاهل إنك تغيرى عليها.

ريهام: (بتهكم) أغير؟.. هغير منك على إيه؟.. أنا لو كنت عايزة زى زيك كنت بقيت.. تفكرى يعنى إنى ماعرفش أعمل الحبطين بتوعك دول؟

رانيا: لأ طبعاً تعرفى.. بس انتى غيرانة عشان ماتقدريش تعملهم.. اوعى تكونى فاكرة إنك هتضحكى على بالإشارب اللى انتى لابساه ده.. إنتى ممكن تضحكى على نفسك وماتعرفيش تضحكى على.. أنا عارفة إنك طول عمرك بتغيرى منى.. لكن مش ذنبى.. دى خلقة ربنا.

ريهام: (باحترار) أنا هغير من واحدة برخصة زيك!.. ياكش تكونى فاكرة إن المسخرة بتاعتك دى اسمها غنا.. مخلية واحد يصرف عليكى وقال إيه عاملالى فنانة.. ممكن تفهمينى بيصرف عليكى مقابل إيه؟

رانيا: (بتحدى مكسور) مقابل الحاجة الوحيدة اللى بعرف أعملها...

تحاول رانيا السيطرة على نفسها كى لا تبكى.

رانيا: (بصوت متهدج) كنتى عايزانى أعمل إيه؟.. أساعدكوا وأساعد نفسى إزاي؟.. اوعى تكونى فاكرة إن أنا مبسوفة.. اللى بيصرف على ده بياخد قدام الألفين جنيه بتوعه حقه تالت ومثلت.. بس على الأقل كده واحد بس اللى بيصرف على.. مش أحسن من لما أروح مع كل من هب ودب؟

تتماسك رانيا.. وتبدأ فى جمع حقيبتها وقد حسمت أمرها بعدم الاستسلام لهجوم ريهام.

رانيا: (بحسم) بصى يا ريهام.. أنا عملت اللى كنت فاكرة إنه أحسن حاجة ليننا كلنا...

جايز ماطلعش أحسن ولا زفت.. بس على الأقل حاولت...

حاولى إنتى بقى بطريقتك.. ولو لقيتى طريقة أحسن.. ابقى قوللى عليها...

رانيا تمسك برزمة الألف جنيه وتدفع بها فى صدر ريهام.. التى تلتقطها بيدها سريعا كى لا تسقط..

رانيا: بس طالما بتأخذوا منى فلوس وعايزننى أساعدكم.. فمحدث يحاسبنى.

تتجه رانيا نحو باب الشقة دون انتظار رد.. ثم تخرج وتصفع الباب خلفها تاركة ريهام فى ذهول.

قطع

مشهد ٦٨	صالة منزل ريهام	ن/د
---------	-----------------	-----

مشهد ٦٩

غرفة نوم هدى

ن/د

الدرج -الذى كان يحاول عادل فتحه -مكسور ومحتوياته مبعثرة بداخله وحوله (أكسسوارات رخيصة - مفكرة....).

هدى لازالت جالسة فى مكانها حيث سقطت.. وعادل منحنيا عليها ممسكا بتلابيبها ويهزها فى عنف.

هدى:.... يا واد اتهد بقى.. هتبقى إنت والزباين على!!

عادل: شايلة الفلوس فين؟.. انطقى!!

هدى: قلتك مش شايلة حاجة.. آخر ١٥٠ جنيه كانوا معايا قلبتهم منى زبونة.. ربنا ياخذها!!

عادل يترك تلابيب هدى.. ثم ينقض على حقيبة يدها الملقاة على السرير ويقلب محتوياتها -من ضمنها موبايل- على

السرير ويبحث بينها عن أى نقود.. فلا يجد سوى بعض الفكة.

عادل: زبونة إيه دى اللى قلبتك.. ده إنتى تقبلى بلد.. فين الفلوس؟

هدى: قلتك معيش زفت.. إنت مش فتشت الشنطة.. وجبت الأوضة عاليها واطيها.. وكسرت الدرج اليتيم اللى كان ليه

مفتاح.. لقيت حاجة؟.. مالقيتش!!.. لأن ما حلتيش حاجة!!

يجوم عادل فى الغرفة باحثا بنظره ويديه بين الأغراض المبعثرة هنا وهناك دون أني تورع عن دهنس أى شىء يمر فوقه من

الأغراض المبعثرة على الأرض.

عادل: أمال كل الشغل اللى انتى نازلة طالعة عليه ده إيه.. وزباينك اللى بتعملى عليهم شغل.. فلوسهم راحت فين؟

هدى: راحت ع البيت يا روح أمك.. هو انت مش واكل شارب نايم ببلاش.. ولا تكونش بتصرف ع البيت وأنا مش دريانة.

عادل: إنتى هتزلىنى؟

تتحامل هدى على نفسها وتتهض.

هدى: لا أزلك ولا تزلىنى.. بدل ما تتشطر على.. اعملك منظر وحط مرة مليم فى البيت ده.. هو مش بيتك زى ما هو بيتى

ولا أنا اللى مكتوب على الشقى طول العمر؟.. أنا تعب.. مش قادرة.. بهدلة برقة البيت وبهدلة جوة البيت.. ساعدنى

شوية.. شيل عنى شوية.. إنت مش عاملى فيها راجل؟.. شغل جيبك شوية.. بدل ما جاي تسرقنى؟

عادل: أنا مش بسرقتك.. ده حقى.. أنا عايز نصيبى ف الفلوس اللى أبويا سابها.

هدى: فلوس إيه يا بو فلوس؟.. فلوس أبوك دى اتبعزأت على مدرستك.

عادل: مدرسة إيه؟.. إنتى هتشتغلىلى؟.. ده إنتى مسرحتانى م المدرسة من خامسة ابتدائى.

هدى: أعملك إيه.. فلوس أبوك خلصت عليك إنت يا بعيد ؟؟؟؟؟ برضع طاطورة؟

عادل: هو أنا يعنى راضعها من برة!!.. ما كله منك!!

(لنفسه) كان زمانى دلوقتى معايا شهادة وبشتغل شغلانة محترمة!!

هدى: إنت يا واد بتسرح بى ولا بنفسك؟.. هما اللى خدوا شهادات فى الحتة دى عملوا بيها إيه؟.. علقوها ع الحيطه

ونزلوا يسرحوا ف الشوارع.. ع الأقل إنت ف إيدك صنعة.. وبكرة بدل ما تبقى صبى.. هتفتح محل وتبقى أسطى..

(تستطرد) قصره!!.. عايز إيه؟.. عامل الغاغة دى كلها ليه؟

عادل: عايز فلوس!

هدى: ما دى أنا فهمتها!!.. عايزها ليه يعنى؟

عادل: عشان المحل.. محتاجين فلوس عشان نقفل المحل ونبتدى شغل.

هدى: طب ما تاخذ من ممدوح تحت الحساب.

عادل: ممدوح طردنى!

هدى: يا خبيبتك الثقيلة.. طردك ليه؟.. قفشك بتقلب المحل ولا إيه؟

عادل: لأ.. قفش نجاستك وعابرني بيها!!

هدى تنقض على عادل وتلطش فيه.

هدى: نجاستى يا وسخ يا بن الكلب.. أنا ماخلفتش راجل...

(مولولة) أنا خلفت كلب.. كلب ونجس.. أنا ماخلفتش راجل...

عادل يدفع هدى بعيدا عنه.

عادل: أنا راجل غصب عنك!!

هدى: الراجل مش بالكلام يا واطى.. الراجل هو اللى بيدافع عن نسوانه...

(بحسرة) لكن أنا ماليش راجل يدافع عنى...

(بأسى) جاى تقولى نجاسة!!.. مش كفاية اللي استحملته عشان أربيك وأعمل مكن راجل....
 (بتحدى) عارف النجاسة تبقى إيه؟.. لما ترجع من شغلك تلاقى راجل غريب ف البيت...
 عادل: (يقاطعها بحدة) ده أنا كنت قطعك!!
 هدى: (صارخة) عمرك شفت ولا حتى شميت ريحة راجل حظ رجله ف البيت ده؟.. بتحاسبنى على إيه؟... على أبوك
 الكركوب اللي مات وأنا ف عز شبابى وسابنا لإخواته ينهشوا فينا.. الحق علىّ إنى ماتجوزتش بعده حد يحس بى ويشيل
 عنى بدل الهم اللي أنا فيه ده.. ع العموم احنا فيها.. أول واحد هيخبط على بابى هفتجهوله.. عشان يبقى للبيت ده راجل!!
 عادل: لو راجل غيرى دخل البيت ده هقطع وهقطعك.. فاهمة؟
 هدى: راجل غيرك؟.. ليه؟.. تكونش فاكرك نفسك راجل بجديا عرة الرجالة.. الراجل هو اللي بيفتح بيته.. والبيت ده أنا
 اللي فاتحاه وبصرف عليه وعليك وانت شحط كده طول بعرض.. يبقى أنا راجل البيت ده!
 عادل: إنتى فاكركه إنى مش هعرف ألك ولا إيه؟
 هدى تلمح رانيا تسير فى الحارة منكسرة عبر نافذة الحجرة المفتوحة.
 هدى: تلم إيه قبر يملك!!...
 تقرر هدى بخبث «قلب التراييزة» على عادل بالضغط على الوتر الحساس لديه.. فتشير له نحو النافذة لتلفت نظره لrania.
 هدى: (بتهمك مستفز) بدل ما تتمرجل علىّ.. روح لم حبيبة القلب اللي دايرة على حل شعرها!!!
 ينظر عادل من النافذة ليرى ما تشير نحوه هدى.. فيصاب بإحباط عند رؤية رانيا.
 ص: موبايل هدى يرن.
 هدى تدفع عادل بيدها بعيدا عنها ليفسح لها مكانا لتبتعد عن النافذة.. وتتجه نحو موبايلها الملقى على السرير.
 هدى: يا شيخ غور كده بلا قرف!!!
 تجيب هدى على الموبايل.
 هدى: آلو...
 أهلا يا مدام رشا....
 يخرج عادل من الغرفة غاضبا ومتحفزا.. فتتبعه هدى حتى باب الغرفة فى قلق.. ثم تتبعه بنظرها يفتح باب الشقة خارجا
 ويغلقه خلفه فى عنف.
 هدى.. دلوقتي؟....
 لا أبدا.. عيني حاضر...
 ... لا.. مسافة السكة على طول...
 ... لا.. حضرتك تأمرينى...
 تنهى هدى المكالمة وهى لازالت «متسمة» على باب الغرفة.
 هدى: مع السلامة.
 ثم تلتفت إلى داخل الغرفة وتلقى بالموبايل على السرير فى يأس.

قطع

مشهد ٧٠	غرفة التلفزيون بمنزل نيفين	ن/د
---------	----------------------------	-----

على مدار المشهد «تحوم» الكلبة فى الغرفة.. كما يرن موبايل شريف بإصرار من حين لآخر دون أن يجيب عليه.
الموبايل: رنة كريم.
شريف تأثرا واقف فى منتصف الغرفة.. بينما نيفين -«مخضوضة» منه- جالسة على الكنبه تراقبه فى فزع يتحول تدريجيا إلى بكاء ثم إلى انهيار فى نهاية المشهد.
شريف: (صارخا) مين اللى قالك إنى عايز أخلف؟
نيفين: وليه ماتخلفش؟
شريف: كده.. أنا حر!!
نيفين: (بصوت متهدج) طب وأنا نفسى فى البيبي ده.. دى آخر فرصة لى...
شريف: آخر فرصة ف إيه؟
نيفين: إنه يبقى عندي بيبي...
(بحسم) أنا عايزة البيبي ده وهخليه.
شريف: لااااا.. إنتى أكيد اتجنتى.. البيبي ده يعنى قضية زنا.. يعنى تتسجنى.. إنتى.. والبيبي...
(مؤكد) هتتجسسى...
نيفين: ما هو الحبس أرحم من اللى أنا فيه ده!
شريف: وياه بقى اللى إنتى فيه؟.. مالك؟.. ناقصك إيه؟
نيفين: ناقصنى يبقى عندي أولاد.. بقى عندي ٤٣ سنة ولسه ماعنديش أولاد.. هجيبهم إمتى؟.. من حقى بقى أخلف.
شريف: وأنا من حقى أختار عايز أخلف ولا لا.. وأنا مش عايز أخلف.. فاهمة....
نيفين: ليه؟
شريف يتمالك أعصابه ويجلس محاولا إفهامها ملقيا باللوم على القوانين كى يتملص هو من مسؤوليته.
شريف: (بهدهوء) ليه إيه بس يا نيفين؟.. إنتى متجوزة راجل تانى.. تقدرى تقولى لما تخلفى هتكتبى البيبي ده باسم مين؟
نيفين: مايهمنىش يتكتب باسم مين!!
شريف: الكلام ده تقولىهولى أنا.. إنما شهادة الميلاد.. هتكتبى فيها إيه؟
نيفين: هتكتب فيها إيه يعنى إيه.. إنت أبوه.. هيتكتب باسمك.
شريف: باسمى إزاي.. إنتى فاكدة نفسك ف أوروبا.. البيبي ده هيتكتب باسم جوزك حتى ولو ماكنش أبوه.
نيفين تنظر نحو موبايل شريف الذى يرن بإصرار.
نيفين: (صارخة) ماتقفل الزفت ده بقى!!
ثم تعود للموضوع.
نيفين: يعنى إيه يتكتب باسم مجدى؟
شريف: يعنى هوه كده.. ده القانون!!
نيفين: (باكية) لكن أنا متأكدة إنه المحكمة لما هتعرف إنى حامل من واحد تانى هتطلقنى.. وساعتها ممكن نتجوز.
شريف وقد نفذ صبره بعد فشل محاولته يقف صارخا.
شريف: ومين قالك إنى عايز أتجوز.
نيفين تصدم وتسأله مبهوته والدموع تنهمر من عينيها.
نيفين: (ببراءة) مش عايز تتجوزنى؟
شريف: (منفعلا) لا.. مش عايز أتجوز خالص...
(يستطرد ساخرا) ماينفعش أتجوز أصلا.. أتجوزك إزاي.. عشان تصرفى على.
نيفين تفقد السيطرة على نفسها وتخرج منها الكلمات كالطلقات.
نيفين: وياه الجديد ف كده؟.. ما أنا بقالى سنتين بصرف.
شريف يجدجها بنظرة حادة فتدرك أنها «عكت الدنيا».. فتتدارك محاولة تصليح الأمور.
نيفين: مش قصدى.. قصدى فى المشكلة.. ما احنا عايشين كده بقالنا سنتين.. وعمرنا ماتكلمنا ف موضوع الفلوس ده..
مفيش فرق ما بيننا!
شريف يلمح لوضعهما بدون زواج.
شريف: ده عشان عايشين كده..
(يستطرد) لكن يوم ما أتجوز.. لازم أفتح بيت اللى هتجوزها.. مش أخليها هى اللى تفتحلى بيت!
نيفين: يعنى إيه؟

شريف: يعنى أنا ظروفى المادية ماتسمحليش إنى أتحمل مسؤولية جواز وبيت وعيال!!
 نيفين: (منفجرة) لأ .. ظروفك تسمح قوى .. لكن إنت اللى بتصرف كل فلوسك ع الهباب ده (مشيرة على زجاجات الخمر).
 شريف: (بحدة) أنا حر .. ماحدش له عندى حاجة .. أصرف فلوسى بالطريقة اللى تعجبني مادام ماعنديش مسؤوليات.
 نيفين: قول بقى إنك كنت مستحلى عيشتك معايا عشان مفيهاش أى مسؤوليات .. ودلوقتى لما دخلنا ف الجد عايز تخلع.
 شريف: أخلع من إيه؟ .. هو أنا وعدتك بحاجة .. أنا لا عمرى جبت سيرة جواز ولا خلفه ولا أى حاجة م الحاجات دى.
 نيفين: (متحدية) طب الوضع اتخير .. وأنا دلوقتى حامل .. وهتطلق .. ولازم نتجوز!!
 شريف: وأنا مايلزمنيش أى حاجة م الحاجات دى .. لا الحمل ولا الجواز .. ولا يهمنى أصلا إنك تتطلقى ولا لأ.
 نيفين: (متأثرة) طبعا .. يهكم ف إيه إن كنت أتطلق ولا لأ .. حضرتك تفضل مرافقنى مادام ضامن إنى متجوزة غيرك ومش عارفة أتطلق .. لكن أول ما يبقى طلاقى مضمون .. على طول تجرى وتسيبنى ...
 شريف: أنا كده كده كنت هسيبك ...
 نيفين: (بكسرة) هتسيبنى عشان حامل؟
 شريف: لأ .. عشان احنا مابقيناش ننفع لبعض .. كل واحد فينا عايز حاجة غير التانى.
 نيفين: طب أنا عارفة أنا عايزة إيه .. عايزة أبقي أم .. إنت بقى عايز إيه؟ .. إيه اللى إنت عايزه ومش لاقيه معايا؟
 شريف: مش عارف يا نيفين .. صدقيني مش عارف أنا عايز إيه؟
 نيفين: أنا عارفة إنت عايز إيه .. إنت عايز تبقى حر .. ماعليكش أى مسؤوليات ...
 (تستطرد) بس انت حر .. البيبى ده مش هيفرق حاجة بالنسبة لك .. لكن بالنسبة لى هو كل حاجة .. ليه مستكتره على؟
 شريف: يا نيفين إنتى مش فاهمة حاجة .. الحمل ده ماينفعش .. لازم تروحي تنزلى البيبى ده.
 نيفين: (صارخة) لأ .. أنزل البيبى لأ .. البيبى ده هيفضل .. بيك من غيرك هخليه .. مش عايزه إمشى وخلص.
 شريف: (صارخا) ما أنا ماشى ماشى يا نيفين .. أنا بتكلم عشانك إنتى .. هتبهدى نفسك.
 نيفين: (باكية) مالكش دعوة .. أنا عايزة أتبهدل ... سيبنى ف حالى بقى ...
 نيفين تتماسك وتستطرد بأداء من يضحك على نفسه ليطمئن.
 نيفين: (متحدية) عموما الطلاق كان كده كده هيجصل.
 شريف: لأ .. ماكنش كده كده هيجصل .. قبل موضوع الحمل ده .. طلاقك مكنش مضمون .. ودلوقتى إنتى عايزة تفضحي نفسك عشان تتطلقى.
 نيفين: أفضح نفسى؟ .. هو أنا لما أعوز أخلف زى كل الناس أبقي بفضح نفسى؟
 شريف: أيوه .. لأنك هتخلفى من واحد غير جوزك .. ومش بس كده .. ده إنتى كمان عايزة تقولى الكلام ده ف المحكمة عشان تضمنى الطلاق .. بس لعلمك يا هانم .. طلاقك بسبب الحمل ده يعنى حبس ف قضية زنا .. يعنى تتسجنى ٣ سنين .. وأنا بقى مش ناوى أفضح نفسى وأتجوز واحدة عليها قضية زنا.
 نيفين تقذف شريف بأى شىء تطاله يدها.
 نيفين: (بهستيرية) تفضح نفسك؟ .. fuck you .. إطلع برة .. go to hell .. برة ...
 شريف: إنتى أكيد اتخيلتى ..
 يخرج شريف من الغرفة نائرا .. ويطيح بالكلبة التى تعترض طريقه .. بينما تتفجر نيفين فى البكاء.
 ص: باب الشقة.
 ما أن تسمع نيفين صوت باب الشقة حتى تدرك أن شريف قد رحل .. فتبدأ فى تحطيم زجاجات الخمر.

قطع

غروب/خ-د	فوتومونتاج	مشهد ٧١
----------	------------	---------

فوتومونتاج سريع الإيقاع للدقائق السابقة لبدء المباراة.. لا تصاحبه موسيقى.. بل تضخيم للأجواء الحقيقية لكل من مشاهد الفوتومونتاج.

نستعرض عدة شوارع قاهرية رئيسية.. لنجدها شبه فارغة من السيارات أو المارة.. عدا بضعة سيارات تخترق فضاء الشارع من حين لآخر فى سرعات جنونية.. أو بعض المارة يجرون هنا وهناك للحاق بالمباراة.. وكأنه وقت الإفطار فى رمضان.

ص: هدوء تام لا يكسره سوى كلاكسات تحية لمصر مع مرور كل سيارة.. ولا نسمع التحية لنهايتها من فرط سرعة السيارات التى تمر.

ننتقل من الشوارع الفارغة لنستعرض المقاهى -الغالية والرخيصة- المكدسة بمتفرجين جالسين على الكراسى وعلى الأرض.. وواقفين.. وفى كل شبر يسمح بمشاهدة تليفزيونات المقاهى.

ص: ضوضاء شديدة / أجواء المتفرجين وأحاديثهم عن الكرة / نداء صبيان المقاهى على الطلبات / أصوات التليفزيونات العالية جدا تعلن أن المباراة على وشك البدء.

قطع

غ/خ	استاد القاهرة	مشهد ٧٢
-----	---------------	---------

موسيقى: السلام الجمهورى.
الجمهور + المنتخب: النشيد الوطنى.
اللاعبين فى أرض الاستاد .. والجمهور فى المدرجات.. واقفون ينشدون النشيد الوطنى المصرى.
نهاية السلام الجمهورى.
موسيقى: تتحول تيمة السلام الجمهورى إلى تيمة أخرى.
قطع
استمرار الموسيقى

قطع

مشهد ٧٣	فوتومونتاج	--
---------	------------	----

غروب

المشاهد الثمانية التالية تأخذ شكل الفوتومونتاج البطيء الإيقاع. تصاحبها موسيقى المشهد السابق والتي سيتغير «مودها» وإيقاعها مع التقدم فى مشاهد الفوتومونتاج.. ولا نسمع الأصوات الخاصة بالمشاهد وكأننا فى حالة مزاجية خاصة.

مشهد ٧٣a	فوتومونتاج: غرفة نوم ريهام	غروب/د
----------	----------------------------	--------

غرفة متواضعة للغاية.. بها فراشين.. أحدهما يبدو أنه يستعمل للنوم.. عليه أغطية ووسادات.. أما الفراش الآخر فعليه الكثير من البياضات والبطاطين المطوية والملابس.. وغيرها من الأشياء.. مما يدل على أنه تحول إلى دولا ب مفتوح. موسيقى: تنويع هادئة على تيمة موسيقى الفيلم. ريهام من ظهرها تصلى مرتدية إسدال متواضع. نكتشف أنها تصلى وهى ناظرة أمامها فى جمود والدموع تسيل على وجهها.

مشهد ٧٣b	فوتومونتاج: غرفة نوم سليم	غروب/د
----------	---------------------------	--------

موسيقى: تنويع هادئة على تيمة موسيقى الفيلم. وجه رانيا يتقلص وكأنها تتألم أو على وشك البكاء نكتشف أن رانيا مستسلمة على مضض لسليم الذى يمتطيها وكأنه يؤدى واجب.. وهى غير مستمتعة بالمرّة. ينهض سليم عن رانيا وقد انتهى من أداء مهمته.. بينما رانيا تعتدل لتجلس فى السرير. سليم: قومي مفيش وقت.. هنتأخر ع الناس... أثناء طريق سليم للحمام يشير على أحد الكراسى. سليم: إلبسى بسرعة.. الفستان آهو. سليم يدخل الحمام.. بينما رانيا تنظر نحو فستان موضوع بعناية على أحد كراسى الغرفة.. وتشرّد فيه بأسى.

مشهد ٧٣c	فوتومونتاج: سيارة شريف	غروب/خ
----------	------------------------	--------

موسيقى: تنويع هادئة على تيمة موسيقى الفيلم. شريف جالسا فى سيارته المركونة أسفل منزل نيفين.. واضعا رأسه بين كفيه ومستندا على عجلة القيادة. على الكرسى المجاور لشريف الموبايل يضىء ويطفئ علامة أنه يرن لكن شريف لا يجيب. يتوقف التليفون عن الرن فنجد مكتوب على شاشته missed call ٦٢.

مشهد ٧٣d	فوتومونتاج: غرفة جلوس نيفين	غروب/د
----------	-----------------------------	--------

موسيقى: تنويع هادئة على تيمة موسيقى الفيلم. نيفين لاتزال جالسة حيث تركها شريف تتحسس بطنها -التي رفعت ملابسها عنها قليلا لتعريها- فى حركات دائرية وهى تبكى.

مشهد ٧٣٤	فوتومونتاج: محل كوافير عادل وفتحى	غروب/خ-د
----------	-----------------------------------	----------

موسيقى: تنويع هادئة على تيمة موسيقى الفيلم.
لافتة متواضعة مكتوب عليها «كوافير عادل وفتحى».
ندخل من باب المحل المفتوح.. ونخترق المكان الفارغ تماما.. والمعمم لعدم وجود أى مصادر إضاءة كهربائية.
نصل إلى عادل جالسا على الأرض ومستندا بظهره على الحائط.. يتأمل المحل الفارغ من حوله.. فنرى علامات المعجون على الحوائط التى لم تدهن بعد.. وأسلاك الكهرباء البارزة من مخارجها فى الحوائط والسقف.. وبعض توصيلات لمواسير مياه لم تستكمل بعد.. كما نجد فى أحد الأركان بعض علب صبغة شعر وشامبو وما شابه من نفس ماركة المستحضرات فى محل كوافير ممدوح (علب المستحضرات التى سرقها عادل من ممدوح).
نكتشف أن بجوار عادل على الأرض رزمات نقود مرتبة بجوار بعضها حسب فئاتها.. رزمة صغيرة للمئات.. رزمة صغيرة للخمسينات.. وكلما صغرت الفئة كبرت الرزمة.
يخرج عادل من جيبه نوتة صغيرة.. ويقلب صفحاتها باحثا.. فنلاحظ أنها مليئة بالأرقام وأنها مقسمة صفحة «داخل» وأمامها صفحة «خارج».. وأن الخارج أقل بكثير من الداخل.. إلى أن يصل إلى آخر ما كتب فى صفحة مكتوب أعلاها «داخل».. ويدون فيها قيمة النقود التى عدها لتوه.. ثم يجمع هذه القيمة إلى آخر رقم مكتوب ويكتب القيمة النهائية «١٧٤٦ جنيه».. ثم يغلق النوتة فى إحباط.. ويخبط مؤخرة رأسه فى الحائط خلفه.

مشهد ٧٣٥	فوتومونتاج: غرفة نوم هدى	غروب/د
----------	--------------------------	--------

موسيقى: إيقاع الموسيقى وقد بدأ يكتسب بعض الحيوية ستكمل فى المشهدين التاليين.
هدى تجمع أغراضها المبعثرة على الأرض فى عصبية.. وتلقى بها على السرير فى إهمال وعنف.. وكأنها «بتفش غلها».
ثم تبدأ فى استبدال ملابس خروجها المبهذلة من الشجار بملابس خروج أخرى.

مشهد ٧٣٦	فوتومونتاج: أمام بار شيك بالزمالك	غروب/خ
----------	-----------------------------------	--------

يوجد حول البار العديد من المحلات الصغيرة مختلفة النشاطات (ملابس - موبايلات - بقالة - مكوجى... إلخ) كما يوجد بالقرب من جراج أسفل إحدى العمارات... وفى الشارع أمام مدخل الجراج يوجد كرسي متهالك عليه تليفزيون صغير متهالك يعرض صورة حية من الاستاد لدخول اللاعبين الملعب بعد السلام الجمهورى.
موسيقى: تيمة الفيلم وقد عادت إلى حيويتها.
رجب وأصدقائه -سيد ورضا ولبيب- يتلفتون حولهم بأداء بوليسى وكأنهم «عاملين عملة».
نكتشف أن الأصدقاء الأربعة واقفون -يتلفتون حولهم- بالقرب من مدخل البار الذى يقف على بابه حارسان بودى جارد.. وعندما يتأكدون من أن «الدار أمان» وأن الحارسان منشغلان.. يخرج رجب من جيبه بحرص أربع قطع حشيش ملفوفة فى سولفوان وأربع علب ورق بفرة.. ويعطى لكل منهم قطعه.. ثم يعيد علبة البفرة قطعه هو الشخصية إلى جيبه.
سيد ولبيب ورضا يرفعون أيديهم بجوار جيبينهم بأداء «تشكر».. ثم يبتعدون تاركين رجب الذى يتوجه بدوره إلى التليفزيون المتهالك الملتف حوله القليل من رجال الشارع.

مشهد ٧٣٧	فوتومونتاج: كورنيش الزمالك أمام النادى الأهلى	غروب/خ
----------	---	--------

على وأصدقائه الخمسة (منصور - مرتضى - شادى - مينا - أيمن) وجوهم مرسوم عليها علم مصر.. ويرتدون «طرطير» بألوان العلم.
موسيقى: تيمة الفيلم حيوية للغاية.
لافتة من الكرتون مكتوب عليها بخط طفولى ركيك «علم مصر أماش + علم مصر تلوين = ٥ ج / صخفيض للأطفال العاملين ١ ج».
على رصيف الكورنيش على يلون وجه طفل من الطبقة المتوسطة (ملابسه ألوانها تنويع على ألوان علم مصر) وبجوارهما يقف مينا حاملا اللافتة.. ومرضى ممسكا بعدد من الأعلام القماش.. ومنصور يلون وجه أحد أطفال الشارع.. وأيمن

واقفا مع مجموعة من أطفال الشوارع من الجنسين وجوهم ملونة (يحملون مناديل أو ورد أو أطباق فاكهة أو غيره مما يباع فى الإشارات) يعطى لكل منهم علم قماش ويأخذ منه جنيه.
فى بحر الشارع شادى ممسكا بعدد من الأعلام يبيعه للسيارات القليلة المارة.. أو لأعضاء النادى النازلين من سياراتهم أو المتجهين نحو بوابة النادى.
ينتهى على من تلوين وجه الطفل ويمد له يده مطالبا.. فيخرج الطفل من جيبه خمسة جنيهات ويعطيها لعل.. فيعطيه مرتضى بدوره علما قماش.. يأخذه الطفل ويتجه نحو مجموعة أطفال من الجنسين تنتظره بوجوهم الملونة وبأعلام مصر فى أيديهم.. ويعبرون الشارع متجهين إلى باب النادى.
يتجمع أصدقاء على حوله بعد أن أدى كل منهم مهمته.
يعطى مرتضى لعل النقود التى جمعها من أطفال الشوارع.. ويعطيه شادى ثمن الأعلام التى باعها.. فيعطى على لكل من أصدقائه خمسة جنيهات.
يرحل أصدقاء على متفرقين كل منهم فى اتجاه.. بينما يبدأ هو فى رسم علم على سور الكورنيش بما تبقى من الألوان.
يبدأ على بتلوين الجزء الأسود من العلم.
مزج من اللون الأسود الذى يرسم به على العلم على السور.. إلى اللون الأسود فى علم مصر من المشهد التالى.
دخول صوت صفارة الحكم من المشهد التالى.

قطع

ل/خ	استاد القاهرة + مادة تسجيلية	مشهد ٧٤
-----	------------------------------	---------

علم مصر قماش طوريل جدا يرفعه مدرج كامل من الجمهور بحيث يغطى من يرفعونه.
الحكم فى منتصف الملعب يعلن بدء المباراة.
ص: صفارة الحكم.

الجمهور: تهليل.
تبدأ المباراة بينما فى المدرجات نرى الأمواج التى يصنعها جمهور الاستاد بجسده.. كما نرى جمهور الفريق المنافس وأسلوبه
فى التشجيع سواء بطلاء الوجوه أو بالآلات الموسيقية.
الجمهور: أجواء التهليل من أصوات وشعارات تشجيع.

قطع

مشهد ٧٥	أمام بار شيك بالزمالك	ل/خ
---------	-----------------------	-----

رجب وعدد كبير من الرجال العاملين حول البار (بوابين - سياس - عاملين بالمحلات - سائقى سيارات السكان - صبي مقهى دائم الذهاب والعودة بصينية الطلبات) ملتفين حول التلفزيون المتهالك يتابعون المباراة.

التلفزيون: القناة الثانية تنقل المباراة.

الرجال: تعليقات على اللعب.

أما فى الخلفية -على أعتاب المحلات- تجمعت بعض العاملات (محجبات وغير محجبات) يراقبن العاملين والتلفزيون وسط ضحكات لا تخلو من «المرقعة» وكأنهن يحاولن لفت الأنظار إليهن.

البائعات: هزار وضحك.

تقترب من البار سيارة فارهة للغاية (غير سيارة الصباح) يقودها سليم وبجواره رانيا.. فيظهر رجب راكضا نحو السيارة التى تتوقف وينزل منها سليم.

رجب: حمد الله ع السلامة يا باشا!!

سليم: (باقتضاب) الله يسلمك.

رجب يفتح باب السيارة لرانيا.

رجب: كل سنة وحضرتك طيبة يا هانم.

تنزل رانيا من السيارة فيغلق رجب الباب.. ويتجه نحو الباب الآخر الذى تركه سليم مفتوحا تاركا المفاتيح فى كونتاكت السيارة.

يستقل رجب السيارة.. ويتحرك بها وهو يتابعهما من نافذتها.

يحتضن سليم رانيا من خصرها -بتملك وليس بحنان- ويقودها نحو باب البار، حيث يقف حارسان بودى جارد.

سليم: (آمرا) تخلى بالك من كلامك.

رانيا: حاضر.

سليم: وبلاش الإنجليزي بتاعك!!

رانيا: حاضر.

سليم: وماتعملش صوت وانتى بتبوسى الناس.

رانيا: حاضر.

سليم: لما نشوف!!

يصل سليم ورانيا إلى الباب.. فيفتحه لهما بودى جارد ١ بكل احترام.

بودى جارد ١: مساء الخير!!

بودى جارد ٢: شرفتم!

سليم ورانيا يدلفان من الباب فيغلق من جديد.. ويتخذ الحارسان مكانهما أمام الباب.

قطع

مشهد ٧٦	استاد القاهرة	ل/خ
---------	---------------	-----

عصام الحضري يصد كرة موجهة نحوه .
الجمهور: تهليل لكل كرة يصدّها الحضري / أرقص.. يا حضري / بص.. شوف.. مصر هتعمل إيه / وغيرها من الهتافات.
من بين جمهور المقصورة شلة شباب وشابات يهتفون بحماس.
الشلة: أرقص.. يا حضري..
أحد شباب الشلة يضغط على أحد أزرار موبايله -وهو مازال يهتف- طالبا رقما .
كريم: أرقص.. يا حضري..
قطع

مشهد ٧٧

سيارة شريف - شارع جامعة الدول العربية

ل/خ

سيارة شريف تسير ببطء فى شارع جامعة الدول شبه الخال من المارة ومن السيارات.
ص الموبايل: رنة نيفين.
الموبايل الذى لازال ملقيا فى مكانه على الكرسي المجاور لشريف يرن بإصرار.
الموبايل: رنة نيفين.
شريف يقلب الموبايل -المستمر فى الرنين- على وجهه فى نفاذ صبر وكأنه هكذا سيسكته.. ثم يعاود النظر إلى الطريق.
الموبايل يتوقف عن الرنين.
الموبايل يرن مرة أخرى.
الموبايل: رنة كريم.
شريف يعاود النظر إلى الموبايل فى ضيق.. ثم يجيب بنفاذ صبر .
شريف: (متأفقا) نعم...!!
يأتى عبر الموبايل صوت كريم الذى يهتف مع جمهور الاستاد.
ص الجمهور: أرقص.. يا حضري / بص.. شوف.. مصر هتعمل إيه.. (استمرارية هتافات المشهد السابق).
ص كريم: (يهتف).. يا حضري..
شريف يبعد الموبايل عن أذنه كرد فعل تلقائى على ارتفاع الصوت الذى أذى أذناه.. ثم يعيده إلى أذنه ثانية.
شريف: (بعصية) آلو...!!
كريم يصرخ محاولا التغلب على ضوضاء الاستاد المحيطة به.. وعلى مدار المكالمة كريم يتحدث بسرعة وتقريبا لا ينتظر إجابات شريف إذ أنه ينهى جملة ليدخل فى الثانية.
ص كريم: آلو.. إنت فىن؟!.. كفرت ميتينى..
شريف: عايز إيه؟!
ص كريم: طلبتك خمسميت مرة.. افكرناك انتحرت!!!
شريف: لأ.. مانتحرتش.. عايز إيه!!
ص كريم: احنا ف الاستاد.. ومعانا تذكرة زيادة.. مقصورة يا عم.. البت بتاعة رامى حلقتله.. تعال بسرعة..
شريف: (يقاطعه) آجى فىن؟!.. الماتش بدأ..
ص كريم: مالكش دعوة إنت بس.. تعال.. فى حد مستتيك برة وهيدلك.. ياللا.. دووووس...
شريف «يدوس» بنزين بقوة وقد استعاد حيويته وكأنهما «ردت فيه الروح».
شريف: دايس!!
سيارة شريف تخترق الشارع بسرعة جنونية إلى أن تختفى فى نهايته عند ميدان سفنكس.

قطع

مشهد ٧٨a	مونتاج متوازي: الشارع أمام النادي الأهلي	ل/خ
----------	--	-----

علم مصر وقد اكتمل تلويحه على السور.. وعلى بمفرده -خلفه العلم- يجمع بسرعة فى كيس ما تبقى من أغراضه.. بما فيها علب الألوان الفارغة.

قطع

مشهد ٧٨b	مونتاج متوازي: سيارة شريف	ل/خ
----------	---------------------------	-----

شريف يرتشف من البطحة ثم يعيدها إلى جيبه وهو ينزل منزل كوبرى ١٥ مايو نحو شارع النادي الأهلي بأقصى سرعة. الراديو: إذاعة الشباب والرياضة.. ميمى الشربينى ينقل أحداث المباراة.

قطع

مشهد ٧٨c	مونتاج متوازي: الشارع أمام النادي الأهلي	ل/خ
----------	--	-----

على يحكم إغلاق الكيس.. ثم يحمله راكضا ليعبر الشارع دون أن ينظر قبل العبور.

قطع

مشهد ٧٨d	مونتاج متوازي: سيارة شريف	ل/خ
----------	---------------------------	-----

شريف الآتى بسرعة رهيبة يفاجئه شيء.. فيضرب فرامل بأقصى قوة. الراديو: إذاعة الشباب والرياضة.. ميمى الشربينى ينقل أحداث المباراة. ص: فرامل السيارة + صوت ارتطام.

قطع

مشهد ٧٨e	الشارع أمام النادي الأهلي - سيارة شريف	ل/خ
----------	--	-----

يسقط على أرض الشارع أمام سيارة شريف.

قطع

مشهد ٧٨a	مونتاچ متوازی: الشارع أمام النادي الأهلي	ل/خ
----------	--	-----

علم مصر وقد اكتمل تلوينه على السور.. وعلى بمفرده -خلفه العلم- يجمع بسرعة فى كيس ما تبقى من أغراضه.. بما فيها علب الألوان الفارغة.

قطع

شريف يرتشف من البطحة ثم يعيدها إلى جيبه وهو ينزل منزل كوبرى ١٥ مايو نحو شارع النادي الأهلي بأقصى سرعة.
الراديو: إذاعة الشباب والرياضة.. ميمى الشريينى ينقل أحداث المباراة.

قطع

على يحكم إغلاق الكيس.. ثم يحمله راكضا ليعبر الشارع دون أن ينظر قبل العبور.

قطع

شريف الآتى بسرعة رهيبة يفاجئه شىء.. فيضرب فرامل بأقصى قوة.
الراديو: إذاعة الشباب والرياضة.. ميمى الشريينى ينقل أحداث المباراة.
ص: فرامل السيارة + صوت ارتطام.

قطع

يسقط على أرض الشارع أمام سيارة شريف.

قطع

الانتقال من هذا المشهد إلى المشهد التالى عن طريق صوت المباراة فى التلفزيون.

مشهد ٧٩	بار شيك بالزمالك	ل/د
---------	------------------	-----

البار مقسم إلى جزئين تفصلهما أعمدة أو ديكورات المكان.. الجزء الأول أشبه بالمطعم به كنب وكراسى مروحة يشاهد رواده المباراة على شاشة كبيرة أو بروجكتور.. والجزء الثانى هو منطقة البار وأمامه مناظرة عالية يشاهد رواده تلفزيونات عديدة صغيرة معلقة من السقف.. بحيث يتمكن جميع رواد المكان من مشاهدة المباراة، أيا كان مكان جلوسهم.. كما يتمكن رواد المناظرة العالية من رؤية رواد المطعم بوضوح بينما العكس غير صحيح.

حول المناظرة الأكثر تميزا فى المكان -عليها الكثير من زجاجات الخمر الغالية (مش بيطلبوا بالكاس)- يجلس سليم ورانيا مع مجموعة من رجال وسيدات الطبقة الراقية، حيث تتراوح أعمار الرجال بين ٤٥ و ٦٠ سنة بينما تتراوح أعمار السيدات بين ٢٥ و ٤٠ سنة.. المجموعة بصفة عامة يبدو عليها الثراء كما لو كان الرجال رجال أعمال والسيدات اللاتي يصغرن سنا هن رفيقاتهن.

التلفزيونات: قناة الـ ART الرياضية تنقل المباراة.. والتعليق لمعلق خليجى.

رانيا مرتدية فى حضن سليم على الكنب.. وكذلك كل من سيدات المجموعة مرتدية فى حضن أحد الرجال مداعبين بعضهم البعض.. وقد سكر بعض أفراد الشلة بينما البعض الآخر لم يسكر بعد.

الشلة: أحاديث متداخلة بين الجميع عن المباراة وإمكانية دخول كأس العالم.. والأمل المعلق على حسن شحاتة.. وأنه سيعيد أمجاد الجوهري...

قطع

مشهد ٨٠	كورنيش الزمالك - أمام النادي الأهلي	ل/خ
---------	-------------------------------------	-----

على مدار المشهد يرن موبایل شريف - الملقى فى السيارة - بإصرار من حين لآخر دون أن ينتبه لرنينه.
الموبایل: رنة نيفين + رنة كريم.
على ملقى الأرض متصنعا أنه فاقد الوعي.
يفتح على عينيه للحظات.. فنرى من وجه نظره وجوه الرجال المحدقة فيه بوجود وكأنهم تماثيل (شريف - سايس النادي الأهلي - رجل أمن بوابة النادي الأهلي - سائق تاكسى).
ص على: هاتولى جدى..
الواقفون يقتربون برؤوسهم أكثر من على ليسمعون صوته الواهن.
على: ... رجب سايس بار
يغمض على عينه مرة أخرى.. فتدب الحيوية فى الرجال الأربعة ويقترح كل منهم اقتراح على شريف الذى يبدو عليه «التوهان»
السايس: الحمد لله إنه لسه عايش.. كان زمالك رحت فى داهية.
شريف يبتسم للسايس إبتسامة صفراء بأداء «مالقش حاجة أحسن من كده تقولها؟» بينما يحمل رجل الأمن على ويتجهان به نحو باب السيارة الخلفى.
سائق التاكسى: لازم يروح المستشفى.
الروجالان يتوقفان أمام باب السيارة فى انتظار أن يفتح شريف الباب.. إلا أنه فى حالة ذهوله هذه لا يفتحه على الفور كما كان يجب أن يفعل.. فيحثه رجل الأمن.
سائق التاكسى: «مؤكد» لازم يروح مستشفى فوراً!!
شريف ينتبه إلى أنه يجب أن يفتح الباب.. فيفتحه بينما يضع الرجلان على على كنبه السيارة.. ثم يغلق السائق الباب..
بينما رنجل الأمن نحو شارع مستشفى الأنجلو.
رجل الأمن: فى مستشفى ورانا هنا.. لف حوالين النادي.. ارجع من الشارع ده..
يحرك شريف رأسه ايجاباً بأداء «عارفها».. ثم يستقل سيارته دون أن ينطق بحرف واحد وينطلق بسرعة.. بينما فى الخلفية نرى سائق التاكسى يستقل التاكسى المكون على جانب الطريق الذى يعود لموقعه بشئون القيادات الأمن متجهاً إلى بوابة النادي الأهلي.

قطع

مشهد ٨١	شارع المنزة بالزمالك	ل/خ
---------	----------------------	-----

ريهام متأنقة - مكياج لأول مرة منذ بداية الفيلم وملابس بألوان علم مصر من ضمنها الدريل الذى اشترته من وكالة البلح - لتصبح فى كامل هيأتها بما تسمح به إمكانياتها .

فى بداية شارع المنزة .. ريهام «رايحة جاية» فى مسافة صغيرة على الكورنيش وهى تطلع حولها فى توتر .. كما تنظر فى ساعتها من حين لآخر .

يراقبها من بعيد أمين شرطة جالس فى سيارة نجدة مع سائق السيارة .

الراديو: إذاعة الشباب والرياضة تبث الدقائق السابقة للمباراة .

الأمين يشير برأسه نحو ريهام الواقفة بالقرب من موتوسيكل متواضع .

الأمين: إيه رأيك فى المكنة دى؟

يفهم السائق أن السؤال على «المكنة» الموتوسيكل .

السائق: حلوة .. بس مكان الداخلية أحلى .

ينظر الأمين للسائق متسائلا فى استغراب .. فيستطرد السائق محاولا شرح وجهة نظره بنبرة لا تخلو من الخوف .

السائق: على الأقل مستورد .

الأمين: «منفعلا» داخلية إيه وخارجية إيه؟

الأمين يشير نحو ريهام محتدا بسبب غياب السائق .

الأمين: أنا بتكلم ع المكنة الملعب دى .

السائق يبدو عليه عدم الارتياح للحديث فى مثل هذه الأمور .

السائق: إه .. يعنى .. مش عارف .

الأمين: «يزغر» للسائق الذى يجيب بأول شىء يرد على خاطره .

السائق: «بسذاجة» شكلها شقطة!

الأمين: لا يا غشيم .. الشقطة مش هنا .. ف المهندسين .. هنا بمواعيد .. يا مفروش يا عربيات .

«يستطرد» يا حبيبة!

السائق: طب ما هى واقفة آهى .. لا طلعت شقة ولا ركبت عربية .. ويبقى حبيبة تلاقىها مستتية الواد بتاعها .

الأمين: وده مين الواد .. «مؤكدًا على الكلمات» اللى مش واد .. اللى يسبب المكنة بتاعته تقف فى الحطة دى لوحدها؟

السائق: لازم عايز يخلص منها .

الأمين: تلاقىه نسيها وبيتفرج ع الماتش .

السائق: صحيح .. مين ده اللى هيسبب الماتش ويبجى يشوف نفسه دلوقت؟

الأمين: أنا .

ينزل الأمين من السيارة ويذهب إلى ريهام التى تلحظه متجهاً نحوها .. فتعطيه ظهرها فى توتر .

الأمين يصل إلى ريهام .

الأمين: يا آنسة ..

ريهام لا تلتفت لندائه وكأنه ينادى آنسة غيرها بالرغم من عدم وجود غيرها .

الأمين يتعدها ليصبح فى مواجهتها .

الأمين: حضرتك مستتية رحد؟

ريهام تنظر إليه باستغراب لا يخلو من الاستياء .

ريهام: أنا؟

الأمين: أيوة .

ريهام: ليه .. فى حاجة .

الأمين؟ لا أبدا .. بس وقفتك هنا لوحديك مش ولا بد يعنى .. زى ما انتى شايفة الشارع فاضى .. والدنيا ليل .. خطر يعنى ..

«متحنا» وإحنا ف خدمة الشعب!

ريهام: متشكرة قوى .. أنا ماشية .

الأمين: الله! .. هو أنا بطفشك! .. أبدا .. ده أنا كنت بقول يعنى لو تحبى تيجى تستتية معانا ف العربية .. أهو آمن وأدفى!!

ريهام: نعم!!

الأمين: بدل ما إنتى واقفة كدة فى الشارع .. تعهالى ونسينا فى الأتارى!

ريهام: أتارى؟

الأمين: عربية النجدة!

ريهام: لا متشكرة.. وياريت بقى ترجع للأتارى بتاعك ومفيش داعى لخدمة الشعب.
الأمين: ليه بس كده؟.. إخدمينا.. نهدمك.
ريهام: إيه اللى إنت بتقوله ده.. لو ماسبتيش ف حالى حالا أنا هروح اشتكيك لأقرب ظابط.
الأمين: لأ شديدة.. مضبطة الطبايبط كمان..
«متراجعا» طيب.. خليههم ينفعوكى..
«يتوقف مستطردا» على فكرة بقى.. محدش بيعرف يخدم الشعب زى الأمانة.
يتركها الأمين ويعود للسيارة وهى غير مصدقة لما حدث.. فتسير مبتعدة عن السيارة باتجاه شارع أبو الفدا.
يأتى حسن من خلفها ويراها تسير مبتعدة عن مكان اللقاء.. فيظن أنها ملت الإنتظار وراحلة.. فيركض خلفها..
حسن: يا آنسة.
ريهام تظن أن الأمين عاد لمضايقتها.. فتتوقف وتكشر عن أنيابها.. ثم تلتفت خلفها فى تحفز.. فاجأ بحسن يفرمل وصل
وأصبح فى مواجهتها.. فيقابله وجهها الساخط مما يخضه.
حسن: إنتى كنتى ماشية ولا إيه؟
ريهام تفرد وجهها وتبتسم.
فى سيارة النجدة السائق يلفت نظر الأمين مشيراً برأسه نحو ريهام وحسن.
السائق: آهو الزبون شرف.

قطع

مشهد ٨٢	بار شيك بالزمالك	ل/د
---------	------------------	-----

جميع الرواد والعاملين بالمكان يتابعون بتركيز أحداث المباراة.

التلفزيونات: قناة الـ ART الرياضية تنقل المباراة.. والتعليق لمعلق خليجي.

يدخل فتحي وعادل.. فيجول عادل ببصره في المكان وعلى وجهه علامات انبهار طفولية إلى أن تقع عيناه على رانيا الجالسة في حضان سليم.. فتبدل ملامح عادل إلى اسيتاء شديد.. ويلحظ فتحي ذلك فيسأله.

فتحي: تحب نروح مكان تاني؟

عادل: «بحسم» لأ.. هنا كويس!

فتحي يقود عادل داخل المكان.. حتى يصبحا في مواجهة البار.. ويجلسان على احدى المناضد العالية المحدوفة قليلا وكأنها درجة ثانية.. وينهمكان في متابعة المباراة إلى أن يأتي الجرسون ويقدم لهما زجاجتي بيرة ومزة شيك.. ويشير برأسه نحو البارمان.

الجرسون: تحية طارق!! عادل وفتحي يلتفتان للبارمان ويومتان له محيين كما يرد هو أيضا التحية.

فتحي: «العادل» البيرة علينا النهاردة..

بيتسم عادل شاكرا في محاولة لإخفاء ضيقه.

فتحي: يا ريس ولا يهكم.. كلها كام أسبوع ونفتح زوهسيب ممدوح وأحصلك.. كفاية مرمطة بقي..

عادل: مش باينلها يا فتحي.. الفلوس اللي معايا ما تجبش جتي حوض غسيل شعر.

فتحي: يا عم تتدبر..

يطاطئ عادل رأسه في رأس.

فتحي: لعلمك بقي أمك اللي مش عاجباك دي كلمتني وقالتي إن لو فلوسك مش كاملة هتسدها.

يرفع عادل رأسه متحمسا.

عادل: إحلف!!

فتحي: والكعبة قالتلي كده!!

يرفع فتحي زجاجة البيرة في نخب الخبر السعيد.

فتحي: روق يا معلم!

فيرفع عادل زجاجته بدوره وقد بدا عليه بعض الارتياح.

رانيا وسليم وأفراد الشلة يرفعون كؤوسهم في نخب الفيديو كليب الجديد.

الشلة: نينا.. «اسم اغنية الفيديو كليب».

سليم يقبل رانيا - سكرانة - قبلة خاطفة على شفيتها وسط هرج ومرج الشلة.

الشلة: صياح وضحك.

عادل - يبدو عليه الضيق والاستياء - تركيزه منصب باتجاه رانيا ويراقبها بتحفز.. بينما فتحي ينقل بصره بين عادل وبين رانيا بتوتر وقلق.

يقترح فتحي على عادل الرحيل مشفقا على حاله.

فتحي: ما تيجي نشوف الماتش ف حنة ثانية.

عادل: لأ ليه؟.. هو إحنا هنلاقي مكان أحسن من هنا.. بيرة.

عادل يشير برأسه بقرع نحو رانيا.

عادل: .. وبنات.

تهض رانيا وتتجه إلى الحمام والسكر بادي عليها.

الشلة: أحاديث جانبية بين كل طرفين.

رانيا تدخل الحمام وتغلق الباب في وجه الكاميرا.

قطع

ل/خ	سيارة النجدة - شارع المنتزة بالزمالك	مشهد ٨٣
-----	--------------------------------------	---------

فى بداية شارع المنتزة.. سيارة النجدة تسير فى الشارع ببطء متجهة نحو شارع أبو الفدا .
الراديو: إذاعة الشباب والرياضة.. ميمى الشربينى ينقل أحداث المباراة.

قطع

مشهد ٨٤a	شارع المنتزة بالزمالك	ل/خ
----------	-----------------------	-----

بالقرب من نهاية شارع المنتزة - باتجاه شارع أبو الفدا - حسن وريهام جالسان على سور الكورنيش وجههما للنيل فى مشهد رومانسى متكرر نراه دائما بين «حبيبة» الكورنيش.

حسن «يحاول» ريهام معتقدا أنها غاضبة منه لتأخره عليها.. بينما هى سيئة المزاج وشاردة فى النيل بسبب شجارها مع رانيا وليس بسببه.

حسن: والله العظيم أنا آسف عشان إتأخرت عليكى..

ريهام تظل شاردة فى النيل ولا تجيب.. فيتأكد ظن حسن بأنها تتدلل عليه كنوع من العقاب.. فيحاول بنبرة مداعبة حسن: قلبك أبيض بقى.. والمصحف خلصت شغل وجيت جرى..

بينما ينتظر حسن رد فعلها علي محاولاته.. تباغته ريهام بسؤال لا علاقة له باعتذارته.

ريهام: إنت شايفنى حلوة؟

حسن: «متعجبا» حلوة؟!

تنظر له ريهام فى استجداء وهى تحرك رأسها إيجابا مؤكدة على سؤالها.

حسن: «بثة» ده إنتى ست الحسن..

تسأله ريهام بعدم ثقة وكأنها لا تصدق أنها جميلة وتحتاج لإثباتات.

ريهام: بجد؟!

حسن: «مؤكد» ده إحنا فى المحل مسميينك ست الحسن.

تبسم ريهام فى خجل محاولة إخفاء ارتباكها.

سن: يا شيخة ده إنت دوختينى!!

تضحك ريهام ثم تستطرد.

ريهام: «بخجل» عارفة.

حسن: «يخبط» عارفة بس؟!.. ولا عارف وعاجباكى دوختى؟!

ريهام: «بدلال» يعنى!!.. عاجبانى.. كنت عايزة أتكء إن نفسك طويل.

حسن: طويل بس؟!.. ده إنتى قطعى نفسى.

ريهام: ولا إتقطع ولا حاجة..

«مازحة» ما أنت قاعد جنبى زى الجن آهو!!

حسن: حرام عليكى!!

يضحكان فى حميمية.

مشهد ٨٤b	شارع المنتزة بالزمالك	ل/خ
----------	-----------------------	-----

سيارة النجدة - شارع المنتزة بالزمالك

ل/خ
يلحظ الأمين - على مسافة من السيارة السائرة - ريهام وحسن الجالسان على سور الكورنيش.. فيضع يده على «الدركسيون» أمرا السائق بالتوقف وكأنه يوقف حمار.

الأمين: ييس.

مشهد ٨٤c	شارع المنتزة بالزمالك	ل/خ
----------	-----------------------	-----

شارع المنتزة بالزمالك
ل/خ

تتوقف سيارة النجدة فى خلفية حسن وريهام.

حسن: أنا مش مصدق نفسى أساسا إن أنا قاعد جنبك!

ريهام: لأ صدق!!

حسن: لعلمك بقى.. ده أنا سايب حاجة مهمة رجدا عشان خاطر عيونك السود اللى جتنونى دول.

ريهام: «باهتمام» إيه؟!.. أوعى تكون زوجت م الشغل؟

حسن: شغل إيه؟!.. حاجة أهم ميت مرة!!

ريهام: «بقلق» إيه؟
حسن: «بحماس» الماتش!!
ريهام: «متذكّرة» آه صحيح؟.. أنا برضه قولت هو إزاي عايز يشوفنى ف الميعاد ده..
إنت مالکش ف الكرة ولا إيه؟
حسن: مليش إزاي؟.. ده أنا مليش غير ف الكورة!!
ريهام: أمال إيه؟
حسن: إيه إزاي عيني؟.. مين أهم؟.. ست الحسن ولا الكورة؟
تبتسم ريهام فى خجل.
حسن: «مخرجاً» وبعدين بقى أنا قلت يا واد ده اول ميعاد.. وقت مش زحمة.. عشان التوتر يعنى بقى والكسوف والحاجات دى وكدة يعنى بقى..
تضحك ريهام من توتر حسن.. فيغير الموضوع مداريا.
حسن: فاكرة أول مرة شفتك فيها؟
ريهام تحرك رأسها إيجاباً فى خجل.
حسن: يومها كنت شغال الصبح بالصدفة.. أنا أساساً بنزل المطعم بليل.. وبعدين الواد زين قاللى إنك بتبيجي كل يوم.. بس بقى.. من ساعتها وأنا لابد يومأتى ف المحل.. شفتى بقى؟
ريهام: «بخجل» شفت!!
حسن إنتى بتشتغلى؟
ريهام: آه.. بدى حقن!!
حسن «منزعجاً» بانهار اسود.. أنا بكره الحقن!!
ثم يتدارك رد فعله ويبتسم مداعباً بجنية.
حسن: بس لو الحقنة من إيدك >> آخذ حقنة كل يوم!!
تضحك ريهام وهى تشيح بيدها بدلال فى وجهه ليكف عن هذا الأداء.
حسن: لا والنبي.. دى هتبقى أحلى حقنة.
يزداد خجل ريهام.

مشهد ٨٤d	سيارة النجدة - شارع المنتزة بالزمالك	ل/خ
----------	--------------------------------------	-----

فى سيارة النجدة.. الأمين يتابع حسن وريهام فى تحفز عبر نافذة السيارة.. بينما السائق يبدو مستاءاً من اسلوب الامين ويتوقع انه «مش هيعدى اليوم ده على خير».

قطع

مشهد ٨٥	محطة أوتوبيس بشارع جامعة الدول أو أحمد عرابي	ل/خ
---------	---	-----

محطة الأوتوبيس باتجاه ميدان سفنكس.. والأوتوبيس الذى تنتظره هدى سيصعد بها لاحقا كوبرى ١٥ مايو على مدار المشهد تحك هدى وجهها من حين لآخر.

هدى يبدو عليها الضيق والملل واقفة تنتظر الأوتوبيس وسط عدد كبير من الركاب أغلبه من الرجال.. وبعضهم جالس على دكة المحطة غير مباليا بوقوف السيدات.. ومن بين الجالسين شابا يتابع تفاصيل أجساد السيدات الواقفات بالمحطة.. وبالأخص جسد هدى.

تتململ هدى فى وقفاتها وهى ترمق الرجال الجالسين على دكة المحطة فى غيظ واسيتاء.. ثم تستند بجزعها على قائم المحطة لتريح أرجلها من كثرة الوقوف. ينهض شاب مشيرا لهدى أن تأخذ مكانه. الشاب: اتفضللى حضرتك.

تتجه هدى لتجلس.. بينما يتابع الشاب جميع تفاصيل جسدها فى شبق. هدى: كتر خيرك.

يقف الشاب بالقرب من هدى بحيث يتمكن من مراقبة تفاصيل جسدها.. فتلاحظ هدى نظارته.. لكنها تتجاهلها وتلتفت لتتابع نشأة مناقشة بين الركاب تعكس ترقبهم وتوترهم بسبب الخوف من عدم اللحاق ببداية المباراة.. فتراقبهم فى بلادة.

رجل ١: «رجل ٢» الساعة كام لو سمحت؟

رجل ٢: ثمانية ونص وخمسة!

يتدخل رجل ٣ فى الحوار.. يليه الباقيون.

رجل ٣: الأتوبيس إتأخر قوى.. كده الواحد مش هيلحق الشوط الثانى!

رجل ٤: لآ.. إن شاء الله نلحقه.. حضرتك ساكن بعيد؟

رجل ٣: بولاقي!

رجل ٥: والله لو خدتها مشى توصل أسرع.

رجل ٣: عندك حق بس رجلى أمشيها

رجل ٤: سلامتك.

رجل ٣: الله يسلمك.

رجل ٥: عموما أول شوط بيبقى ميت.. بياخدولهم وقت عبال ما بيسخنوا ويلعبوا صح!

رجل ٢: عندك حق!!

رجل ١: هما كده.. لازم ينشفوا ريقنا عبال ما يصحصحوا!!

يصل الأوتوبيس المزدحم ويقف أمام المحطة.. فتركب هدى ويتبعها فى الركوب - ملتصقا بها الشاذ الذى ترك..

قطع

مشهد ٨٦	عيادة طبيبة نساء	ل/د
---------	------------------	-----

عدد من الرجال جالسون يتابعون المباراة فى شغف فى تلفزيون صغير معلق على الحائط.
التلفزيون: القناة الثانية.. ميمى الشربيني ينقل أحداث المباراة.
نكتشف أن هؤلاء الرجال هم أزواج الحوامل اللاتي ينتظرن دورهن للدخول للكشف.
نيفين جالسة من بين السيدات الحوامل تتابع تفاصيلهن وأحاديثهن الجانبية.
حامل ١: شكلك كده هتتلعى من هنا ع المستشفى.
حامل ٢: انتى بتقولى فيها.. المرة اللى فاتت قالتلى تروحي تحضرى شنطتك وتطلعى ع المستشفى.. إنتى بقيتى فى الكام؟
حامل ١: والاهى ما أنا عارفة أعد...
تنتقل نيفين ببصرها لتتابع حديث جانبى آخر.
حامل ٢: ده التالت.. وإنتى؟
حامل ٤: الأول!
حامل ٣: ربنا يتمم لك على خير.
يقطع تركيز نيفين صوت الممرضة تنداى.
الممرضة: مدام نيفين منير.
تنهض نيفين وتتبع الممرضة نحو غرفة الكشف.
فجأة يصرخ الرجال فى نفس واحد تحسبا لاحتراز هدف.
أصوات متداخلة: ياللا/شووووط/ أوياء.
يلى هذا الحماس خيبة أمل بسبب عدم احتراز الجون.
أصوات متداخلة: يخرب بيوتكوا/عرتونا/يا خيببتكوا...

قطع

مشهد ٨٧	شارع المنتزة بالزمالك - سيارة النجدة	ل/خ
---------	--------------------------------------	-----

حسن وريهام لازالا جالسان فى مكانهما لعى سور الكورنيش.. وحسن يغنى لها جزء من أغنية «لولا الملامة» لوردة وهو يداعب يديها يتردد وهى تحاول مداراة خجلها الشديد.

حسن: .. لولو الملامة يا هوا لولا الملامة.. لا فرد جناحى ع الهوا زى اليمامة.. وأطير وأرفرف فى الفضاء.. وأهرب من الدنيا الفضاء.. وكفاية عمرى اللى انقضى وأنا بخاف الملامة.. وأنا بخاف الملامة.. وأهل الملامة.

فى سيارة النجدة.. الأمين يراقبهما بتحفض.

يستجمع حسن شجاعته ويلف ذراعه حول خصر ريهام التى تتلملح قليلا فى جلستها بسبب توترها وخجلها.

حسن: .. بنحب يا ناس نكدب لو قلنا ما بنحبش.. بنحب يا ناس ولا حدش ف الدنيا ماحبش.. والدنيا ياناس من غير الحب ما تتحبش.. من غير الحب ما تتحبش.

فى سيارة النجدة.. الأمين - الذى «ما صدق» أن حسن تهور - ينزل و«يرزع» باب السيارة خلفه فى عنف.. بينما السائق يتابعه باداء «يا دى النيلة».

الرايو: إذاعة الشباب والرياضة.. ميمى الشربينى ينقل أحداث المباراة.

الأمين يتجه نحو ريهام وحسن فى تحفض.. وما أن يصير خلفهما.. حتى «يرزع» كفه بعنف على ذراع حسن الملتف حول خصر ريهام وكأنه يقبض عليه.

حسن: .. لولا الملامة يا هوا لولا الملامة.. لا فرد جناحى على الهوا زى اليمامة..

الأمين: فاكرك نفسك ف أوضة النوم يا روح أمك؟

حسن وريهام ينتفضا فى مكانهما مفزوعان.

فى سيارة النجدة.. السائق يتابع باستياء الأمين وهو يشير لحسن وريهام بالنزول.

الأمين: إنزل يا خويا إنت وهى!

ينزل حسن عن سور الكورنيش.. ثم يساعد ريهام المفزوعة على النزول.

على مدار باقى المشهد.. سنعود من حين لآخر لنرى ردود فعل السائق الجالس فى عربة النجدة يتابع الموقف فى استياء شديد.. إلا أنه لا يجرؤ حتى على التفكير فى التدخل.

ريهام وحسن - وقد نزلا عن سور الكورنيش - واقفان مع الأمين الذى يشير لهما بأسلوب مستفز.

الأمين: بطايكو!!

حسن وريهام يتبادلان النظر.. ريهام مرعوبة.. وحسن أسقط فى يده.. إلى أن ينهرهما الأمين.

الأمين: إنتوا هتسبلوا.. شهلو!!

يمد حسن يده فى جيب بنطلونه الخلفى ليخرج محفظته وهو يحاول بقوة السيطرة على أعصابه باداء «الله ما طولك يا روح».. بينما تفتح ريهام بدورها شنطتها وتبحث بداخلها عن بطاقتها.

يلحظ الأمين سرنجات داخل حقيبة ريهام.. فيباغتها ويخطف الحقيبة من يدها.. وسط ذهولها.

الأمين «بعنف» إيه ده؟! ورينى كده..

يمد الأمين يده فى حقيبة ريهام.. ويخرج عدة سرنجات باداء المنتصر وكأنه وجد مخدرات.

الأمين: «بشماتج» وكمان حقن؟! أنتى بتدى سوست يا بت؟

ريهام تنظر للأمين كالمنومة مغناطيسيا وهى لا تفهم معنى كلامه.. فيصرخ الأمين فى وجهها.. مما يفزعها فتسيل دموعها.

الأمين: «صارخا» بتدى حقن يا بت؟

ريهام تومئ برأسها إيجابا بميكانيكية وهى لا تفهم ما لاجريمة فى كرونها.. فيتدخل حسن الذى فهم مقصد الأمين.. عنها التهمة.

حسن: «مؤكد» ممرضة.. بتدى حقن أدوية.. مش سوست!!

الأمين يدفع حسن فى كتفه بقوة:

الأمين: «بحسم» خليك ف حالك يا روح أمك بدل ما شكد تعاطى..

ثم يلتفت لريهام.. بينما حسن يبلع الإهانة بمرارة.

الأمين: «هازنا» ممرضة!!

«يزهو» على مين يا بت؟

يمد الأمين يده ويعبث بطرحة ريهام التى تسيل دموعها.

الأمين: أوعى تكونى فاكرة إن حكاية الحجاب دى تخيل على.. ما كلكوا لبستوه.

يمسك حسن بيد الأمين ليمنعه من لمس ريهام.. إلا أن الأمين يدفع يد حسن بقوة.. وسط شعور حسن القاتل بأنه غير قادر على الدفاع عنها.

الأمين: «مهرداد» إنت شكلك مش هستريح غير لما تتنفخ.

ثم يتجاهل حسن ويواصل حديثه مع ريهام بأداء أنه «فاقس كل حاجة» .
الأمين: «هازنا» ما كله باين .. شارع مفهوش صريخ بن يومين وقت الماتش .. مكياج على ودنه .. وكمان حقن .. يمस्क الأمين
بذراع ريهام ويهزها بعنف .
الأمين: «بعنف» أمال عملتيلي خضرة الشريف ليه بت؟
ثم تلين قبضته ويمرر يده على ذراعها وهو يغمز لها بأداء حسي .
الأمين: مش عايزة توجبي ولا إيه؟
يفيض الكيل بحسن فيدفع يد الأمين عن ذراع ريهام .. التي تحاول بدوها تهدئة حسن حتى لا يتصاعد الموقف .
حسن: إنت زوتها قوى .. ما تلم إيدك دى بقى .. إنت فاكرك نفسك مين؟
ريهام: «باكية» خلاص يا حسن .
يمسك الأمين بتلابيب حسن بقوة .
الأمين: «متحديا» إنت اللي فاكرك نفسك مين؟ .. عايز تعمل عنتر؟
«مهرداد» تعالى بقى نتعنتر سوا ف القسم!!
يدفع الأمين حسن أمامه بقوة .
الأمين: «الحسن» ياللا يا خويا ..
ثم يلتفت لريهام ويجذبها باليد الأخرى فى عنف فتساق له مستسمة ومتألمة .
«لريهام» ياللا يا بت!!@
يحاول حسن تثبيت أقدامه فى مكانه مقاومة دفع الأمين له نحو سيارة النجدة .. والجمل تخرج منه مندفعة ومتقطعة بينما
الأمين يواصل دفعهما نحو السيارة وسط مقاومة لا جدوى منها .
حسن: مش من حقي .. إحنا ما عملناش حاجة ..
الأمين: أبقي اثبت بقى ف القسم إنك ما عملتش حاجة .
حسن: إنت فاكركنا إيه؟ .. إحنا قاعدين ف شارع الحكومة بأدبنا .. إنت فاكرك نفسك ضابط .. إنت حيا الله أمين ..
الأمين: مش عاجبك الأمين يا روح أمك؟
«مهرداد» طب وحياتك لقلبها لك من تحرى لفعل فاضح فى الطريق العام .
يصلون إلى سيارة النجدة فيفتح الأمين الباب الخفى أمرا حسن وريهام بالدخول .
الأمين: إركبوا ..
يمتنع حسن وريهام عن الركوب فيدفعهما الأمين بعنف .
الأمين: ما تعصلجش .. اركبوا ..
تركب ريهام بدفعة رقيقة من حسن الذى بدفعة قوية من الأمين .. ثم يغلق الأمين عليهما الباب الخفى .
يركب الأمين بجوار السائق .
الأمين «للسائق» إطلع ع القسم .
تنتطلق سيارة النجدة مخترقة الشارع الخالى .

قطع

مشهد ٨٨	أوتوبيس نقل عام	ل/خ
---------	-----------------	-----

وجه هدى عليه علامات النشوة.
ص الراديو: إذاعة الشباب والرياضة.. ميمى الشربيني ينقل أحداث المباراة.
نكتشف أن هدى واقفة بثبات تراقب الشارع - شبه الخالى - عبر الشباك وعلى وجهها ابتسامة باهتة وهى تحك وجهها من حين لآخر.. والشاب واقف خلفها «مش على بعضه».
نكتشف أن الشاب ملتصقا بهدى من الخلف.. ويتصنع أنه يحاول تغيير وضعه بصعوبة بسبب الزحام ولكنه فى الحقيقة وسط تقبلها التام وتواطؤها معه فيما يحدث.

قطع

مشهد ٨٩a	مستشفى الأنجلو	ل/خ
----------	----------------	-----

بوابة مستشفى الأنجلو مغلقة.. ولا توجد مظاهر لأي حركة خلف البوابة وكأن المستشفى خالية من المرضى والأطباء.
ص الراديو: ميمى الشريبنى يعلق على المباراة.
حارس البوابة حالسا ومتكئا بظهر الكرسي على السور المجاور للبوابة.. ومنشغلا بمتابعة أحداث المباراة فى راديو ترانزستور
يمسك به بالقرب من أذنه.
الراديو: ميمى الشريبنى يعلق على المباراة.
شريف «يفرمل» بقوة أمام بوابة المستشفى وينادى - وهو فى السيارة - على الحارس.
شريف: لو سمحت عايز أدخل المستشفى..
الحارس لا يتحرك من مكانه متجاهلا شريف الذى يزداد توتره.
شريف: وحياء أبوك دخلنى.. معايا ولد خبطاه عربية ويوفر.. افتح.
الحارس ينهض متذمرا ويضع الراديو يحرس على الكرسي.. ثم يتجه نحو السيارة فى تكاسل مستفز لا يتناسب مع وضع
شريف.
الحارس يقترب بوجهه من نافذة السيارة الخلفية.. فيجد على ممدد على الكنية.
الحارس: إنت اللي خبطته؟
شريف: أيوه.
الحارس: لازم محضر.
شريف: طب دخلنى الأول وبعدين تعمل محضر.. عايزين نلحق الواد.. ولا إنت عايز تسجنى وخلاص؟
الحارس: «ببرود» وأنا مالى.. الحكومة هى التى هتسجنك.
شريف: طب افتح وخلصنى.
اتلحارس يبتعد عن سيارة شريف فى بلادة.. ويتجه نحو البوابة الحديدية ... شريف بالسيارة بسرعة.. ويفرمل أمام مدخل
الطوارئ.. بينما فى خلفيته الحارس يغلق
ينزل شريف من السيارة ويركض نحو طوارئ المستشفى.

مشهد ٨٩b	مستشفى الأنجلو - الطوارئ - الردهات	ل/د
----------	------------------------------------	-----

يدخل شريف الطوارئ لاهتأ.. فيفاجئه عدم وجود أحد فى الاستقبال وكأن المستشفى مهجورة.
يلفت انتباه شريف صوت تلفزيون عاليا للغاية آتيا من احدى جوانب المستشفى.. فيتبع الصوت راكضا عبر ردهات
المستشفى.

ص التلفزيون: ميمى الشريبنى يعلق على المباراة.
ص: تعليقات رجال وسيدات متداخلة تتفاعل مع أحداث المباراة.

مشهد ٨٩c

مستشفى الأنجلو - غرفة الحسابات

ل/د

يتوقف شريف وكأنه «يفرمل» أمام باب الغرفة التى يصدر منها الصوت.
يفاجأ شريف بالغرفة ممتلئة على آخرها بتشكيلة غريبة من الناس «عمال نظافة - أطباء - ممرضات - تمرجية - مرضى
- موظفين - راهبات» ما بين جالسين وواقفين حول تلفزيون متواضع يشاهدون المباراة.
التلفزيون: ميمى الشريبنى يعلق على المباراة.
ص: تعليقات رجال وسيدات متداخلة تتفاعل مع أحداث المباراة.
يجول شريف ببصره بين الواقفين باحثا إلى أن يجد طبيب شاب يتابع المباراة.
الطبيب: شوط.. شوط.. شوط.. شوووووط!
يندفع شريف إلى الطبيب ويسحبه من ذراعه بقوة نحو باب الغرف والطبيب.. يتدخل لانشغالهم التام بالمباراة.
الطبيب: إيه يا أستاذ.. الماتش.. فى إيه؟.. مين حضرتك؟
على باب الغرفة شريف يسحب الطبيب ليخرجان.. بينما الطبيب يقاوم باستماتة كى لا يترك قدماء تخطوان خارج باب
الغرفة.
الطبيب: الماتش.. الله؟.. أوعى.. عهايز أشوف الإعادة.

ولكن أخيرا يتغلب شريف على الطبيب ويسحبه بقوة خارج الغرفة.

مشهد ٨٩d	مستشفى الأنجلو - الردهات - الاستقبال	ل/د
----------	--------------------------------------	-----

يركض شريف - ساحبا الطبيب خلفه - عبر الردهات وهو «يبرطم» بكلمات متقطعة.. بينما الطبيب «يبرطم» بكلام عن المباراة.

شريف: بسرعة شوية.. الولد.. ع الله ما يكونش مات.. بسرعة شوية.. ف العربية..

الطبيب: الماتش.. الإعادة يا أخى...

تأتيهم فجأة أصوات مهللة من الداخل.

ص: تهليل رجال ونساء يعكس تشوق لفرحة علامة هجمة لقريتنا وهدف على وشك التسديد.. لت تهدد خيبة أمل علامة أن الهدف لم يتحقق.

يتشبث الطبيب واقفا فى مكانه ويحاول الإفلات من شريف والعودة إلى الغرفة.

الطبيب: حاسب.. عايز ألحق الإعادة.

لكن شريف لا يعطى فرصة للطبيب.. ويسحبه بقوة أكثر نحو باب المستشفى.

قطع

ل/خ	مستشفى الأنجلو	مشهد ٩٠
-----	----------------	---------

الطبيب تركيزه مشتت بين الإشراف على اثنان تمارجية يخرجان على الذى يمثل أنه فاقد الوعي - من السيارة ويضعونه على نقالة.. وبين الأصوات الآتية من داخل المستشفى ومن حولها لمن يتابعون المباراة.
ص: أصوات متداخلة للمباراة من تلفزيونات مختلفة.. والتعليقات من يتابعون التلفزيون.

قطع

مشهد ٩١	مستشفى الأنجلو - الاستقبال	ل/د
---------	----------------------------	-----

الاثنان التمارجية يحملان النقالة.. والطبيب وكريم يتبعانهما.
ص: تعليقات وهتافات العاملين آتية من غرف الحسابات.
الطبيب: دخلو الطوارئ وهبتلكم حد على طول.
يواصل التمرجيان طريقها نحو الطوارئ.. بينما يستوقف الطبيب شريف.
الطبيب: بطاقتك لو سمحت.
يخرج شريف بطاقته في توتر شديد ويعطيها للطبيب.
الطبيب: شكرا.. حضرتك بقى استثنى هنا.. هبعتك حد عشان الإجراءات.
يرحل الطبيب تاركا شريف في حالة من التوتر وعدم تصديق الموقف.
تمر على شريف لحظات ثقيلة دون ظهور أحد.. فيتلفت حوله للإطمئنان.. ثم يخرج البطحة من جيبه يرتشف منها.
يظهر موقف آتيا من غرفة الحسابات.. فيعيد شريف البطحة لجيبه سريعا.
يقترّب منه الموظف متحفزا والتضرر الشديد بادی عليه لاضطراره لترك متابعة المباراة.
الموظف: حضرتك الاستاذ..
ينظر الموظف لبطاقة شريف في يده.
الموظف: شريف دوس؟
شريف: «مرعوبا» أيوة!!
يتجه الموظف نحو الاستقبال.. ويتصل ببوليس النجدة.. بينما شريف يتابعه في توتر.
الموظف: آلو.. النجدة؟
عايز أبلغ عن حادثة عربية.

قطع

مشهد ٩٢	قسم الزمالك - غرفة الضابط النباطشى	ل/خ - د
---------	------------------------------------	---------

حالة ستكون تخيم على الشوارع المحيطة بالقسم.. فلا يوجد سيارات أو مارة. القسم هادئ جدا ولا شئ يحدث حوله إلا بعض العساكر يتابعون المباراة فى راديوها سيارات الشرطة المركونة أمام القسم.

الراديو: إذاعة الشباب والرياضة.. ميمى الشربيني يعلق على أحداث المباراة. ندخل القسم ببطء؟ مخترقين ممراته إلى أننصل خارج باب حجرة الضابط النباطشى.. ولا نسمع سوى صوت المعلق على المباراة يقاطعه صوت الضابط.

ص: المعلق الخليجي لقناة الـ ART

ص الضابط: «هاتف ١٥ بحماس» بقولك طلعتها برة يا بأف... «صارخا» برة..

ندخل الحجرة فنكتشف أن الضابط يصرخ فى أحد لاعبي المباراة فى التلفزيون. الضابط: شوط برة!!

الضابط يلتفت بفخر للعساكر الملتفين حوله. الضابط شوفتوا؟!.. أحسن حاجة إنه كان يطلعها برة. العساكر يحركون رؤوسهم ايجابا فى آلية مؤكدين على كلام الضابط. عسكر! تمام حضرتك.

عسكر ٢: مطلوب جنابك.

يظهر على باب الحجرة عسكرى حاملا جهاز تسجيل صغير. عسكرى ٣: تمام يا فندم.

الضابط يشير للعسكرى نحو التلفزيون. الضابط: حطه هنا وهات الشباب والرياضة.

يتقدم العسكرى داخل الغرفة.. ويضع جهاز التسجيل بجوار التلفزيون فى تنفيذ الأمر.. إلا أنه يحجب رؤية التلفزيون على الضابط.. الذى ينفجر صارخا فى العسكرى.

الضابط: إنت يا بجم.. خدلك جنب عشان نتفرج.

«لنفسه» غبى..

«للتلفزيون» ما تتحركوا بقى.. إنتوا إيه.. مكسحين؟

العسكرى «مرعبو» يأخذ جانبا ويتفح الراديو بصوت عال ويبدأ فى البحث بين المحطات.. فينهره الضابط مرة أخرى.

الراديو: أغنية هابطة.

الضابط: يا زفت.. وطى لحد ما تلاقى المحطة.

«لنفسه» غبى...

«للتلفزيون» ما تهجموا بقى.. إكسر ولكوا أى واحد وخلصونا!!

العسكرى يخفض صوت الرواديو ويواصل البحث - وأذنه على سماعة جهاز التسجيل - إلى أن يصل لإذاعة الشباب والرياضة فيلتف إلى الضابط.

العسكرى ٣: تمام يا فندم

الضابط «بنفاذ صبر» طب على الصوت...

«يستطرد» وإخفص صوت التلفزيون.

العسكرى يرفع صوت الواديو ويخفض صوت التلفزيون.. فيشاهدون المباشرة فى التلفزيون.. ويستمعون للتعليق من الراديو.

الراديو: إذاعة الشباب والرياضة.. ميمى الشربيني يعلق على المباراة.

الضابط يعلق على فكرته فى فخر.

الضابط أيوة كده!!.. قول يا ميمى قول!!

يقطع تركيز الضابط رنين التلفون.

الضابط: وده وقته ده؟

ثم يشير إلى أحد العساكر ليجيب.

الضابط: ردع الزفت ده

العسكرى: «بصوت عال» آلو...

الضابط: صوتك يا زفت.

العسكرى: «هامسا» آلو...

فين؟!...

هبلغ...

يضع العسكرى السماعه ويلتفت للضابط فى الوقت الذى تبدأ فيه هجمة لمصر على شبكة الفريق الآخر.. فيتحضر الضابط وهو «يشوح» بيديه فى الهواء كالمجنون.

العسكرى: بلاغ حادثة...

الضابط: «يقاطعه» شششه...

«التلفزيون» أيوة.. ياللا.. ياللا.. شوط.. شوط..

يتحضر العساكر فى أماكنهم دون أن يجروا أحدهم على فتح فمه.. فيشيدون بقبضتهم فى الهواء مشجعين الهواء مشجعين المهاجم.

فجأة يتقطع ارسال التلفزيون مع استمرار تعليق الراديو.. فيتحول وضع يد الضابط إلى قبضه تضرب فى الهواء فى غضب. الضابط: يلعن..

الراديو: إذاعة الشباب والرياضة.. ميمى الشربينى يعلن خروج الكرة أوت وعدم تسديد هدف مصرى.

الضابط: أهى طلعت أوت!

ثم يلتفت للعسكرى.

الضابط: بلاغ إيه بقى؟

العسكرى: بلاغ عن حادثة عربية.. والمصاب واللى صدمه فى مستشفى الأنجلو.

الضابط: طيب.. إطلع شوف الوصلة.. وقول لحامد هنفخه ع الوصلة السكة دى..

وبعد كدة إطلع ع المستشفى اعمل محضر وهاتلى اللى صدمه.

بيدو على العسكرى الاستياء أنه لن يكمل المباراة.

العسكرى: تمام يا فندم!

أثناء خروج العسكرى من الغرفة يتقاطع مع اندفاع حسن وريهام «مكياجها» «سايح» على وجهها من كثرة البكاء داخل الغرفة على ثر دفعات أمين شرطة عربية النجدة.

الأمين: ادخل يا خويا منك ليها...

يندفع الأمين فى زهو نحو الضابط الذى لازال يتابع المباراة عبر الراديو.

الأمين: سيادتك أنا قفشت الإثنين دول فى فعل فاضح فى الطريق العام.

الضابط «لحسن» سايب الماتش ونازل تقفش؟!.. خلاص؟!.. حيك؟!

«لريهام» وانتى يا ست هانم؟!.. طب اعمل حساب للحجاب اللى انتى لابساه.

تضع ريهام وجهها فى الأرض وتعاود البكاء.

حسن: يا فندم حضرتك إحنا ما عملناش حاجة.. الأمين ده بيتبالاه علينا.

يهوى الأمين بكفه على ظهر حسن أو قفاه.

الأمين: بتبلى عليك يا بن الكلب.

حسن: شفت حضرتك.. أدى المعاملة.. من غير ما نكون عملنا حاجة.

يعود الإرسال إلى التلفزيون.. فيشير الضابط لحسن وريهام.

الضابط: «لحسن وريهام» طب اركنوني على جنب دلوقتى.

يتقدم أحد العساكر ويسحب حسن وريهام... ويوقفهما ظهرهما للحائط فى طرف الحجرة.

يعود الضابط والعسكر والأمين لمتابعة المباراة.. فتتهدد ريهام الفرصة.. حقيبتها وتطلب الموبايل فى الخبائة.

قطع

مشهد ٩٣	بار شيك بالزمالك	ل/د
---------	------------------	-----

يفتح باب الحمام وتخرج منه رانيا وقد تبدلت ملامح وجهها ليبدو عليها التحفز والغل.. ولا تنتبه إلى صوت موبايلها الذي يرن بإصرار - منذ بداية المشهد - فى حقيبتها النصف شفافة «بحيث نرى ضوء الشاشة» .

ص: موقايل رانيا .

التلفزيونات: قناة الـ ART الرياضية تنقل المباراة.. والتعليق لمعلق خليجى .

تتجه رانيا عائدة إلى المنضدة فى خطوات غير متوازنة والموبايل لازال يرن .

ما أن تصل رانيا إلى المنضدة حتى يستقبلها الجالسون بالتصفيق فتبدو عليها الدهشة .. بينما يهتف الرجل المتصابى (مشهد ١١٣) ..والذى زاد على الشلة أثناء وجودها بالحمام .

المتصابى: «بحماس» مبروك يا نجمة .. بكرة هتمضى العقد .

رانيا تنظر لسليم متسائلة .. فيستطرد الرجل .

المتصابى: عقد الفيلم .

ورانيا تقفز فى امكانها صارخة فى فرح طفولى .

رانيا: صراخ هيسيرى .

ثم ترتدى فى حزن سليم مقبلا بحرارة .

هعادل - فى مكانه على المنضدة العالية - يراقب فى غل رانيا وهى تقبل جميع أفراد الشلة رجالا ونساء «فتفهم لأول مرة أنهما فى نفس البار» .

يأتى الجرسوم ويرفع زجاجتى البيرة الفارغتين من أمام هعادل وفتحى .. ويضع مكانهما زجاجتين جديدتين .

الجرسون: تحية تانية .

هعادل وفتحى يلتفتان نحو طارق ويكرر أن تحيته .. فيرد التحية بأداء دى حاجة بسيطة .

يشرب هعادل بغل .. بينما فتحى يراقبه فى قلق حقيقى .

قطع

مشهد ٩٤a	كوبرى ١٥ مايو - أوتوبيس نقل عام	ل/خ
----------	---------------------------------	-----

هدى لازالت واقفة فى مكانها مستسلمة تماما للشاب الذى يبدو «على آخره» .
الراديو: إذاعة الشباب والرياضة.. ميمى الشربيني ينقل أحداث المباراة.
فجأة يفقد الشاب السيطرة على نفسه وينقض على هدى من ظهرها و «يزنقها» فى الكرسى التى تقف بجواره.. فتفقد توازنها وتميل بنصفها العلوى على الرجل الجالس على نفس الكرسى.. والذى يفاجأ بصدرها فى وجهه.
هدى: «الشاب» الله؟.. هقلع!!
الرجل الجالس يبدى اعتراضه على ميل هدى عليه ظنا أنها فقدت توازنها.. وغير منتهايا لسبب فقدتها توازنها.
الرجل ١: «معترضا» ما تمسكى نفسك يا ست!!
هدى وقد زاد انزعاجها من ضغط الشاب عليها.
هدى: «صارخة» الله؟.. الله؟.. فى إيه؟.. فى إيه؟
يظن الرجل أنها تحدثه بينما هى تحدث الشاب.
الرجل ١: الله واحد.. هو حد جه جنبك؟
السيدة الجالسة بجوار الرجل تحسّن معلقة على تصرف هدى.
السيدة: إيه يا خويا تلاقيح الجتت دى؟
هدى تحاول أن تلف فى مكانها لتدفع الشاب بعيدا عنها.. وكأنها تدفعه فقط لأنه يدفعها وليس لأنه يتحرش بها.
هدى: يا بنى إمسك نفسك.. هتوقعنى!!
رجل آخر كان يتابع الموقف يقف ويجذب الشباب بعنف بعيدا عنها.
الرجل ٢: يوقعك إيه يا ست!!.. ده نسى نفسه!!

قطع

مشهد ٩٤b	كوبرى ١٥ مايو - أوتوبيس نقل عام + نقطة مرور	ل/خ
----------	---	-----

نقطة مرور متواضعة - ما بين مطلع العجوزة ومنزل الزمالك - عبارة عن تندة حديدية مثبتة على رصيف الكوبرى وأسفلها فوق الرصيف سيارة نجدة كحلى.
أوتوبيس النقل العام يمر بنقطة المرور ويتعداها دون أن يلفت انتباهها.. فتترك الأوتوبيس ونظل مع نقطة المرور.
داخل السيارة يجلس عسكري فى كرسى السائق.. وبجواره ضابط شاب - يدخن - جالسا نصفه الأعلى داخل السيارة ونصفه الأسفل خارجها بحيث يكون ظهره للسائق ووجهه نحو منزل الزمالك.. وفى الخلف يجلس أمينى شرطة.
الراديو: إذاعة الشباب والرياضة.. ميمى الشربيني ينقل أحداث المباراة.
يتوقف الأوتوبيس فجأة بالورب بحيث يسد منزلى الزمالك.. فيعتقد الضابط - وجهه نحو الأوتوبيس - أن السائق توقف لإنزال الركاب.
الضابط: «لنفسه» الله يلعنكو.. دى وقفة يا بهيم?
العسكري وأيمنى الشرطة لا يهتمون حتى بالنظر إلى حيث ينظر الضابط لانشغالهم بمتابعة المباراة.

مشهد ٩٤c	كوبرى ١٥ مايو - أوتوبيس نقل عام	ل/خ
----------	---------------------------------	-----

الأوتوبيس متوقفا.. ومكان السائق خال.
الراديو: إذاعة الشباب والرياضة.. ميمى الشربيني ينقل أحداث المثارة.
ص: أصوات متداخلة آتية من عمق الأوتوبيس.
الركاب فى حالة هرج ومرج والسائق يحاول فض الاشتباك الذى تحول لشجار بين الرجال والسيدات.
راكب ١: ما تكنوا ف بيوتكووا بقى..
راكب ٢: نازلين تتحشروا ليه فى الأوتوبيسات؟
السائق: صلوا ع النبى يا جماعة.
راكبة ١: يعنى نموت ونموت عيالنا من الجوع عشان ...

راكبة ٢: وخزق عينيها!

السائق: مش كده يا خوانا!

راكب ٣: ما هو من عمايلكو!!

راكبة ٣: نعملكو ايه يعنى!.. نلبس طاقية إخفا!

يتدخل رجل متجههم ممن يناديهم الناس بـ «يا حاج» يشيح بيده فى وجه هدى التى تدلت طرحتها كاشفة معظم شعرها .

الحاج: هى السبب.. أنا شايفها بتدلع قدامه .. الواد يعمل إيه!.. مش غلطته.. هى اللى استثارته بهدومها الضيقة ووقفها

العوجة.. ما تقعدوا ف بيوتكووا بقى!!

هدى غير مصدقة اتهامات الرجل تضرب صدرها بيدها .

هدى: أنا!.. أنا يا حاج!

مشهد ٩٤d	كوبرى ١٥ مايو - أوتوبيس نقل عام + نقطة مرور	ل/خ
----------	---	-----

الأوتوبيس لازال متوقاف فى مكانه.. وخلفه صف طويل من السيارات التى تريد نزول الزمالك.

ص: كلاكسات السيارات.

فى خلفية الأوتوبيس.. ينزل من سيارة النجدة الضابط يتبعه أمينى شرطة.. ويتجهون جميعا نحو الأوتوبيس وكأنهم أبطال

mission impossible.

قطع

مشهد ٩٥	مستشفى الأنجلو - غرفة الطوارئ	ل/د
---------	-------------------------------	-----

الغرفة مليئة بالمرضى المتروكين بدون أى عناية.. ونسمع صوت المباراة آتيا من خارج الغرفة.
ص التلفزيون: ميمى الشربيني يعلق على المباراة.
على فاقد الوعي على أحد السراير.. والمرضة تعلق له محلل باهمال وسط اسيتاء وقلق شريف.. بينما العسكرى ممسكا بورقة بيضاء مجمدة بدون عليها المحضر.
شريف: هو ما حدث هيجى يشوفه؟
المرضة: الدكتور النباطشى هيمر كمان شوية.
شريف: ما الشوية دول ممكن يكون الواد مات فيهم.
المرضة: هو ده النظام.
شريف: طب ما تحاولى تفوقيه.
المرضة: ما أنا بوصله محلل أهه.
شريف: وهو المحلل هيفوقه؟
المرضة: وأنا إيش عرفنى.. هو حد عارف جواله إيه؟
العسكرى: هو مغم عليه من ساعتها ولا فاق ف النص؟
المرضة: لأ.. مغم عليه من ساعة ما جه.
يدون العسكرى الإجابات.
العسكرى: يعنى ما قدرتش تعرفوا ولى أمره.
المرضة: «بنفاذ صبر» بقولك ما حطش منطق من ساعة ما جه.
يبادر شريف وقد تذكر.
شريف: لأ.. هو قال واحنا بننقله إن ... يدون العسكرى الاسم.

قطع

مشهد ٩٦	سيارة شريف - مستشفى الأنجلو - شارع النادي الأهلي	ل/خ
---------	---	-----

العسكري يعاين مقدمة سيارة شريف المركونة في المستشفى.. بينما صوت المباراة آتيا من عند بوابة المستشفى.
ص الراديو: ميمى الشربينى يعلق على المباراة.
يكتب العسكري ملاحظاته في المحضر.
العسكري: صدمات في الإكصدام الأمامى..
شريف: «يقاطعه» دى من قبل الحادثة.
العسكري: حضرتك أنا مليش دعوة.. أنا لى اللى قدامى.
ثم يعاود المعاينة وهو يكتب.
العسكري: صدمة في الكبوت.
شريف: «يقاطعه» دى كمان من قبل الحادثة.. الولد ما طلعتش ع الكبوت من أصله.
العسكري: حضرتك أبقي قول الكلام ده للظابط.
يتأفف شريف مشيحا بوجهه معلنا استياءه.. بينما ينتهى العسكري من كتابة ملاحظته.. ويتجه نحو باب الكرسي المجاور لشريف.
العسكري: كياللا بقى ع القسم.
يركب العسكري السيارة فيتبعه شريف.
داخل السيارة شريف حانقا يدير المحرك ويتحرك بالسيارة.. بينما العسكري يحاول تخفيف توتر الموقف طمعا في اكرامية.
العسكري: «بلزاجة» على فكرة.. إنا كان المفروض أخذك ع لقسم مشى والعربية تفضل في مكانها لحد معاينة النيابة.. لكن أنا قلت بقى بما انها كدة كدة ماهياش في مكان الحادث.. فأوفر عليك المشوار.
شريف: «بغلاسة» كتر خيرك.
لا يهتم العسكري بجفاء شريف ويواصل محاولا اكتساب وده.
العسكري: إنت أحسن حاجة تراضى أهل الواد عشان يتنازلوا.
يخفف اقتراح العسكري من توتر شريف.. فيعطى سيجارة للعسكري الذى يخرج من جيبه كبريت ويشعل سيجارة ثم لنفسه..
ويأخذ كل منهما نفس عميق.. شريف بسبب التوتر.. والعسكري إعجابا بالسجائر المستوردة.
العسكري: الواد باين عليه غلبان.. أهله هيرضوا بأى حاجة.. أهم حاجة بس تراضون.... تدخل في الموضوع.. عشان البهدة.
شريف: طب ما جايز ما يرضوش.
العسكري: ما يرضوش ليه؟.. دى الفلوس تلين الحجر.. أهم حاجة بس تراضيههم والواد لسه عايش.. يعنى أول ما نجيب اللى اسمه.
ينتظر العسكري في المحضر.
العسكري: ... رجب.
تكون السيارة قد وصلت لنهاية شارع النادي الأهلي على النيل.. ويهم شريف بالدخول يسارا بمحاذاة الأوبرا.. إلا أن العسكري يستوقفه مشيرا لليمين.
العسكري: لف يمين وارجع احسن.
شريف: ده اتجاه واحد.
العسكري: هو في حد؟.. الشوارععت هو..
«بفخر» وبعدين إنت معاك الحكومة.
يستسلم شريف لفكرة العسكري ويلف يميناً.
سيارة شريف تخترم شارع النادي الأهلي عكس حتى القسم.

قطع

مشهد ٩٧	قسم الزمالك	ل/د
---------	-------------	-----

الضابط مازال يتابع المباراة فى التلفزيون.. بينما حسن وريهام لازالا واقفان فى مكانهما وريهام تتململ فى وقفتهما من التعب.

الراديو: إذاعة الشباب والرياضة.. ميمى الشربيني يعلن نهاية الشوط الأول بالتعادل بدون أهداف.

يتراجع الضابط فى كرسيه ويسترخى مشيراً لأحد العساكر.

الضابط: روح اعملى شأى.

أثناء خروج العسكرى من الغرفة يتقاطع مع دخول شريف والعسكرى.

العسكرى: تمام يا فندم.. الأستاذ اللى صدم الولد اللى فى المستشفى.

يعطى العسكرى المحضر للضابط الذى يتعرف على شريف.. ولكن لا يبدى أى ترحيب به.

الضابط: «بحيادية» مش إنت شريف دوس؟

شريف: أيوة.

يهز الضابط رأسه بأداء شرفت.. ثم يوجه حديثه للعسكرى وهو يلقي على المحضر نظرة سريعة.

الضابط: والواد عايش ولا ودع؟

العسكرى: عايش يا فندم.. بس مسروق.

الضابط: أمام عرفت ولى أمره إزاي؟

العسكرى: قاله للاستاذ لحظة وقوع الحادثة.

الضابط: «شريف» حصل؟

شريف: أيوة.. قال اسم جده قبل ما يغم عليه.

يضع الضابط المحضر جانبا.

الضابط: «العسكرى» روح هاتلى رجب ده.

يلتفت العسكرى متجها نحو باب الغرفة.

العسكرى: «ببيرطم» هو مفيش غيرى ف القسم ده.

الضابط: بتبرطم تقول إيه يا زفت؟

العسكرى: أبدا يا باشا.. رايح أهو.

يبدأ الشوط الثانى.. فيشير الضابط لشريف نحو حسن وريهام.

الضابط: وانت استنى لنا شوية هناك.

يتابع الضابط المباراة.. بينما يتجه شريف نحو حسن وريهام التى تنتظر لشريف بأداء من يتعرف على زحد.. ثم تميل على حسن هامسة.

ريهام: ده جوز واحدة من اللى بديهم حقن.

يهز حسن رأسه بغير اهتمام لمتابعته المباراة.. فتتجاهله ريهام ثم تضع يدها فى حقيبتها وتطلب الموبايل فى الخباثة.

قطع

مشهد ٩٨	غرفة كشف بعيادة طبية نساء	ل/د
---------	---------------------------	-----

بعد انتهاء الكشف نيفين جالسة أمام مكتب صديقتها الطبية التي تدخل في الكمبيوتر بعض البيانات الطبية الخاصة بنيفين التي يبدو عليها التوتر الشديد.. فلا تلاحظ موبايلها الموضوع على المكتب - silent - يضىء ،على شاشته مكتوب Riham.

موللى: «بعضية» أنا مش فاهماكى خالص يا نيفين.. بتسيبى نفسك تحملى ليه ما دام ما ينفعش تخلفى دلوقتى؟
نيفين: «كالتلميذ الخايب» هو بمزاجى يا موللى؟

موللى «تزغر» لنيفين بأداء «على أنا»؟

موللى: نيفين.. دى رابع مرة فى سنتين!!!

«تستطرد» بصراحة المفروض تحمدى ربنا انك حملتى تانى.. لكن لو عايزة تعملى abortion أنا ممكن أبعثك لحد يعملها لك.. بس لازم تعرفى إن جايز دى تكون آخر مرة.

نيفين: «بأسى» عارفة.

موللى: بس كمان مش قادرة أقولك خليه لأنك ساعتها هتفتحنى على نفسك فتوحة.
نيفين: عارفة.

موللى: ولما إنتى عارفة كل حاجة كدة عايزة منى إيه.. ما تاخدى قرار.
نيفين: مش عارفة.

تبتسم موللى مشفقة على نيفين وتلين حدثها فى الحديث معاها .

موللى: بصى.. هما احتمالين مالهش تالت.. إنا تخلى البيبى غصب عن شريف.. وتدخلى ف قضية مش مضمونة ممكن تكون آخرتها حبس ف قضية زنا.. أو تعملى abortion ومرضه ساتها احتمالات انك تحملى تانى مش مضمونة.. تختارى إيه؟

تتهدد نيفين فى أسى.. ثم تتفجر فى البكاء.. فتنهض موللى عن مكتبها وتتجه نحوها وتحضنها.. بينما على المكتب موبايل نيفين الموضوع على silent يضىء وعلى شاشته مكتوب Riham لكن نيفين لا تنتبه له إلى أنى انتهى الإتصال.

موللى: خلاص يا نوفى.. العياط مش هيجل حاجة..
«مداعبة» وكمان مش كويس ع البيبى.. مش جايز تخليه.

تبتسم نيفين من بين دموعها.. بينما ريهام تعاود الاتصال على الموبايل دون أن تنتبه له نيفين.

قطع

مشهد ٩٩	قسم الزمالك	ل/د
---------	-------------	-----

تخرج ريهام يدها من حقيبتها وتتنظر لحسن في يأس.. فنجدته يتابع المباراة باهتمام.. وكذلك شريف والضابط والجميع.. فتستسلم وتتابع بدورها المباراة.

الراديو: إذاعة الشباب والرياضة.. ميمى الشرييني يعلق على أحداث الشوط الثاني.

الضابط: «التلفزيون» نشفتوا ريقنا.. هزوا الشبكة بقى.

تحدث فجأة جلبة آتية من خارج الغرفة فينظر الجميع نحو الباب.

ص هدى: «تولول» يا باشا والله العظيم مظلومة.. حرام والله.. يا غلبك يا هدى.

ص ضابط المرور: ياللا من غير غلبة.

يدخل الغرفة باندهاع شباب الأوتوبيس وهدى «ملا بسها مبهدة وطرحتها ساقطة» على أثر دفعات ضابط نقطة المرور.. يتبعهم الحاج الذى تبرع بالشهادة.. وما أن يراهم ضابط القسم حتى يعلن ضيقه.. بينما تتعرف ريهام على هدى على الفور.

الضابط: فى إيه تانى.. هو إحنا مش هنخلص النهاردة؟

يدفع ضابط المرور هدى والشباب نحو مكتب ضابط القسم.

ضابط المرور: ضيعتوا على نص الماتش.

يجلس ضابط المرور ويتابع المباراة غير مباليا بما يحدث من حوله.. بنينا ترتضى هدى على مكتب الضابط مولولة.

هدى: يا باشا والنعمة.. والمصحف ما عملت حاجة.

الحاج: ما عملتيش حاجة إزاي.. أنا شايفك وإنتى سايباله نفسك يه استغفر الله العظيم!!

هدى: هو اللي هجوم على...

الشباب: أنا؟.. إنتى هتتبلى على يا ست؟

ينعل الضابط ضاربا على المكتب.

الضابط: أخرجسوا..

يصمت الجميع.. بينما يشير لهم الضابط نحو حسن وريهام وشريف.

الضابط: روحوا إتلحقوا هناك.

يتوجه الشاب والحاج وهدى نحو الآخرين.. حيث تفاجأ هدى بوجود ريهام.

هدى: «بشماتة» إيه اللي جابك هنا؟

تتجاهل ريهام سؤال هدى وترمقها بنظرة احتقار.. فتمصمص هدى شفيتها وتشيح بوجهها بعيدا عن ريهام التى تعاود وضع يدها فى حقيبتها وتطلب الموبايل فى «الخبائة».

قطع

مشهد ١٠٠	بار شيك بالزمالك	ل/د
----------	------------------	-----

رواد المكان يتابعون بتركيز وشغف أحداث المباراة.

التلفزيون: قناة الـ ART الرياضية تنقل المباراة.. والتعليق لمعلق خليجي.

سليم يصع رانيا بقوة على وجهها.. بينما موبايلها يرن دون أن يلتفت إليه أحد.

ص: صفقة قوية.

ص: رنين موبايل رانيا.

يهم عادل بالنهوض للتدخل إلا أن فحى يمسك بذراعه ليبقيه.. فيجلس عادل متضررا.

سليم ورانيا - خدها شديد الإحمرار من أثر الصفحة - جالسان يتناقشان بحدة.. حيث تخرج كلمات رانيا بالعافية من وسط بكائها.

سليم: «بحدة» ما إنتى واكله شاربة نايمة ببلاش!! إيه الجشع اللي بقيتى فيه ده؟

رانيا: جشع عشان بقولك أجر لى شقة لوحدى أجيب فيها أمى وأختى..

سليم وأنا مالى بأملك وأختك.. شايفانى قاعد على بنك!

رانيا: لأ.. بس فلوسك اللي ف البنك نصها من عرقى أنا.

سليم: عرق إيه وقرف إيه؟ إيه الكلام السوقى ده؟.. عملتك بنى آدمة وبرضه زى ما إنتى..

«قرف» هتفضلى طول عمرك بيئة.

رانيا: «بتحدى» البيئة دى هى اللي، خلت الراجل ده يوافق ع الفيلم بتاعك.. عشانى.. مش عشان سواد عيونك.

رواد المكان ينصرفون عن مشاهدة المباراة ويتابعون شجار رانيا وسليم وعلى وجههم علامات الإستياء.. ليس من عنف الشجار.. ولكن لأنه يشتت إنتباههم ويصرفهم عن التركيز مع المباراة.

سليم واقفا يجذب رانيا - الجالسة - من ذراعها بعنف لتهض.. بينما هى تقاومة بشدة متشبثة بمكانها.. ويبدو على كل منهما السكر.

سليم: get up قومى.. قولك قومى..

رانيا: سيبنى.. مش قايمة غير لما تأجرلى شقة لوحدى.

سليم يترك ذراع رانيا ويجذبها من شعرها فتضطر للنهوض من قوة الجذب.. إلا أنها «تلطش» بيديها فى جميع الاتجاهات بشراسة كنوع من المقاومة.

رانيا: آى.. سيب شعرى..

سليم: ياللا.. بقولك ياللا.

رانيا: آى.. عايز منى إيه؟.. مش عايزة أروح معاك.

عادل ينهض فى تحفز.. فيسمك به فتحنى من ذراعه ليستوقفه.. إلا أن عادل يدفع عنه يد فتحنى بقوة.. ويتجه نحو سليم ورانيا.

فتحنى: إنت مالك؟.. ما تسببه يربيه.

عادل: أوعى يا فتح!

عادل يخطف فى طريقة زجاجة خمر من على إحدى الموائد.. ويكسرها على حافة مائدة تالية فى طريقه.. ويندفع نحو سليم «ظهره لعادل» ورانيا التى تفاجأ بوجوده فى المكان.. فتصرخ مندهشة لرؤيته أمامها.

رانيا: عادل؟

سليم ينظر خلفه ليرى على من تنادى رانيا.. فيباغته عادل و«ييطح» جبهته بالزجاجة.. فتصرخ رانيا منزعجة «مخضوضة» على سليم.

رانيا: سليم!!

قطع

مشهد ١٠١	قسم الزمالك	ل/د
----------	-------------	-----

جميع من فى الغرفة يتابعون المباراة باهتمام.
الراديو: إذاعة الشباب والرياضة.. ميمى الشربيني يعلق على أحداث الشوط الثانى.
الضابط: آمال هنجيب جون إمتى بقى؟
ضابط المرور: إحمد ربنا إن التانين ما جابوش ولا جون.
فى طرف الغرفة.
حسن: شكلها كدة مش باينلها كأس العالم ولا بتاع.
الحاج: يعنى لو دخلناه هنعمل إيه؟.. هنطلع من أول ماتش زى المرة اللى فاتت.
هدى: ليه الفال ده بس يا حاج.
يرمق الحاج هدى بنظرة حادة فتسكت وتشيح بوجهها فى الاتجاه الآخر.
شريف: ما دام متعادلين يبقى لسه فى أمل.
الشاب: مش معقولة يعنى مش هنعرف نجيب جون واحد.
يرن التليفون فيجب العسكرية الذى رد فى المرة السابقة بصوت عال.
العسكرى: آلو..
ثم ينتبه لنظرة الضابط الغاضبة.. فيخفض صوته.
العسكرى: «هامسا» آلو..
فين؟..
هبلغ..
ينظر العسكرى نحو الضابط منتظرا إشارة منه تسمح له بالكلام.. لكن الضابط لا يفعل فيصمت العسكرى مستسلما
ويشارك الآخرين فى متابعة المباراة.
الراديو: إذاعة الشباب والرياضة.. ميمى الشربيني يعلن انتهاء أحداث الشوط الثانى بالتعادل بدون أهداف.. وبالتالى الجوء
لشوطين إضافيين.
يلتف الضابط للعسكرى فى إشارة سماحه له بالكلام.. لكن العسكرى لا يفهم فلا يتحدث.. فينهره الضابط فى نفاذ صبر.
الضابط: إنطق.. فى إيه..
ينتفض العسكرى فزعا ثم يتحدث مرتبكاً.
العسكرى: خناقة فى بار.
الضابط: هو فى إيه النهاردة؟.. كا كل يوم قاعدين بنش إلا حبك البالغات تشد حيلها.
يشير الضابط لأحد العساكر.
الضابط: إطلع إبعث البوكس يجيبهم.
يخرج العسكرى.. بينما فى الخلفية ريهام تهم بوضع يدها فى حقيبتها.

قطع

مشهد ١٠٢	عمارة طيبة - برج الأطباء بالمهندسين	ل/خ
----------	-------------------------------------	-----

تخرج نيفين من العمارة وهى تتفحص موبايلها لتجد missed call من ريهام فيبدو على وجهها التعجب.. فجأة يضىء الموبايل ويظهر اسم ريهام على الشاشة.. فتجيب نيفين بسرعة.
نيفين: أيوه يا ريهام.
ص ريهام: بكاء.
نيفين: «منزعجة» فى إيه؟.. مالك؟
ص ريهام: «باكية» ماسكنى ف قسم الزمالك.
نيفين: قسم؟.. ليه؟
ص ريهام: بكاء.
نيفين: طيب طيب.. هجيلك حالا.
تنهى نيفين المكالمة وتسير بسرعة نحو سيارتها.

قطع

مشهد ١٠٣	أمام بار شيك بالزمالك	ل/د
----------	-----------------------	-----

أمام البار يوجد بوكس شرطة يركبه عادل وفتحى ورانيا وسليم «دمه سايح» .. بينما مجموعة رجب يشاهدون المباراة فى الشارع.

التلفزيون: القناة الثانية.. ميمى الشربيني يعلق على الشوط الثانى.

يتحرك البوكس.. يمر البوكس برجب يتحدث مع عسكرى.. فتترك البوكس ونظل مع رجب.

العسكرى: إنت رجب الساييس؟

رجب: «متوجسا» أأمرنى.

العسكرى: ليك حفيد اسمه على.

رجب: «متأففا» لى؟

العسكرى: عايزينك ف القسم.

رجب: «بعصبية» عمل إيه تانى ابن الأبالة ده؟!.. والأهى ما أنا ضامنة المرة دى.. إن شالله يودوه الأحداث.. أهو يتربى؟

العسكرى: عمل حادثه .. خبطته عربية.

يتسمر رجب فى مكانه ويمسك بذراع العسكرى ويهزه فى عنف.

رجب: «منزعجا» يا نهار اسود .. خبطته عربية؟! جراه إيه.

يتخلص العسكرى من قبضة رجب ويسحبه من ذراعه ليسير معه .. فيسيران معا وفى طريقهما يمران على مجموعات مختلفة تشاهد المباراة فى الشارع أو الجراجات.

العسكرى: ما عرفش.. هتعرف فى القسم.

رجب: هو على فى القسم.

العسكرى: لأ.. ف المستشفى.

رجب: طب ولما هو فى المستشفى واخدنى ع القسم ليه؟.. خدنى ع المستشفى.

العسكرى: دى الأوامر.. آخذ ولى أمر المصاب ع القسم عشان المحضر.. وبعد كدة الباشا يبقى بيعت معاك حد للمستشفى.

رجب: وأنا لسه هروح أعمل محضر والواد ملقح فى المستشفى.. خدنى ع المستشفى.

العسكرى: «مغلوب على أمره» ماقدرش.. أوامر الباشا.

يشعر رجب باليأس ويسير صامتا مطاطئ الرأس.. ثم يتحمس .. ويمد يده بها أمام وجه العسكرى.

رجب: والنبي لا نروح نشوف الواد الأول.

العسكرى: إيه ده؟!

رجب: حته تعمك تعميرة فل.. وتنسيك الباشا وأبوه.

العسكرى يرمق رجب بنظرة نارية.. فيزدرد رجب ريقه شاعرا بأنه فى..

قطع

ل/د	مستشفى الأنجلو - غرفة الطوارئ	مشهد ١٠٤
-----	-------------------------------	----------

نخترق الغرفة حيث لا توجد ولا ممرضة في الغرفة.. ونسمع صوت المباراة آتيا من خارج الغرفة.
ص التلفزيون: القناة الثانية.. ميمى الشربيني ينقل أحداث الشوط الثاني.
نصل لرجب الجالس يبكي بجوار على.. والممرضة الوحيدة تغير المحاليل.
رجب: هو مفيش دكتور ييجى يشوف الواد ولا إيه؟
الممرضة: الدكتور ف إيدته حالات تانية.. هيخلصها وييجى.

قطع

مشهد ١٠٥	مستشفى الأنجلو - غرفة الحسابات	ل/د
----------	--------------------------------	-----

الطبيب الذى أدخل على الطوارئ مع شريف جالس يتابع المباراة مع باقى العاملين.. والعسكري واقفا على عتبة الغرفة يتابع معهم.
التلفزيون: القناة الثانية.. ميمى الشربيني يعلن انتهاء الشوط الثانى بالتعادل بدون أهداف.. وبالتالى اللجوء للوشطين الثالث والرابع.
أصوات متداخلة: تعليقات على المباراة.
تصل م نخلفه الممرضة التى كانت مع على.. وتدخل الغرفة لتستكمل متابعة المباراة.
الممرضة «جبنا جون؟»
الجميع: ما جبناش!!

قطع

مشهد ١٠٦	مستشفى الأنجلو - غرفة الطوارئ	ل/د
----------	-------------------------------	-----

رجب ينتحب مخبئاً وجهه فى كفه .
 رجب: كده يا على؟ ده أنا مليش غيرك .. هتسيبنى لمن؟!
 يفتح على عيناه وينظر مبتسماً نحو رجب .
 على: «ساخرا» إيه يا جدو .. مش عيب تعيط!!
 يرفع رجب وجهه نحو على غير مستوعباً للموقف
 على: بتبصلى كده ليه يا رجب؟!
 يستوعب رجب فعلة على فتتغير ملامحه من القلق عليه إلى الغيظ الشديد .. ويجذبه من كتفيه ليجلسه ويهزه بعنف .
 رجب: إنت لسه فيك نفس .. مامتش ليه وخلصنى من همك .
 يدفع رجب على بقوة للخلف فيرتدى من جديد فى السرير .
 رجب: جتك الهم .
 يعدل على من وضعه .
 على: ليه بس كدة يا رجب .
 رجب: بلا رجب بلا زفت .. نشفت دى .
 على: ما تخفش .. أنا زى القرد .
 رجب: طب ما دام كدة بقى هات فلوسى يا بن الحرامية .
 على: هديهملك .. بس الأول ..
 رجب: «يقاطعه» الفلوس الأول ..
 يسخر على من رجب وهو يخرج مكسب اليوم من جيبه .
 على: إنت بتسمى دى فلوس!
 ينتبه رجب لكثرة النقود فى يد على الذى يعد ١٢٠ جنيه .
 رجب: إيه الفلوس دى كلها؟ .. سرقت بنك؟
 يعطى على رجب النقود بأداء «خد .. فلوسك آهى» .
 على: بنك إيه بس .. «مؤكد» عملت بسنس .
 يعد رجب المبلغ لعدم ثقته فى على .
 رجب: «ساخرا» بسنس يا فسل؟!
 على: «يفخر» الفسل ده هيجيبك سبوبة لغاية عندك وإنت قاعد تؤمر زى الباشا .
 رجب: إزاي بقى يا نورى .
 على: «شارحا» بص بقى .. إنت تطلع ع القسم بسرعة قبل ما الدكتور ييجى يكشف على ويففس التيتة .
 رجب: ده إيه التفاكة دى .. ما أنا كدة كدة هروح القسم ورجلى ..
 يبدى على استياءه من غباء رجب .
 على: محضر إيه بس .. إنت تتنازل عن المحضر ده وتطلب تعويض .

قطع

مشهد ١٠٧	قسم الزمالك	ل/د
----------	-------------	-----

الضابط وكل من فى الغرفة يتابعون المباراة
الراديو: ميمى الشريبنى يعلن انتهاء الشوط الثالث.
يقترح رجب الغرفة متصنعا الصدمة من خبر الحادث.
رجب: على.. حبيبى.. عملتوا فيه إيه؟ فىن المفترى اللى خطبه.
رجب: هو إنت!.. مش حرام عليك تموت عيل صغير زى ده؟.. ده حرام.. حرام والله.
الضابط: بس!.. إيه؟ فاكرك نفسك فىن؟
بهدأ رجب ويتصنع البؤس.. بينما العسكرى الذى يهد به إلى المستشفى يتابعه بأداء «يا بن النصابة».
رجب: أعمل إيه بس يا بيه.. من خضتى ع الواد.. يا ترى جراك إيه يا على؟
الضابط: هيكون جرالاه إيه يعنى؟.. مغم عليه وهيفوق.
يرتمى رجب على أحد الكراسى ضاربا كفى على ساقيه.. وينتحب وهو يختلس النظر إلى شريف ليرى وقع التمثيلية عليه.
رجب: مغم عليه.. يا حزنك يا رجب.. يا ترى هتفوق ولا لأ يا حبيبى؟
ينظر العسكرى لشريف يحثه على عرض التعويض.. فيتقدم شريف من رجب فى تردد.
رجب: «لشريف» ذنبه ف رقابتك.. ذنبه ف رقابتك!
شريف: أنا.. أنا ممكن أدفع تعويض.
رجب: وهو الضنا يتعوض؟
الراديو: ميمى الشريبنى يعلن بدء الشوط الرابع.
الضابط: بس.. خلاص.. هنشوف الموضوع ده بعدين..
يشير الضابط نحو الآخرين.
الضابط: روحوا هناك.
يندفع فجأة سليم - دمه سايح - وعادل وفتحى ورانيا داخلين الغرفة فى... فيبدي الضابط ضيقه
الضابط: لااااه.. كده كتير.. هو مفيش... فى البلد
يندفع سليم نحو الضابط مشيرا بانفعال نحو عادل.
سليم: الولد ده لازم يتسجن.
يشير الضابط لسليم كى يبتعد لأنه سد عليه التلفزيون.
الضابط: أقعد لنا على جنب دلوقتى.
سليم: «بغور» إنت مش عارف أنا مين؟
الضابط: بقولك أقعد على جنب بدل ما أسجنتك إنت.
يشير الضابط للعسكرى
الضابط: إسحبهم جنب زمايلهم.
يسحب العسكرى سليم وعادل وفتحى نحو الآخرين.
سليم: (للضابط) إنت فاكرك نفسك مين؟.. أنا سليم صالح.
يشير الضابط للعسكرى ببرود بأداء «مش عايز وجع دماغ»
الضابط: خده ع الحجز.
يثور سليم ثورة عارمة ويحاول التخلص من قبضة العسكرى الذى يسحبه بقوة خارج الغرفة.
سليم: حجز؟.. سليم صالح يترمى ف الحجز.. أنا هرفع قضية ع الداخلية.
تتابع رانيا سليم مسحوبا نحو الحجز فى تشفى.
فى خلفية سليم بالتوازي
ما أن ترى هدى عادل داخلا حتى تركض نحوه.. بينما يفاجأ عادل من وجود هدى فيسألان بعضهما البعض فى نفس واحد.
هدى: عادل؟.. إيه اللى جابك هنا يا حبيبى؟
عادل: بتعلمى إيه ف القسم؟
تتهرب هدى من السؤال.. فتبادر بسؤال آخر.
هدى: جرى إيه يا فتحى.. مالكو مبهدين كده؟
يشير فتحى برأسه نحو رانيا.
هدى: هو إحنا مش هنخلص م الموال ده بقى؟
ما أن ترى ريهام رانيا داخلا حتى تركض نحوها معتقدة أنها جاءت من أجلها.. بينما تفاجأ رانيا من وجود ريهام فتسألان
بعضهما البعض فى نفس واحد.
رانيا: بتعلمى إيه هنا؟
ريهام: رانيا.. عرفتى إزاي إنى هناك.
تكتشفان وجود سوء تفاهم.

رانيا: ولا أعرف إنك هنا.
ريهام: أمام جاية ليه؟
تشير رانيا برأسها نحو سليم وعادل.
رانيك «بسعادة» عادل بطح المخرج.
ريهام «بخيبة أمل» يا شيخة افتكرتك جيتى عشانى..
تتجه هدى نحو رانيا فى تحفز.. وتجذبها من ذراعها..
هدى: هو إنتى لا ترحمى ولا تسيبي رحمة ربنا تنزل...
يضرب الضابط المكتب بيده فى عنف ليسكت هذه الأحاديث الجانبية.
الضابط: بس يا غجر.. اللى يهبط هرميه ف الحجز.
يسكتون.. ويتجهون كالتلاميذ الخائبة نحو الآخرين.. فترى رانيا شريف.
ورانيك «مستهزئة» بتعمل إيه هنا يا سى شيرى؟.. جاى تعمل حلقة عنى ف القسم.
شريف: لأ.. خبطت عيل.
رجب «منتحبا» آه يا حبيبى.. مين يعوضنى عنك!!
تميل ريهام على رانيا هامسة.
ريهام: إنتى تعرفيه؟
رانيا: ده المذيع اللى بهدلى النهاردة.
ريهام: ده جوز واحدة من اللى بديلهم حقن.. كلمتها لما ماردتيش على.
رانيا: رنتى كلمتينى؟
ريهام: ميت مرة..
رانيا: مخدتش بالى.. صحيح؟ إنتى إيه اللى جابك هنا؟
تنظر ريهام نحو حسن ثم تضع وجهها فى الأرض.. فتبتسم رانيا متفهمة.
رانيا: ما إنتى مضطربة نفسك أهو.
ريهام: «مدافعة» واله أول مرة أخرج معاه.
رانيا: هو أنا هحاسبك؟
تدخل نيفين مندفة.
نيفين: مساء الخير.
الضابط: «باعجاب» مساء النور.
تركض ريهام نحوها.. بينما يندهش شريف من هظورها..
ريهام: مدام نيفين.
ترتبك نيفين عند رؤية شريف فتتشتت.
نيفين: ريهام؟
تتجه نيفين نحو شريف تاركة ريهام التى تشعر بخيبة الأمل للمرة الثانية.
نيفين: فى إيه؟.. بتعمل إيه هنا.
رجب: موت ضنايا.
تنظر نيفين لرجب مندهشة.. فيوضح شريف مشيرا على...
شريف: خبطت حفيدة بالعربية.
نيفين: «منزعجة» يا نهار أسود.. وجرااله حاجة.
رجب: «منتحبا» بيفرر يا حبيبى.. عوضى على الله!
تنظر نيفين لشريف نظرة عتاب محرقة رأسها فى استياء إشارة لفهمها أنه صدم على بسبب تأثير الخمر.. فيشيع شريف بوجهه.
تبتعد عن شريف وقد تذكرت ريهام.. فتتجه إليها.
نيفين: حصل إيه يا ريهام.. مسكوكى ليه؟
ريهام: «باكىة» والله ما عملت حاجة.
نيفين: أيوة.. بس مسكوكى هما ماسكينك ليه؟
الراديو: ميمى الشربيني يعلن نهاية الشوط الرابع والإلتجاء لضربات الجزاء.
الضابط: ع الله بقى ما يستغبوش ويضيعوا علينا البلنتيات زى كأس الأمم.

قطع

ل/خ	ستاد القاهرة	مشهد ١٠٨
-----	--------------	----------

استعدادات الفريقان لتصويب البلنتيان وسط ترقب الجمهور.

قطع

مشهد ١٠٩	فوتومونتاج	ليل
----------	------------	-----

ننتقل بين أماكن مختلفة تتابع الشخصيات الثانوية فى البلنتيات العشرة حابسة أنفاسها .

مشهد ١٠٩a	فوتومونتاج: مقهى متوسط الحال	ل/د
-----------	------------------------------	-----

الشباب الستة الذى سرق على تذاكرهم فى الميكروबाص.

مشهد ١٠٩b	فوتومونتاج: موقف ميكروباصات	ل/خ
-----------	-----------------------------	-----

حودة سائق الميكروباص مع زملائه من السائقين

مشهد ١٠٩c	فوتومونتاج: عمارة الممثلة	ل/د
-----------	---------------------------	-----

البودى جارد والأمن فى مدخل العمارة.

مشهد ١٠٩d	فوتومونتاج: ستوديو مصر	ل/خ
-----------	------------------------	-----

العاملين بالفيديو كليب فى الشارع أمام البلاطوه.

مشهد ١٠٩e	فوتومونتاج: مقهى حارة ريهام	ل/د
-----------	-----------------------------	-----

شباب محل الخردوات وصاحب المقهى وصبياناه فى مقهى الحارة.

مشهد ١٠٩f	فوتومونتاج: مطعم الفول والطعمية	ل/خ
-----------	---------------------------------	-----

زملاء حسن جالسين على موائد المطعم على الرصيف أمام المحل.

مشهد ١٠٩g	فوتومونتاج: قناة LIVE الفضائية	ل/د
-----------	--------------------------------	-----

العاملين ببرنامج شريف وحسام الساييس فى قاعة الاجتماعات بالقناة.

مشهد ١٠٩h	فوتومونتاج: منزل بمنطقة عشوائية	ل/خ
-----------	---------------------------------	-----

مقرئ عزاء الحاج عرفة على سطح منزله.

مشهد ١٠٩i	فوتومونتاج: مقهى الرئيس	ل - د - خ
-----------	-------------------------	-----------

شلة رجب جالسة بالداخل فى وجود صاحب المقهى وأولاده والعاملين .. بينما أصدقاء على يتابعون من على الرصيف.

ل/خ	فوتومونتاج: ستاد القاهرة	مشهد ١٠٩
-----	--------------------------	----------

أصدقاء شريف وسط جماهير الاستاد يتابعون بأنفاس مجبوسة البلنتى الأخير الذى سيقدر مصير الفريق المصرى.
ص: حالة من الصمت مخيمة على الاستاد.
يصوب هداف الخصم الكرة.. ويصدها الحضرى.. فتتفجر الجماهير تتعانق مهلة.. واللاعبين يركضون نحو الحضرى
يعانقونه.
الجمهور: تهليل + أرقص يا حضرى!!

قطع

مشهد ١١٠	قسم الزمالك	ل/د
----------	-------------	-----

تصاحب المشهد أصوات الاحتفالات آتية من الشوارع حول القسم
كل من فى الغرفة يتعانقون مهللين فى حالة من الفرح العارم:
ص ميمى الشريينى: واحد صفر لمصر يا ولاد!!

الجميع: تهليل

هدى: تزغرد

الضابط: «لهدى» أيوة كده.. واحد كمان!!

هدى: تزغرد

بعد أن يفرغ الجميع شحنة الفرح.. يستعيد الضابط هيئته ويشير اليهم إيدانا بالبده فى مباشرة العمل.
يندفع إلهي الجميع فى نفس واحد.. بينما نيفين الجالسة امام مكتب الضابط فى مواجهة ضابط نقطة المرور تتابعه وكأنها
فى حديقة الحيوان.

رجب: أنا عايز حق الواد المتلقح فى المستشفى.

حسن: الأمين إتبلى علينا.

هدى: والمصحف ما عملت حاجة.

رانيا: سليم لسة فى الحجز.

يقاطعم الضابط.

الضابط: حيلكم حيلكم.. واحد واحد..

يصمتون.. بينما يلتفت الضابط لضابط نقطة المرور مشيرا على نيفين.

الضابط: معلش يا حضرة الضابط.. ladies first

يرمق ضابط المرور نيفين بنظرة اعجاب.

ضابط المرور: طبعاً.

يلتفت الضابط لنيفين:

الضابط: حضرتك جاية ليه؟

نيفين: جاية عشان ريهام.

يلتفت الضابط لحيث تشير نيفين.. ويسأل ريهام.

الضابط: وانتى آيه اللى جابك يا ريهام؟

ريهام: الأمين..

يندفع الأمين نحو الضابط مقاطعاً ريهام.

الأمين: قفشتها مع الواد ده ع الكورنيش بيقفشوا ف بعض.

حسن: «منفعلاً» ماحصلش.. ده بيتبلى علينا.. إحنا كنا قاعدين عادى.

الضابط: «لنيفين» وحضرتك تقربيلها؟

نيفين: لأ.. بس عارفها من زمان.. وممكن أضمنها.. أو أدفع كفالة.

تضيف نيفين بخبث مشيرة للرشوة.

نيفين: .. أو أى حاجة تطلبها حضرتك.

يفهم الضابط ما ترمى إليه نيفين.

الضابط: «مبتسماً» لا.. الموضوع مش مستاهل.

يشير الضابط على حسن.

الضابـس: طب تعرفيه؟

تنظر نفيين لحسن.. ثم تجيب بعد تردد.

نيفين: آه.. ده خطيبها.

تبدو الدهشة على حسن وريهام من. اجابة نيفين.

الضابط: «لريهام» ده خطيبك.

ريهام: أيوة.

ينظر حسن للأمين بتحدى.

حسن: ومستعد أكتب عليها حالا لو عايزين.

الضابط: إنت فاكـر نفسك فى المشيخة؟.. لما تخرجوا إعملوا اللى انتوا عايزينه.

يشعر الأمين بأن الموضوعه سوف يطلع على فشوش فيتدخل محاولاً قلب الدفة.

الأمين: بس يا باشا أنا شايفهم بعينى.. نعملهم محضر: تحرى.. أو ع الأقل نكشفك عنها.. جاز ليها ملف ولا حاجة؟
الضابط: «بحزم» ما تيجى تقعد مكانى أحسن.
تدخل رانيا أخيراً
رانيا: «لضابط» حضرتك الأمين ده أكيد كذاب.. دى أختى وأنا عارفها.. لا يمكن تكون تعمل حاجة م اللى بيقول عليها دى.
الضابط: «مدهش» هو إنتوا إخوان؟
رانيا + ريهام: أيوة.
يهز الضابط رأسه بأداء غريبة.
الضابط: عموما ما دام طلعتوا مخطوبين.. هسيبكوا تروحوا.. بس بعد كدة ما تبقوش تاخدوا راحتكو قوى فى الشارع.
يشير الضابط برأسه نحو الأمين.
الضابط: عشان ما يجييش أمين فاضى يطلع عقدوا عليكم.
يلتفت الضابط للأمين ويأمره فى حسم وتهديد.
الضابط: وانت.. سيب اسمك ورقم دوريتك وامشى.
يشعر الأمين بأنه وقع فى شر أعماله.. بينما ينظر له حسن وريهام فى شماتة.
الضابط: تقدرؤا تروحوا.
ريهام: لأ.. أنا هستنى رانيا أختى.
يلتفت الضابط نحو رانيا.
الضابط: وأختك كمان هنا؟
يتوقف الضابط عن الحديث وقد تعرف على رانيا.
الضابط: إيه ده؟.. مش إنتى نينا؟
رانيا: «بفخر» أنا.
الضابط: «ساخرا» ده بقى قسم النجوم بقى.. هاه؟ خير؟
رانيا: أنا جاية مع أستاذ سليم صالح.
يبحث الضابط بين الموجودين.
الضابط: وهو مين فيهم الأستاذ سليم ده؟
رانيا: «مبتسمة» اللى ف الحجز!
الضابط: «متذكرا» آه..
«للعساكر» حد يروح يجيبهولنا م الحجز
يخرج أحد العساكر من الغرفة.. بينما يلتفت الضابط لضابط المرور الجالس يراقب نيفين فى شغف.
الضابط: خير؟
يشير ضابط المرور نحو هدى والشاب والحاج.
ضابط المرور: الناس دى كانت عاملة غاغة ف أوتوبيس نقل عام.. رحت.. لقيت الركاب قافشين الواد ده بيتحرجش بالسست دى.
ما أن يسمع عادل نهاية الجملة.. حتى ينقض على الشاب ويضربه.. بينما هدى تحاول جذب عادل.
عادل: يا بن الكلب.
هدى: «مولولة» يا لهوى.. سيبه يا عادل.. سيبه!
يتدخل الضابط ويجذب عادل بعنف بعيدا عن الشاب.
الضابط: إيه يا بنى إنت.. إنت فاكرك نفسك لسه ف الأوتوبيس.
ضابط المرور: ده ما كنش معاهم.
يدخل سليم الغرفة.. ويندفع ثائرا نحو الضابط.
سليم: «لضابط» أنا هدفك تمن عملتك دى غالى.
الضابط: «العادل» بتمد إيدك عليه ليه؟
سليم: أيوة.. إسجنه!
الضابط: «لسليم» مش بتكلم عليك إنت.
يلتفت الضابط للعساكر مشيرا نحو سليم.
الضابط: حد يبعد الراجل ده من وشى.
يتقدم أحد العساكر ويسحب سليم بعيدا عن الضابط.. الذى يواصل مع عادل.
الضابط: بتمد إيدك عليه جوة القسم؟
عادل: «بغل» عشان مد إيه على أمى.

يلتفت الضابط نحو هدى فى دهشة.. وقد التبتت عليه الأمور
الضابط: هو إيه!.. إنتوا كلوكوا قرايب ولا إيه؟
«لعادل» آمال إنت إيه الى جابك؟
يتدخل أحد العساكر.
العسكري: ده تبع خناقة البار.
الضابط: «لعادل» طب إكنلى شوية على جنب لحد ما بييجى دورك.
يمسك الضابط بتلابيب الشاب ويصفعه بقوة.
الضابط: وإنت يا روح أمك ماشى هايج ع النسوان؟
يتدخل الحاج الشاهد على الواقعة.
الحاج: هى اللى سابت له نفسها.
يلتفت الضابط للحاج وينظر إليه شذرا مهدداً.
الضابط: وإنت مين بقى؟
«يكش» الحاج فى نفسه خوفاً.
الحاج: أنا يا بنى جاي أشهد شهادة حق يحاسبنى عليها ربى يوم الدين.
ضابط: المرور: خليك ف حالك يا حاج.. إحنا بيورد علينا من ده كثير.
يتراجع الحاج.. بينما يلتفت الضابط نحو الشاب.
الضابط: عارف لولا إن النهاردة يوم مفترح.. أنا كنت علقتك ع الفلكة.. ياللا.. غور
يدفع الضابط بالشاب نحو الباب بعنف.. فيكاد يسقط.... ويخرج.. مرعوباً
الحاج: وأنا؟.. أقدر أروح
الضابط: أيوة.. وما تبقاش تحشر نفسك ف اللى مالکش فيه
يخرج الحاج بينما يلتفت الضابط لهدى
الضابط: تقدرى تروحي يا ست.
هدى: مش ماشية غير ورجلى على رجل إبنى.
يتهدد الضابط بأداء «اللهم ما طولك يا روح».
الضابط: «لهدى» طيب..
«لعادل» إيه حكايتك إنت كمان؟
يندفع سليم نحو الضابط.
سليم: الواد ده فتحلى دماغى بازازة.. كان المفروض تحبسه هو.. مش تحجزنى أنا!!
الضابط: عندك شهود؟
يجذب سليم رانيا بعنف نحو الضابط.
سليم: انطقى.
الضابط: «لرانيا» الواد ده بطحة بازازة؟
تهز رانيا رأسها إيجاباً.. ثم تنتظر فى الأرض.
الضابط: «بحدة» بطحته ليه يا عين أمك؟
عادل: «منفعلا» عشان ضربها بالقلم وجرحها من شعرها قدامى.
الضابط: «مستهزئاً» وإنت مالك إنت!.. فاكرك نفسك حامى حما الستات المصرية؟
«لرانيا» الواد ده بطحه عشان كان بيدافع عنك؟
تسكت رانيا.. فيشجعها الضابط وهو ينظر نحو سليم بتحفز.
الضابط: قولى إنه ضربك وأنا أحبسه.
تبدل رانيا.. فيشجعها الضابط وهو ينظر نحو سليم بتحفز.
الضابط: قولى إنه ضربك وأنا أحبسه.
تبدل رانيا نظرها بين سليم وعادل فى حيرة.. ثم تجيب ووجها فى الأرض.
رانيا: لأ.. ما ضربنيش.
تقترب هدى من رانيا و«تزغدها»
هدى: جاتك قرصة فى قلبك زى ما إنتى واجعة قلبه.
يعود الضابط خلف مكتبه فى خيبة أمل.. بينما يهمس سليم لعادل يستفزه.. ثم يتبع الضابط.
سليم: «لعادل» هسجنك
«للضابط» أنا عايز أعمل محضر وأثبت إنى مبطوح ودمى سايح.. دى جناية
الضابط: الجناية دى لو علاجك ياخذ أكثر من ٢١ يوم كلها تلت أربع غرز وخلص.. يعنى علاج مين.

سليم: وانت ايش عرفك.. هو انت دكتور.. أنا عايز دكتور.
الضابط: خلاص.. روح لدكتور خليه يعالجك ويكتب تقرير
يشير سليم نحو عادل.
سليم: والواد هتعمل فيه إيه؟
يتتعمد الضابط إغاضة سليم.
الضابط: هعمل فيه إيه يعنى.. هروحه.
سليم: «منفعلا» تروحه يعنى إيه.. ده لازم يتحبس.
الضابط: «متحديا» مش حابسه.. هسيبه بضمان محل اقامته لحد ما تجيبلى التقرير.. مش عاجبك خليك قاعد.
يجلس سليم بأداء طفولى متحفز.. بينما يلتفت الضابط لشريف.
الضابط: وانت يا أستاذ شريف؟.. ناوى تعمل إيه
شريف: أنا مستعد أدفع تعويض.
الضابط: «لرجب» مستعد تاخذ التعويض وتتنازل ولا نكمل المحضر.
رجب: هوم الضنا يتعوض.
يمسك الضابط بورقة المحضر لاستكمالها بأداء أنه «فاق» رجب.
الضابط: «بخبث» لأ طبعا ما يتعوضش.. نكمل المحض.. بطاقتك؟
رجب: أنا شايف البيه مش وش بهدلة.
يتوقف الضابط عن الكتابة وعلى وجهه علامات الزهو لنجاحه فى
الضابط: يعنى هتقبل العوض؟
رجب: العوض عوض رينا.. لكن برضه الصلح خير.
الضابط: طيب.. عايز كام؟
يتصنع رجب التفكير.. ثم يقول المبلغ بسرعة وكأنه يلقي قنبلة.
رجب: عشر آلاف.
الضابط: عشر الاف جنيه.. ليه؟ هو خبط لعيب كورة؟
رجب: ما هو يا باشا عشان أعالج الواد.
الضابط: «لشريف» موافق تدفع عشر آلاف جنيه؟
يشعر شريف أنه فى مأزق.. وينظر للضابط بأداء «والله ما أنا عارف أقول إيه».
رجب: «بخبث» لو مش عايز يا بيه مفيش مشكلة.. نسيب القانون ياخذ مجراه.. حضرتك اللي اقترحت فكرة العويض.
شريف: لأ.. موافق.. بس أنا معيش المبلغ ده دلوقتى.. ممكن أديهولك بكرة الصبح.
رجب: يا بيه حد ضامن عمره.. مش جايز عربية تخبطنى وأنا مروح.. فالواد يتيم وما يلاقيش حد يعالجه.
تتدخل نيفين لانقاذ الموقف.
نيفين: أنا هديك شيك دلوقتى.
الضابط: وحضرتك إيه دخلك بالموضوع؟
يشير الضابط على رجب.
الضابط: تعرفيه؟
نيفين: لأ.. أعرف شريف.
الضابط: «هازنا» إيه.. أخوكى هو كمان.
تتبادل نيفين الطنرات مع شريف.. ثم تجيب.
نيفين: لأ.. كان جوزى.
يفاجأ شريف من رد نيفين.. ويتابعها بمشاعر متضاربة وهى تخرج دفتر الشيكات من حقيبتها وتكتب شيك لرجب.. بينما
تميل ريهام على حسن.
ريهام: باينهم اتطلقوا.. غريبة ماقتليش.. مع إنى كنت عندها الصبح.
تعطى نيفين الشيك لرجب.. فيقطع الضابط ورقة المحضر الذى زعطاها له العسكرى عند وصوله.
الضابط: تمام.. تقدروا تروحوا.
ينظر الضابط لسليم.. ويكرر مؤكدا لاغاضته مرة أخرى.
الضابط: كلكم.. تروحوا كلكم.. شطبنا.

قطع

مشهد ١١١	فوتومونتاج: شارع اتحاد الكرة	ل/خ
----------	------------------------------	-----

يدور المشهد فى نفس الشارع فى نفس التوقيت.. ولكنه مقسم لفوتومونتاج حيث نرى كل من الشخصيات فى موقف مختلف فى جزء مختلف من الشارع

أجواء الاحتفال

الشارع مزدحم على آخره بالناس (شباب - فتيات - عائلات - أطفال) يحتفلون معلطين حركة مرور السيارات والتاكسيات الشبه متوقفة فى أماكنها لا تتقدم من فرط زحام مظاهر الاحتفال.

- السيارات عليها أعلام مصر.
- وجوه المحتفلين مرسوم عليها علم مصر.
- صدور شباب عارية مرسوم عليها علم مصر.
- ألوان الملابس علم مصر.. وطواقى علم مصر.
- ركاب السيارات جالسين على النوافذ يهللون.
- شباب يحملون الطبول يستوقفون كل سيارة ويلفون حولها يغنون.
- شباب يحملون الطبول يستوقفون كل سيارة ويلفون حولها يغنون.
- شباب يرشون علب المبيدات ويشعلون فيها النيران.
- شباب يصنعون دوائر بالجاز ويشعلونها صانعين دوائر نار يرقصون بداخلها.
- شباب يطلقون الصواريخ.
- شباب وفتيات يطبلون ويرقصون فى دوائر.
- فتيات ترقصن على السيارات.
- السيدات تزغرد.

ص: غناء/ صفافير/ تشجيع/ تهليل/ كلاكسات/ زغاريد..

مشهد ١١١a	شارع اتحاد الكرة - تاكسى	ل/خ
-----------	--------------------------	-----

رانيا وسليم داخل تاكسى متوقف بسبب دوائر النار التى يشعلها الشباب أمامه.. حيث يبدو على سليم الاستياء والضيق.. بينما تتابع رانيا فى سعادة بعض الفتيات يرقصن على كبايت السيارات المجاورة.

مشهد ١١١b	شارع اتحاد الكرة	ل/خ
-----------	------------------	-----

تلتف شلة أولاد وبنات حول هدى وعادل وفتحي يحثوهم على مشاركتهم الرقص والغناء.

مشهد ١١١d	شارع اتحاد الكرة - سيارة شريف	ل/خ
-----------	-------------------------------	-----

رجب وشريف داخل السيارة التى يستوقفها بعض الشباب ويدورون حولها بالطبول والغناء.. فيطلان كل من نافذته ويشاركوهم الغناء والتطليل على باب السيارة.

مشهد ١١١c	شارع اتحاد الكرة - سيارة نيفين	ل/خ
-----------	--------------------------------	-----

نيفين جالسة داخل سيارتها المتوقفة.. بينما حسن وريهام يلفان حول السيارة فى طار مع مجموعة من الشباب والفتيات.

مشهد ١١١b	شارع اتحاد الكرة - تاكسى	ل/خ
-----------	--------------------------	-----

رانيا - متجاهلة غضب سليم - ترقص فوق كبوت التاكسى مشاركة الفتيات اللاتى ترقصن على كبايت السيارات المجاورة.

مشهد ١١١b	شارع اتحاد الكرة	ل/خ
-----------	------------------	-----

عادل يراقص هدى وعادل مع فتحي وشلة الشباب.

مشهد ١١١C	شارع اتحاد الكرة - مستشفى الأنجلو	ل/خ
-----------	-----------------------------------	-----

على في شرفة المستشفى يراقب الاحتفالات في الشارع وهو يلوح بعلم مصر.. ثم يلمح رجب آتيا يتراقص وسط الزحام. الكاميرا توب فوق رأس رجب تبعد عنه فيتوه وسط الزحام.. ثم تختفي بعض الرؤوس.. يبحث تتبقى رؤوس تكون كلمة «واحد - صفر» التي تتحول لألوان علم مصر. صك: تتلاشى تدريجيا أجواء الاحتفال.

نزول التترات.

ص: أغنية رانيا التي كانت تصورها فيديو كليب.. والتي تتحول من تشجيع للكرة إلى وصف حال مصر.

النهاية